

1875



M

G. 1.

~~D. XX~~



Helianthus Chlorocephalus



# AELIANI

DE VARIA HISTORIA

LIBROS XIII IACOBVS LAV

REVS VENETVS E GRAE

COIN LATINVM

VERTEBAT.

ADIVNCTA EST ET ODE PIN

dari, quæ inscribitur in Hieronem Ce =

lete. ab eodem Heroico carmi =

ne donata.

Cum Indice copiosissimo rerum notabilium,  
qua in eis leguntur.



ITALIA



IACOBVS LAVREVS  
MARCO ANTONIO IVSTINIA  
NO HIERONYMI P. F. S. P. D.



ROMANORVM,  
exterarumq; gētium  
non tam præclara in  
daministratione bel-  
licarum rerum consi-  
lia, & egregiam ani-  
mi solertiam, quàm domestica dicta,  
& facta, quæ apud alios scriptores  
latius patent, Aelianus ab illustribus,  
antiquissimisq; uiris delecta elegantis-  
sime quatuordecum libris cōplexus est.  
Quam re quantum breuitate præsti-  
terit iis historicis, qui apud cæteros  
pressissime locuti dicuntur, hinc omnes  
intelligunt, q; quicquid ab Herodoto,  
Thucydide, Xenophonte, Diogene,  
& Plutarcho, quem ego bonum histo-  
riæ parentem appello, cæterisq; quos

*felicia aliquādo secula edidere, scriptoribus copiosissime pertractatur, hoc ueluti Homericæ Ilias breuissimo nucis cortice cōcluditur. Ea enim quæ domi ornamento in sententiis dicendis, & conseruanda legum æquitate, foris in administranda re militari, in obeundis rite legationibus presidio esse possunt, hic strictim, & eruditissime cōmemorantur. Quanta uero uenustate omnia explicet, quæ aduariis gentium ritus, ad excitandos ad omne uirtutis genus homines spectant, facilius ex Aeliano dicente percipimus, q̃s oratione nostra recenseri queat. Huc accedit, q̃ Romanorū, Atheniensium, Lacedæmoniorū, cæterorumq̃ barbarorum, tam regum, q̃ priuatorum hominum instituta, et mores mirabili quodam artificio, et iucūda uenustate complectitur, ut nō Romanum hominem,*

*sed Laconem iocosum agnoscas. Quæ  
omnia & si propter ea, quæ prædixi-  
mus, maxima sunt, propter uarieta-  
tem tamen penè incredibilem, & hi-  
storix dignitatem magnificianda ui-  
deo. Illud quoq; debet mirum uideri, qd  
Romanus homo, qualem Suidas, &  
Philostratus fuisse Aelianū memorāt,  
alienis uerbis, adeo diserte historiam  
cōscripsit ut, μελίγλωσσος, et μελίφλογγος  
dictus fuerit. Scimus quidē inter Ro-  
manos homines T. Gracchū P. F. ora-  
tionem græcam habuisse, & A. Albi-  
num græce historiam scripsisse M. Ci-  
cero tradit, omnibus tamē, qui in hisce  
studijs diutius uersati sunt, Aelia-  
nus mea sententia præstitit. Quā ego  
laudē magis ingenij, & laboris, q̃ al-  
terius rei propriā puto. Sed quid ego  
hæc uerbosius? præsertim cum Aelia-  
nus ipse angustissime (ut ita dicam) et*

ueluti terminis quibusdam inclusus dis-  
seruerit? Illud quidē uelim sic habeas  
MARCE ANTONI, me cū pri-  
mum sponte mea ad hanc prouinciam  
suscipiendam inflāmatum, Franciscus  
Robortellus Vtinēsis optime de Ro-  
manis, græcisq; hoībus meritis ac rio-  
ribus etiā stimulis incitauit, statim om-  
nibus lætitijs affectum esse, & uidebā  
oblatam mihi tandem a Dijs immor-  
talibus occasionem, qua animum in te  
meum, Perpetuamq; obseruantia cla-  
rius quā in antea cognosceres, ut si nō  
eadem liberalitate, quā tu me, præter  
dignitatem meam complecteris, te re-  
muneratus essem, saltem uoluntatis  
alacritatem non defuisse putares.  
Præterea & aliud me affecuturū spe-  
rabam, & maiori mihi, & suauiori  
admirationi uidebam fore tam diser-  
ti scriptoris monimenta, si alijs hanc

meam lætitiā, & , si non utilitatem  
 omnē, quæ undiq; sese offert, saltem  
 particulam impertuissem. Id quod à  
 Tarētino Archyta solitum esse dici  
 M. Cicero tradit. Cum igitur nos  
 MARCE ANTONI Aelianū  
 hunc e' Græciæ sinu ueluti transfugā  
 quendam in Italiā reduxerimus, tutio-  
 rē, ornatiorēq; fore credidimus apud  
 eos, à quibus uiuēs uisus est defecisse,  
 si tu tanquam bonus orator, & fide-  
 lis patronus eius causam suscepisses.  
 Neq; solū, mihi crede, generis tui am-  
 plitudo, quæ iam inde ab optimo illo le-  
 gumlatore initiū duxit, eum ab iniuria  
 hominū defendet, sed etiam dignitatis,  
 & humanitatis tuæ lux ornamēto, &  
 præsidio esse poterit. Nos iacētē ere-  
 ximus, fac quæso, ut maiorū tuorū au-  
 thoritate diutissime in eodem statu cō-  
 seruetur. Nos tenebris inuolutum in lu-

cem edidimus, noli tu cōmittere, ut benignitatis tuæ splendore destitutus uideatur. Nos prænestina ciuitate, quæ hominis olim propria fuit, & Romana iterum donauimus, effice tu, ut sententiæ tuæ grauitate, cōtēptis maleuolorum uoculis, & tacita obtrectatorū admurmuratione tuto ꝑ Itālas urbes diuagetur, et ulterius etiam, si libeat, progrediatur. Scimus olim totam domū tuā feliciter pro salute, & gloria imperij Veneti extinctam reuixisse, & paulopost iisdem uirtutis ornamētis adiutam ad id amplitudinis peruenisse, quod & præsens ætas supremū arbitratur et futura secula admirabūtur. Quare meminisse te puto, eos, qui diutissime calamitates aliquas, & miserias pertulere, solitos adeos potissimum confugere, quorum uirtus nulla unquam tēporū iniquitate, nullis for-



tunæ ictibus prosterni, aut labefacta  
 ri potuit. Nō scribo hoc temere. Noui  
 animi tui moderationē, Noui incredi-  
 bilem firmitudinē, Noui eximiam pru-  
 dentiam, quæ non modo tibi aliquando  
 turbulentis, & periculosis tēporibus  
 aduimēto fuit, uerum etiā cæteris ad-  
 mirationi. Eas enim temporum procel-  
 las, insperatosq; euētus, quorum me-  
 moria mihi ipsi acerbissima est, non po-  
 tuisse sine maximis uirtutis præsidijs,  
 sustineri facile intelligo. Quare cum  
 hæc omnia quæ mihi optime nota sunt,  
 Aelianus noster non ignoret, cū non  
 modo recentiorum hominum, sed etiam  
 exterorū, quemadmodum uides, præ-  
 clare res gestis usu, & doctrina per-  
 ceperit, non est tibi committendum, ut  
 ei, qui diu barbarorum fluctibus ia-  
 ctatus ad te ueluti in portum tutissi-  
 mum confugit, liberalitas tua defuisse

uideatur. Peto igitur à te pro incre-  
dibili mea erga te obseruãtia, ut, quid-  
quid laboris alacriter pro aliena uti-  
litate, & commodo suscepimus, id to-  
tum mansuetudine, & auctoritate tua  
complectare, ac foueas, ut reliqui, ad  
quos scripta hæc peruenient, non gra-  
uentur nos in fidem suam recipere. Id  
quod fore confido, si tibi, quem rerum  
usu, & literarum studijs excellentem  
omnes intuentur, ea non displicuisse  
sensero. Vale. Venetijs.  
Calendis Decembris. 1549.

# AELIANI DE VARIA HISTORIA

LIBER PRIMVS.

De polypo.



**P**OLYPI uentre sunt uoracissi-  
mo, & quodcunque audissime co-  
medunt, adeo ut nec à suo quidem  
genere abstineāt, sed minor captus  
à maiore, & infirmiora retia, quæ  
duntur piscis ipsius capilli, illa-  
psus, cibum illi præbeat. Insidian-

tur quoque polypi piscibus hoc modo. Petris adhæren-  
tes, & illarum colorem imitantes, pisces, qui eò tanquam  
ad petram adnatant, incautos suis ipsorum retibus, hoc  
est brachiorum flagellis includunt.

De phalangibus.

Phalanges neque texendi artem, neque ea, quæ ad Miner-  
uam spectant, didicere, aut discere uolunt. Nam quem  
amabo usum huiusmodi uestimenta tali feræ apporta-  
rent? Eius autem uestimentum est rete, & laqueus qui-  
dam paratus ijs, quæ cadunt. hæc enim quiescens, & ue-  
luti immobili retia obseruat & quodcunque cecidit,  
à rete circumplicatum, escam illi exhibet. id autem  
consuevit cadere, quod & tela ipsa potest sustinere, &

ei ad uictum satis est.

De Aegyptijs ranis.

Ranarum Aegyptiarum genus prudens erat, (nam & cæteris magnitudine longe præstât) si enim forte rana inciderit in hydnum Nili alumnus, calami frustum apprehendit, strictumq; mordicus, & obliquum tenet, hydnum iterum, atque iterum expertus ipsam unâ cum calamo deuorare, cum ore longitudinem illius capere nequeat, tandem ranarum prudentia uincitur.

De cane Aegypto.

Neq; uero Aegyptij canes prudentiæ omnino expertes sunt, hi enim non collecti, neque palam, neque libere ex fluuio bibunt, inclinantes se, & quantum extinguendæ siti satis sit, lambentes, sed cum timeant eas, quæ in ipso degunt, feras, ripam prætercurrentes, raptorum more bibunt, atque ita per interualla saturantur, sitiq; & saluti eodem tempore consulunt.

De uulpe marina.

Vulpes non solum terrestre est animal dolosum, sed & marinum maxime callidum, escam enim minime suspectam habet, neque ob intemperantiam deuitat; eadem hamum non reformidat. Nam priusquàm piscator calamus attrahat, consuevit impetu factò funiculum abrumpere, & retronatare, ita ut sæpe duos, & tres hamos deuorarit, neque piscatori optata præda potiri licuerit.

De marinis testudinibus.

Marinæ testudines in terra pariunt, partusq; statim terra obruunt, postea retro in proprias sedes natant, sunt autem adeo ratiocinandi peritiæ, ut ex se ipsis quadraginta dies enumerent, quorum spatium partus animati fiunt,

reuerſæ igitur rurfus ad locum, in quo oua occulta-  
 rant, quam ſuperiecerunt, effodiunt, & iam mobiles  
 pullos, & ad ſequendum idoneos ſecum abducunt.

De agreſtibus ſuibus.

Sunt & agreſtes ſues medicinae, & curationis non imperi-  
 ti. Nam hi, ſi forte per imprudentiam hyoſciamum co-  
 mederint, poſteriora contrahunt, quamuis languide ſe  
 habeant, Deinde conuulſionem patientes, ad aquas tamẽ  
 proficiſcuntur, atq; hic cancris auidiſſimẽ ſaturati morbi  
 remedium inuenere, & ſe rurfus ſanos reddidere.

De phalangio.

Phalangiiũ ceruis eadem ratione, qua & hominibus, nocet,  
 uita enim periclitantur, quòd ſi hederam guſtarint, quã  
 tamen agreſtem oportet eſſe, nullum ex morſu incom-  
 modum ſenſere.

De leone ægrotante.

Ægrotantem leonem nihil ex alijs omnibus adiuuat præter  
 deuoratam Simiam.

Qua ratione percuffæ in Creta capræ ſe ipſas curant.

Cretẽſes optimi ſunt ſagitarij, ita ut capras in ſummis mon-  
 tibus paſcentes feriant, percuffis tamẽ Dictamni herbæ  
 cibo tela, cuſpidesq; omnes e corpore decidunt.

Quòd mures præſagiunt.

Sunt & mures ex animalibus diuinandi peritis. Nam pu-  
 trida alicuius domus futuram ruinam primi omnium  
 ſentiũt, quocirca dereliãtis proprijs latebris, & cõſue-  
 tis domicilijs quã celerrimẽ aliò ad habitandũ cõfugiũt.

De formicis.

Inſitus eſt etiam formicis quidam, ut aiunt, diuinãdi ſenſus.  
 Appropinquante enim fame, diligentiores ſunt ad col-

ligenda & recondenda frumenta, & quæcunque ad ipsarum uictum semina pertinent.

## De Gelone.

Gelo Syracusanus somniavit se fulmine percussus, & propterea non obscure, neque leuiter clamauit, tanquam in somno, sed alte, præ timore grauitè exterritus. Canis, qui prope accubabat, clamore excitus, caput intente, & minaciter latrare, ex quo factum est, ut Gelo & somnio experrectus fuerit, & timore omni solutus.

## De cygno.

Aristoteles scribit Cynñ plures, & pulchros partus edere, adeoq; animi audacia pollere, ut plerunque in iram prolapsi Cygni se ipsos occiderint. Idem tradit Cygnos cum aquilis pugnare, & fortiter resistere, non tamen priores iniuriam inferre. Quòd autem cantus studiosi sint, id diuulgatum est. Ego uero canentem cygnum non audiui, & fortasse neque alius. Creditum est tamen ipsum canere, & eo præsertim tempore maximè uocalem, & canorum esse, quando ad uitæ metas propius se accedere senserit; Mare traïciunt, & per ipsum uolant, nunquam autem defatigantur.

## De columbis.

Colūbas ferunt alternatim ouis incubare. Deinde pullis iā natis mas in ora inspuat, repellēs ab ipsis, ut aiūt, inuidiā, ne scilicet fascinetur: bina parit oua fœmina, primū mas deinde fœminā pariūt colūbæ omni anni tēpore, et propterea decies in anno parturiunt. Fertur apud Aegyptios Aegyptias colūbas duodecies parere. Scribit Aristoteles liuiā, à columba differre, columbā enim maiore, liuiam minore esse, & columbam domesticam, hāc uero

non, neque le maremprius coire, quàm osculatus fuerit illam, foeminas enim non sustinere marium consuetudinē, nisi praecefferit osculum. Illud quoque addit foeminas secū inuicem coire, quando marium consuetudine potiri non licuerit, neque aliquid in se ipsas emittere, pariunt oua, ex quibus pulli generantur. Si uero Callimacho credimus, palumbum, frumentatricem, columbam, & turturē ait inter se dissimiles. Celebratur apud indos columbas illic esse colore melino. Charon autē Lampsacenus iuxta Atho uisas esse columbas albas inquit, quo tempore illic persarum triremes Atho adnauigantes interiere. In Eryce Siciliae monte, ubi templum est ueneris sanctitate, & ueneratione admirabile, certisq; diebus Erycini Anagogia celebrant, & ferunt Venerem in libyam ē Sicilia trajicere, repente emergunt columbae unā cum Dea peregrinantes. Per reliquum autem tempus magnam harum auium copiam in templo Deae uersari pro certo creditum est. Achæi quoque Iouem ipsum captum amore uirginis Phthiae nomine, quae in Aegio habitabat, se in columbam mutasse memorant.

De Socrate quando Venenum hausit.

Nauis iam ē Delo proficiscēte, cum Socrates morte multatus esset, Apollodorus eius familiaris ingressus carcerē attulit tunicam sumptuosam, & egregie textam, & pallium non dissimile, rogabatq; ut tunica, & pallio indutus uenenum biberet, dicebat enim praeclaro ipsum funere decorandum, si eo habitu mortuus esset, etenim ornamenta cadaucris gloriae esse. Hæc Apollodorus, quæ tunc non passus Socrates dixit Critoni, Simmiae, & Phædoni, male de nobis sentit Apollodorus, si nos eo=



## L I B E R

dem cultu post epotum uenenū sperat fore; Nam si existimat me paulopost infra pedes proiectum non hinc auolaturum, male quidem de nobis sentit.

De quadrigis breuissimis. & elegiaco carmine.  
Hæc, quamuis sint uilia opera Myrmecidæ Milesij, & Callicratis Lacedæmonij, admirabilia tamē uideri possunt. Nā & quadrigas confecerunt adeo breues, ut eas musca alis cooperiret, ijdem Distichum in Sesamo aureis literis inscripserūt, quorum neutrum mea sententia probandū uidetur. Quid enim hæc aliud sunt, quā uana temporis consumptio?

De mollibus, & luxui deditis mulieribus.  
Non ne plerūq; ex mulieribus nimia luxuria defluxere? in capite enim auream coronam gestabant, pedes Sandalijs uinciebant, auribus in aures magnas appēdebant, tunicarum partes, quæ ab humeris usque ad manus extendebantur, non consuebant, sed fibulis aureis, & argenteis, ijsq; crebris aptabant. Atque hæc omnia ueteres illæ, Atticarum autē seminarū luxū Aristophanes explicet.

De luxu Sybaritarum, Colophoniorum,  
& Corinthiorum.

Peruagatus est sermo, & iam ad omnes emanauit, nimium luxum Sybaritis, & ipsi Sybari interitū attulisse. Quæ uero plerisque minus nota sunt, ea à me dicentur. Nam hi sumptuosis uestibus induiebantur, & uictus intemperantia turpiter utentes contumeliosè se gerebant. Præterea Bacchiadum magistratus, qui est apud Corinthios, cum ad summum potentiæ ascendisset, propter immoderatum luxum sublatu est.

De Dionysij sacrilegijs,

Dionysius



Dionysius omnia ea templa, quæ erant Syracusis, expilauit, amiculum Ioui detraxit, & omnem aureum ornatum pondere, ut aiunt, octoginta quinque talentorum. Cum autem artifices timerent ipsum tangere, primus simulachrum confregit. Idem simulachro Apollinis aureos capillos abstulit, cum iussisset ipsum tonderi. Postea cum ad Troezenios naui appulisset, omnes Leucotheæ, & Apollinis pecunias, mensamq; argenteam deo appositam sustulit, præcepitq; bonum euentum ipsi propinare.

Qua ratione Ismenias inuerecunde proiecerit se ad pedes regis persarum.

Non omittendum censeo prudens simul, & Græcum Ismeniae Thebani factum, qui cum legatus à patria ad regem Persarum missus esset, cuperetq; cum Persa de ijs, quorum causa uenerat, colloqui, quidam tribunus militum, qui & ad regem nuntios importabat, & supplices introducebat, ò hospes Thebane, inquit, (hæc autem iocose per interpretem dicebat Tithraustes, id enim erat nomen tribuni) lex est apud Persas, ut ne quis prius cum Rege colloquatur, quam se ad illius pedes proiecerit. Quod si ipse uelis cum Rege agere, ea quæ legis sunt, facias oportet, sin autem, nostra tibi opera opus est. Tunc Ismenias, duc me, inquit, ingressusq; ad Regem, annulum, quem forte gerebat, digito extractum temere ad pedes proiecit, & cum statim se inclinasset, tanquam uenerans, rursus illum sustulit, existimatusq; est legi paruissse, atque ita cum nihil præter Græcorum dignitatem fecisset, omnia, quæ uoluit, à Rege impetrauit.

Dona data legatis, à Rege persarum.

Hæc erant dona, quæ à Rege dari consueuerunt legatis ad

se profectis, siue Græci, siue alij essent. Talentū unicuiq; Babylonium argenti facti, talenta erant phialæ duæ argenteæ. Babylonium autem talentum duas, & septuaginta minas Atticas habet. Dabat præterea armillas, Acinacem, & torquē, omnia hæc precij mille Daricorū Medicam quoq; uestem, quæ Dorophorice uocabatur.

De Gorgia & Protagora.

Inter ueteres Græcos fama maximè excellebat Gorgias Leontinus. Philolai filius, et Protagoras Democriti. Sapientia autem tantum inferiores erāt, quantum pueri uiris. fama enim neq; exacte uidet, neq; audit, ex quo fit, ut interdum gratificans, interdum mentiens in plerisq; grauiissime erret.

De certamine orto inter Herculem, & Lepream.

Ex Glaucone Neptuni filio, & Aestydamia Phorbætis natus Lepreas Augeæ consuluit, ut herculē uinciret, quo tempore præmium certaminis ab ipso reposcebat. Erat igitur, quemadmodum uerisimile est, insensus Herculi Lepreas. Tēpore autē post Iouis filius ad Cauconas profectus precibus Aestydamie redit in gratiā cū Leprea, oritur tamē inter illos certamē iuuenile, cōtenduntq; disco, de exhaurienda aqua, & uter prior taurum comedet. Vincitur his omnibus Lepreas, præterea & potu concertarunt, in quo Hercules quoq; longe superior fuit. Cum autem Lepreas id moleste ferret, Herculem armatus ad singulare certamē prouocat, atq; ita pugnans eorum omnium, quorū apud Augeam author extiterat, pœnas dedit.

De liberalitate Alexandri erga Phocionem, & Phocionis erga Alexandrum.

Alexander Philippi filius (sicui uero Iouis uidetur, nihil ad me) fertur, cum Phocioni Atheniensium imperatori scriberet, soli ex omnibus salutē dixisse. Adeo Phocion Macedonem sibi conciliarat. Præterea talenta argenti centum ad eundem misit, & quatuor urbium nomina scripsit, ex quibus quamcunque uellet, sibi eligeret, ut promuentibus illius frueretur; erant autem urbes hæc. Cius, Elæa, Mylasa; & Patara. Alexander igitur hæc liberaliter, & magnifice, magnificentius tamē Phocion, cum & argētum & urbem accipere recusarit. Sed ne prorsus regiam liberalitatem aspernari uideretur, rogauit, ut eos uiros, quicunque captiui in Sardium arce custodiebantur, liberos sibi condonaret, Echecratiden, scilicet sophistam, & Athenoderum Himeræum, & Demaratum. erant autem hi fratres Rhodij.

De Aglaidis edacitate.

Audio Aglaida Megaclis filiam tibicinam fictam comam, conumq; in capite gestasse. Assentitur his & Posidippus. Eadem duodecim carnum minas, quatuor panum Choenicas, & uini Choam in coena absolvebat.

De alijs edacibus.

Edaces dicunt fuisse homines Pityrea phrygen, Cambetahydum, Thyum Paphlagonem, Charidan, Cleorymum, Pisandrum, Charippum, Mithridatem Ponticum, Calamodrum Cyzicenum, Timocreonta Rhodium, athletam simul, & poetam, Cantibarin Persan, & Eryfichthona Myrmidonis filium, qui & Canthon, hoc est asinus dictus est. Fertur quoque in Sicilia templum esse edacitatis, & simulachrum Cereris Situs. Patetur præterea Alcman poeta se uoracissimum fuisse, & Anapilas Co-

quos omnia, quæcunque filius improbe molitus fuerat, diligenter exposuit, petijtq; à iudicibus, ut adolescentem morte mulctarèt; Iudices uehementer cōmoti noluerunt condemnare, utrunque tamen ad Artaxerxē Persarum Regem adduxerunt. Cumq; eadem apud hunc Mardus diceret, respondens Rex, aspiciens ne, inquit, æquo animo filium tuum ante oculos occidi? Maxime, inquit, Quemadmodum enim me in horto amarus caules crescentium lactucarum frangente, & tollente, mater lactuca non tristatur, immo magis floret, maiorq; & dulcior fit, eadem ratione & ego ò Rex, cum uideam ab hoc domum meam iniuria affici, fraternum uictum absumi, crescam, & cum cæteris consanguineis, si eodem beneficio nunc affecti fuerint, uersabor. Quibus auditis Artaxerxes Recocem laudauit, unumq; inter Regios iudices asciuit, dicens apud illos, qui aderant, eum, qui de proprijs liberis seuerè censuit, in alienos quoque integrum fore iudicem, & incorruptum. Tunc igitur impunitum dimisit adolescentem minatus grauissimum supplicium, si in posterum in alijs iniuste agere deprehen-

sus fuerit.

NO

B iiii

# AELIANI DE VARIA

## HISTORIA

### LIBER SECVNDVS.

Qua ratione Sôcrates Alcibiadem audacem  
reddiderit, ne amplius populum  
formidaret.



OCRATES cum Alcibiade hæc locutus fertur. Cum adolescens maxime trepidaret, & in publicis suggestis consistere non auderet, Socrates uolens alacrem reddere, non ne contemnis, inquit, sutorem illum? nomen subiiciens. Affirmante Alcibiade, rursus Socrates, non ne & illum, qui in theatro præconium exercet? aut coriarium illum? Fatente & hoc Cliniae filio, Populus Atheniensium, inquit Socrates, ex his constat. Quòd si singulos cōtemnis, cur collecti non eadem ratione contemnendi sunt? Magnifice hæc Sophronisci, & Phænaretæ filius Alcibiadem Cliniae, & Dinomaches filium docebat.

De picturis perperam laudatis.

Cum aliquando Megabyzus picturas quasdam tenues, & minime artificiosas commendaret, alias uero studiosè elaboratas improbaret, Zeuxidis pueruli, quibus Melinæ Cretam conterendi cura data erat, illum deridebant; Zeuxis igitur te, ô, Megabyze, inquit, tacentem pueruli hi admirantur, uident enim uestem, & nimium in cultu

\* diutissime, maximeq; adolescentem dilexit.

Perfica lex, de ferendis regi muneribus.

**Lex est hæc persica maxime ab illis seruata.** Quoties Persiam Rex obequitat, Persæ omnes quisque pro suis opibus munera ad ipsum afferunt, agricolæ, & terræ studio dediti, & operarij uel boues, uel pecudes, uel triticum, uel uinum, nihil autem uile, neque sumptuosum; Progredienti autem, et obequitanti hæc ab uno quoque offeruntur, & uocantur dona. Atq; ita Regi uidentur. Minus diuites lacte, palmis, caseo, maturis fructibus & aliarum rerum agrestium primitijs præsto adsunt.

De aqua dono data Regi persarum.

**Id quoque inter persas celebratur** Ferunt uirum. Persam nomine Sinæten procul à uilla sua incidisse in Artaxerxem cognomento Memorem statimq; eò quòd domo ab erat, timore legis, & obseruantia in regem perturbatûs; Hic igitur cum ignoraret, quid sibi agendum esset, neq; sustineret ceteris Persis inferior esse, aut ignominia notari, quòd regem non donasset, profectus ad fluuium præterfluentem Cyrum nomine, quàm celerrime potuit, ambabus manibus aquam hausit, dixitq; ò, Artaxerxes utinam perpetuò Rex sis, nunc ego te ubi, & quo modo possum, honoro, ne absque munere, quantum in me est, pertranseas, honoro autē te Cyri fluuii aqua. Cum uero ad tabernaculum tuum profectus fueris, domo mea, quantum in me erit, optima, & preciosissima afferens, tibi obuiam ueniam. Neque ab aliquo eorum uincar, qui te muneribus benigne exceperē. Ob hæc lætatus Artaxerxes, accipio, inquit, libenter, ò, homo donum, & ipsum tanti facio, quanti ea, quæ maxime sum-

x quo intelligimus ipsorum amorem à Deo coelestem, & diuinam amicitiam nominatum.

De temporis distributione, & de uetita apud

Lacedæmonios de ambulatione.

Incredibilem Lacedæmonij temporis parsimoniam faciebant, semper illud ad ea, quæ urgebant, conseruantes, neque alicui ciui permittentes ignaue, aut ociosè degere, ne illud in ijs, quæ à uirtute aliena sunt, consumptum frustra tereretur. Cuius rei hoc præter alia indicio est. Cum audissent Ephori eos, qui Deceleam occuparunt, pomeridianis deambulationibus oblectari, mandarunt ijs, ne in posterum idem facerent, quod potius id luxus esset, quàm corporis exercitatio. Opus enim esse Lacedæmonios non deambulationibus, sed exercitationibus ualitudinem comparare.

Quod non oporteat multis placere.

Hippomachus, ut aiunt luctandi magister erat cum autem athleta ab ipso edoctus lucta contendisset, deinde uniuersa, quæ circumstabat, multitudo acclamasset, Hippomachus uirga ipsum attigit, dixitq; male tu quidem, neque, ut decebat, id fecisti, quod præclarius poterat fieri. Non enim hi laudassent te, siquid artificiosum egisses. Innuens opus esse eos, qui bene, & præclare in una quaque re se gerunt, non placere multis, sed ijs tantum, qui rei illius peritiam aliquam teneant. Videtur & Socrates in sermone habito apud Critonem multorum iudicium aspernari, quo tempore Criton in carcerem ingressus suadebat fugere, & hac ratione Atheniensium sententiam irritam facere.

Quod Thebani prohibebantur pueros exponere.



**Lex** hæc inter cæteras maxime æqua , & humana posita erat apud Thebanos . Thebano uiro non licebat puerũ exponere, neq; in solitudinem accelerandæ mortis causa abijcere . Quòd si infantis pater egentissimus erat, ipsum statim à partu , siue mas , siue fœmina , fascijs inuolutum ad magistratus afferebat. Hi uero puerum uenalem exponentes, ei, qui minimum pecuniæ soluisset , permitebant, pactoq; & conuentu statuebatur, ut infantem aleret, adultumq; pro seruo, uel serua haberet, atq; illius seruilis opera, & labor mercedis loco , quòd scilicet aluisset, existimaretur.

De Xenocle, & Euripide, qui in olympia decertarũt. **Prima** , & **sexta** Olympiade, qua Exænetus Agrigentinus stadio uicit, Xenocles , & Euripides inter se decertarunt. Et prior quidem fuit Xenocles , ( quicumque hic fuit ) Oedipode, Lycaone, Bacchis, & Athamante Satyrico. Hoc inferior Euripides , Alexandro , Palamede, Troianis , & Sisypho Satyrico . Ridiculum est autem Xenoclem uicisse, & Euripidem uictum , & præsertim eiusmodi Tragœdijs. Alterutrum igitur fuit, aut iudices imprudentes, & imperiti erant, atq; à recto iudicio alieni , aut turpiter corrupti fuerunt. Vtrunq; autem absurdum , & Atheniensibus minime dignum.

Atheniensium decreta in aliquos, qui defecerunt.

**Sed** qualia decreuerunt Athenienses in Democratia? **Dura** quidem . Sciuerunt enim ut Aeginetis pollices præciderentur , ne hastæ ferendæ idonei essent , ne ue remigio utiles . Mitylenæos quoq; adolescentes ob eandem causam iugularunt autore huius rei Cleone Cleæneti filio. Samijs in captiuitatem redactis noctuæ nota faciè inus-



*studium. Cum autem aliquid artificiosum dicturus es, contemnunt. Serua igitur te ipsum inter eos, qui laudant, silentio utens, neque quidpiam de ijs, quæ minime ad te pertinent, differens.*

*De Alexandro, qui pro rei dignitate imaginem non laudauit.*

*Intuitus in Epheso Alexander suam ipsius effigiem ab Apelle expressam, illam pro dignitate picturæ non probauit. Cum uero eiusdem equus ingressus esset, & ad illum in tabula pictum hinnisset, tanquàm ad uerum, Tūc Apelles: ò, Rex, inquit, uidetur hic equus te pingēdi peritia longe superior esse.*

*De amore Charitonis, & Melanippi, & condolentia Tyranni erga ipsos.*

*Phalaridis factum non admodum illi familiare commemorabo, declarat enim incredibilem humanitatem, & propterea alienum ab eo existimatur. Chariton erat Agrigentinus homo sanè elegans, & adolescentiū formæ mirifice studiosus, hic ardentissimè amauit Melanippum Agrigentinum & animo præstantem, & forma egregium. Melanippū hunc Phalaris aliquando iniuria affecit, ipsi enim iudicio decertanti cum quodam ex necessarijs Phalaridis iussit Tyrannus actionem omittere. Cū autem hic nō pareret, mortem minitatus est. At ille iudicio quidem superauit eum, qui cogere uoluerat, & acerbo mandato usus erat. Phalaridis magistratus accusationem omnem, iudiciūq; sustulere. Ob quæ grauius indignatus adolescens se iniuria affectum dicens, iræ suæ causam cum amatore communicauit, rogauitq;, ut uellet socius esse in opprimendo Tyranno. Præterea*

serunt. Vtinam autem hæc ò Pallas Minerua, ò, liberator Iuppiter, omnesq; græcorum Dij, neq; Athenis decreta essent, neq; de Atheniensibus dicerentur.

Timotheus audita Platonis disputatione  
se minus felicem putauit.

**A**udio Timotheum Cononis filium, quo tempore ad supremum felicitatis iam ascenderat, & quàm facillime urbes capiebat, neq; sciebant Athenienses, quomodo gratificarentur ei ob eximiam, quam illum prosequerentur, admirationem, incidisse in Platonem Aristonis filium de ambulatē extra mœnia cum quibusdam familiaribus, & amicis, intuitumq; esse uirum humerorum latitudine grauem, facie uero mitem, qui non de pecuniarum collatione, non de triremibus, non de ijs, quæ ad nautas spectant, non de supplemento, non de necessario auxilio, non de uestigalibus provincialium, nō de insularis, neq; de huiusmodi nugis differebat, sed de ijs, de quibus agere, & circa quæ uersari consueuerat, & tunc Timotheum Cononis filium assistentem dixisse, ò, uitam, & ueram felicitatem. Ex quibus manifestum erat Timotheum se ipsum non admodum felicem arbitrari, eò qd non erat unus ex ijs, de quibus agebat Plato, sed publica tantum Atheniensium uoce celebrabatur.

Quæ dixerit Socrates de ijs, qui à triginta tyrannis iugulabantur.

**S**ocratem ferunt, cū uideret illustres uiros initio Imperij à triginta Tyrannis occidi, & locupletes insidijs appeti, Antistheni dixisse. Est, quòd gaudeas, nos neq; graues, aut illustres in uita fuisse, aut tales, quales cernimus in Tragedijs Monarchas, Atreos scilicet illos, Thyestas,

Agamemnonas, & Aegisthos. Cum enim hos iugulari, & impia conuiuia celebrare apud Tragicos uideamus, nemo est, qui eos non nouerit. Quis autem adeo audax, aut impudens Tragœdiarum scriptor extitit, ut iugulatum porcum in fabulam introduxerit?

De Themistocle, qui desijt esse prodigus.

Nescio an hoc in Themistocle Nicoclis filio laudandũ sit. postquàm Themistocles abdicatus à patre, à luxu, & profusionibus destitit, & uix tandẽ coepit sapere, omis-  
sa meretricum consuetudine, ac mutato amore admini-  
strationẽ Atheniensium suscipiebat, ardentissimeq; magi-  
stratus appetebat, principatum affectans, tunc ad fami-  
liares conuersus dixisse fertur.

Nemo inuidet nobis. quid ergo erit mihi?

Quicunque autem amat inuidia haberi, illud assequitur  
damnum, de quo loquitur Euripides. Hoc autem ua-  
num esse ipse met poeta exponit.

De Socrate Comicis maledictis ab Ari-

stophane lacerato.

Anyti familiares mirum in modum Socrati insidiabantur,  
sed qua de causa, ueteres scriptores docuere. Hi quàm  
uis metuerent Athenienses, ignorarentq;, quomodo accu-  
sationem aduersus uirum instituerent (Socratis enim no-  
men late patebat, cum propter alia multa, tum maxime  
quòd Sophistas conuincebat, tanquàm nihil ueri, nihil  
honesti scientes, aut dicentes) decreuerunt tamen peri-  
culum facere calumnationis aduersus illum. Cum uerò  
propter ea, quæ prædixi, apertam accusationem non pro-  
barent, uererenturq;, ne Socratis amici irati iudicum ani-  
mos irritarent, deinde grauius aliquid ipsi paterentur;

tanquàm calumniatores uiri illius, qui non solum nullius mali author esset urbi, uerum etiam Athenis ipsis ornamentum asferret, tale excogitant. Aristophani poetæ Comico, homini improbo, qui & scurra erat, & haberi studebat persuadent, ut in Comœdia ea, quæ de Socrate circumserebantur, copiosius exponeret. Primum quòd loquax, & uanius erat, dicendiq; copia efficiebat, ut inferiores causæ superiores essent, & turpia haberentur honesta, novos demones introducebat, & tamen neque deos nouerat, neq; uenerabatur, eademq; illos, qui una uersabantur, edocebat, & persuadebat discere. Aristophanes sumpto argumento ualde specioso, homine scilicet Græcorum optimo, risum, & uarietatem in metris insperfit. Non enim agebatur de Cleone, nò de Lacedæmonijs, non de Thebanis, non de Pericle ipso, sed de uiro Dijs amico, maxime uero Apollini, de Socrate scilicet. Quare rei insolentia, & inusitato in Scena, & comœdia spectaculo primum Athenienses obstupuerunt, Deinde hæ Nebulæ (hoc enim erat Comœdiæ nomen) iucundissimæ uisæ sunt eisdem natura solitiis optimorum hominum probitati inuidere, & non ijs solum, qui in Reip. administratione, aut magistratibus excellunt, sed etiam ijs, qui uel dicendi facultate, uel uitæ integritate cæteris præstant. Poetæ igitur tunc, sicuti nunquàm aliàs, Athenienses applauserunt, & clamore illum uicisse significauerunt, iusseruntq; iudicibus in superiori parte Aristophanem collocare, & nò alios. Atq; hæc fabula continebat. Socrates post id tempus rarò in Theatra pròdibat; Siquando autem Euripides Tragœdiarũ scriptor Nouis Tragœdis decertaturus, erat tunc eò se conferebat.

Nec idem desiderabatur, quoties in Piræo poeta recitabatur. Oblectabatur enim uiri sapiëntia, & carminum præstantia. Contigit autem aliquando, ut Alcibiades Cliniae filius, & Critias Callæschri propè obiurgantes, et irritantes coegerūt in Theatrum profectum audire poetas, qui tamen illorum uocibus non oblectabatur, immo tanquàm uir modestus, æquus, bonus, & sapiens homines dicaces, iniurios, & mendaces aspernabatur, quam rē ipsi molestissime tulerunt. Et hæc fuerunt aduersus ipsum Comœdiæ semina, neq; solum ea, quæ ab Anyto, et Menilito iacta celebrantur. Credibile est autem Aristophanum, pro his pecunias accepisse. Etenim cum illi cupe-  
rent, uel potius omni ratione studerent Socratem calumniari, non mirum erat poetam & pauperem, & sceleratum ob huiusmodi mendacia premium accepisse. Quorum quidem omnium ipse conscius est. Placuit igitur mirifice Comœdia, eo enim tempore, si unquàm aliàs, illud Cratini uerum fuit, ut mentes in Theatra ægro-  
tarint. Sed quoniam Dionysia celebrabantur, maxima Græcorum multitudo ad spectaculum conuenerat. Cum igitur in Scena sæpenumero Socratis nomen circumferretur, & nominaretur, non incredibile, si & inter histriones cernebatur, perspicuum est enim quòd & ij, quibus instruendæ Scenæ cura data erat, Socratem optime effingebant. Peregrinì autem, quibus nomen hominis in Comœdia descripti ignotum erat, tumultum inter se excitabant, quærebantq; quis nam hic esset Socrates. Quod cum ille animaduertisset, (neq; enim temere, aut fortuito aderat) sciretq; se in Comœdia accusari, (nam in cõspicua Theatri parte confidebat) ut peregrinorum dubitationem

dubitationem tolleret, stans conspiciebatur, dum histri-  
ones fabulam agerent. Atq; ita Socrates & comœdiam,  
& Athenienses contemptui habebat.

De platano amata à Xerxe.

Ridiculus & ille fuit Xerxes, qui louis arte, mari scilicet  
& terra contempta nouas sibi uias, & insolitam nauig-  
ationem parauit, uictus est tamen, à, platano, & ar-  
borem cum admiratione dilexit. Ferunt hunc in Lydia  
intutum insigni magnitudine platanum eo die illic man-  
sisse, usumq; esse pro tabernaculo, solitudine illa plata-  
ni, ornatum præterea sumptuosum, torques, & armil-  
las appendisse, ramos honorantem, ibiq; curatorem, tan-  
quàm amicæ custodem, & præsidarium reliquisse. Sed  
quæ ex his per deos immortales uenustas addita est pla-  
tano? ornamentum enim illud fucatum, neq; conueniens  
temere appensum fuerat, cum nihil ad pulchritudinem  
faceret. Nam plantæ pulchritudo hæc est, robusti rami,  
frondes multæ, trunci firmitas, profundæ radices, con-  
cutientes uenti, copiosa umbra, anni partes reuertentes,  
& aqua partim per riuulos nutriens, partim cœlitus  
irrigans. Xerxis autem Chlamydes, & barbari aurum  
neq; ad platanum, neq; ad aliam arborem faciunt.

De sedibus Ephorum fuligine illitis.

Clazomeniorum nonnulli Spartam ingressi iniuriose, &  
insolenter se gessere. Ephorum enim sedes, ex quibus  
solebant ius dicere, et ciuilia administrare, fuligine asper-  
serunt. Re ad Ephoros delata non moleste tulere, sed  
per publicum præconem accersitum iusserunt id pro-  
nuntiari, quod mirum, & propè incredibile est. Liceat  
Clazomenijs indecore agere.

De Phocione.

Extat & hoc præclarum de Phocione phoci filio. progressus hic in Atheniensi concionem, cum eos ingratitude insimularet, ualde erudite, & obiurgatorie, Malo, ego, inquit, à uobis iniuria affici, quàm uos afficere.

De Magorum persicorum sapientia, et Ocho.

Magorum sapientia cæteris in rebus, quasunque ipsis licuit scire, præsertim uero in uaticinijs dignoscebatur. Hi enim Ochi seueritatem in subiectos, & naturam ad cædem procliuem per arcana quædam signa coniectantes prædixerunt. Nam quo tempore Artaxerxi patri mortuo Ochus successit, Magi cuidam ex Eunuchis propestantibus mandarunt, ut instructa iam mensa obseruaret, cui nam rei Ochus prius manus admoueret. hic autem stabat obseruans hoc. Ochus cum extendisset manus, dextra quidem cultellum apprehendit, altera uero unum ex panibus maiorem scilicet ad se traxit. postea eodem cultello sectas carnes immoderate deglutiebat. His auditis Magi duo hæc prædicere, et maximam per totum illius Imperium fertilitatem, & cædes multas. Neque planè mentiti sunt.

De cœnis sumptuosis.

Timotheus Cononis filius Atheniensi Imperator omnis ali quando cœnis sumptuosis, & conuiuijs illis Imperatorijs, inuitatus est à Platone ad conuiuium in Academia, ubi cum frugaliter, hilariterque exceptus fuisset, reuersus ad familiares, et domesticos, ij, inquit, qui apud Platonem cœnant, etiam postero die recte se habent. Hac ratione Timotheus sumptosas cœnas aspernabatur, tanquàm hominem postero die minime exhilarantes. Illud



quoq; dicto huic affine celebratur. Cum postridie in Platonē incidisset, Vos, inquit, ò, Plato magis, meliusq; sequenti, quàm præsenti die cœnatis.

De Alexandro, qui se Deum uocari uoluit.

Quo tempore Alexander Darium superauit, & Persarū Imperium in potestatem suam redegit, elatus, & pro felicitate illa quasi diuinitatis particeps, Græcis Imperauit, ut se Deum decernerent. Ridicule profecto, neq; enim ille ea ab hominibus impetrabat, quæ natura dene garat. Alij igitur alia decreuerunt. Lacedæmonij hæc. Quoniam Alexander Deus esse uult, sit Deus. Laconice quidem, & patrio ritu Lacedæmonij Alexandri temeritatem improbarunt.

De Antigoni regis benignitate.

Antigonum ferunt Regem populi studiosum, & mitem fuisse. Cui uero otium erit alia ipsius facta audire, & quæ humanas uires excedunt, singillatim perpendere, is aliunde intelliget. Commemorabimus igitur ipsius dictum humile, & benignum. Cum Antigonus hic filium suum uiolentius, & audacius se gerentem in subiectos uideret, ignoras, inquit, ò, fili regnum nostrum gloriosam esse seruitutem? Atq; hæc Antigonus apud filium humanissime loquebatur. Qui uero aliter sentit, is mihi neq; regium uirum, neq; ciuilem nosse, immo cum Tyranno uixisse iudicabitur.

De pausania Agathonem poetam amante.

Pausanias qui inter figulos uersatus fuerat, Agathonem poetam amabat, quod quidem omnibus perspicuum est, illud uero, quod minus est notum, explicabo. Accesserunt aliquando ad Archelaum & amator, & amores, erat



enim Archelaus non minus amoribus, quam doctrinae deditus. Hic cum saepe uideret Pausaniā, et Agathonem inter se dissidentes ratus amatorē ab amoribus, cōtemni, interrogauit Agathonem, quid causae esset, quod tam frequenter amicissimo succenseret, tibi, inquit, ò, Rex dicam. Neq; gaudeo cum eo contendere, neq; id rusticitatis uitio accidit, siquid uero ego & ex consuetudine ipsa, & ex poeti didici, iucundissimum esse reperò amantibus post dissidia cum amoribus reconciliari. Atq; illud mihi persuasi nihil hoc illis posse iucundius accidere. Hanc igitur uoluptatem, cum saepe cum eo contendam, saepe illi impertio, gaudet enim me gratiā cū eo ineunte. Quòd si aequaliter, & solito modo agam, nullū dissidium cognoscet. Fertur Archelaus haec probasse. Eundē Agathonem & Euripides poeta amauit, & Chrysippum audio in eius gratiam fabulam conscripsisse. Huius autem rei ueritatem non ausim proferre, quamuis maxime celebretur.

Mantinei legum seruantissimi.

Audio Mantineos legum seruantissimos fuisse, perinde ac Locros, Cretenses, Lacedemonios, & Athenienses, inter quos, maxime excelluit Solon, & si postea paulatim Athenienses leges ab eo scriptas sustulerunt.

Nicodorus cum esset pugil, etiam legislator fuit.

Cum Nicodorus unus ex celeberrimis Mantineorum pugilibus extitisset, postquam etate iam ingrauescente artem desijt, leges instituit, multoq; rectius patriam administrauit, & ornauit, quam cum uictor in stadijs publico praconio declarabatur. Ferunt autem Diagoram Melium amatorem conscripsisse illi leges. Quo loco & alia insi-

gniora de Nicodoro prætermittā, ne huiusmodi laudibus socium uidear Diagoram ascribere. Quare hæc satis. Diagoras enim dijs infestus erat, neq; idcirco plura mihi exponenda uidentur.

Quod Milo corpore robustus fuerit, animo uero imbecillis.

Pleriq; Milonis Crotoniatæ celebratum robur, extulerunt, talia de ipso iactantes. Huic malum tenenti nemo digitis poterat extorquere, ipsius uero amica sæpe contendens facillime auferebat. Ex quo intelligimus Milonem corpore firmissimum fuisse, animo uero maxime imbellem.

Sextum Thargelionis diem Græcis propitium fuisse.

Ferunt sextum Thargelionis diem non solum Atheniensibus, uerum etiam alijs commoda multa attulisse. Primum enim Socrates hoc natus fertur, eodemq; Perse debellati sunt, & Athenienses Dianæ, quæ Agrotera dicitur, trecentas capellas ex uoto Miltiadae immolant. Eodem ferunt pugnatum esse ad Plateas, Græcosq; superiores fuisse, præliū, n. illud cuius prius mentionem feci, apud Artemisiū commissum tradūt. Præterea et Græcorū uictoriam apud Mycalem non alterius diei, quam huius celebrant fuisse, siquidem eodem die & apud Plateas, & apud Mycalem uicerunt. Alexandrum quoq; Macedonem Philippi filium eodem die Barbarorū Myriadas multas deleuisse tradunt, quando & Darium debellauit. Quæ omnia eodem mēse contigisse legimus. Eodem quoq; die creditum est Alexandrum natum esse, & uita excessisse.

De hyperbore Apolline, & mira de Pythagora.

Apollinem Pythiū, inquit Aristoteles, à Crotoniatis hyperboreum appellari, & illa addit, quòd eodē die, eodemq; tempore Metapontij uisus est à multis, & Crotone in certamine surrexit, ubi & Pythagoras alterum femur aureum ostendit. Idem quoq; scribit Cosam fluiuium traijcientem salutatum fuisse, multisq; salutationem hanc auditam.

Quòd Anniceris dexter erat eques, & quòd is, qui paruorum rerum nimis studiosus est, magnas negligit.

Anniceris Cyrenæus & equitandi peritissimus, & aurigæ officio optime fungens uoluit aliquando Platoni artem ostentare. Quare iunctis currui equis in Academia cursus multos confecit, adeo exacte cursus ordinem seruans, ut, à priori orbita non discederet, sed eadem semper uia ferretur: ob quòd ceteri omnes, quemadmodum uerisimile est, stupore perculsi sunt. Plato hanc nimiam illius curam his uerbis reprehendens, non potest, inquit, fieri, ut is, qui circa parua, & leuia uersetur, studiose, diligenterq; magna curet. Neesse est enim eum, qui tota mente ad illa incubuerit, horum, quæ admiratione digna sunt, nullam prorsus curam gerere.

Gallorum certamen unde initium habuerit.

Atheniēses uictoria potiti aduersus Persas lege sanxerūt, ut publice in Theatro certo anni die galli decertarent. Vnde autem lex hæc initium duxerit, exponam. Quo tempore Themistocles ciuiles copias aduersus Barbaros educebat intuitus pugnātes Gallos exercitum cohibuit, dixitq; ad suos. Hi non pro patria, nō pro patrijs Dijs,

non pro indigenis heroibus, non pro gloria, non pro libertate, non pro liberis id laboris sustinent, sed uterq; vincatur, ne ut alter alteri cedat. Quibus dictis alacriores effecti sunt Athenienses; Voluit igitur idem signum, quod tunc ad excitandam uirtutem profuerat, & ad similia facta ueluti monimentum conseruari.

Quomodo Pittacus fortunam expressit.

Pittacus apud Mytilenem scalam in templis extruxit ad usum quidem nullum idoneam, tantum ut donarij loco esset, latenter fortunæ uicissitudinem significans; ut nescio quo pacto felices ascenderent, infelices autem descenderent.

De Platone.

Plato Aristonis filius primum poeticam aggressus heroica conscripsit, deinde cum ea cum Homericis contulisset, longeque inferiora sensisset, cōbussit. Aggressus est quoque Tragœdiam, Tetralogiam confecit, daturusque erat histrionibus agenda poemata, sed cum ante Dionysia pertransiens Socratem audisset, illius Sirene semel allectus non solum à certamine destitit, sed à conscribenda prorsus Tragœdia digressus ad Philosophiam se contulit.

Nemo barbarorum impius.

Cui uero Barbarorum sapientia laudanda nō uideatur? Si quidem ipsorum nemo in impietatem delapsus est, neque dubitauit, sint ne Dij, nec ne, & nostri ne curam gerant, an non. Nemo igitur neque Celta, neque Aegyptius talia sensit, qualia Euemerus Messenius, Diogenes Phryx, Hippo, Diagoras, Sofias, & Epicurus. Ferunt enim prædicti Barbari & Deos esse, & nostri curam gerere & futura significare per aues, signa, exta, & per alias

disciplinas, & scientias. Pleraq; etiam per somnia, & per stellâs prædici aiunt, quæ tamen omnia docentur homines à diuina ea prouidentia, qua nos, nostraq; omnia gubernantur. Atq; his certissime credentes pure sacra celebrât, caste, sancteq; uiuunt, ceremonijs operam dant, legitima orgia celebrant, cæteraq; perficiunt, quibus Deos coli, & honorari creditur.

Quòd Hercules Heraclides prius dictus fuerit.

Ex Pythicis oraculis intelligimus Herculem Iouis, & Alcmenæ filium statim ab ortu Heracliden appellatū esse. Eundem aliquot post annis Delphos ad oraculum nescio qua de causa profectum illa, quorum causa uenerat, & hæc quoq; à Deo audisse.

Herculis Ἡρακλέους Græci, tibi nomen Apollo imposuit, nanq; ἦρα feres, & grata per orbem Mortali generi, κλέος hoc est gloria tandem Defluet, immortale manet nomenq; , decusq;.

De statutis fluuiorum.

Fluuiorum naturam, illorumq; fluxus cernimus, nonnulli tamen eorum, qui ipsos honorant, statuasq; ipsorum effingunt, informes fecere, alij bobus similes esse uoluerunt. Stymphalij Erasimum, & Metopen, Lacedæmonij Eurotâ, Sicyonij, et Phliasij Asopum, Argiui Cephissum bobus assimilant, Psophilij Ærymanthum, Alpheum Heræenses, Cherronesij, qui à Cnido profecti sunt, & ipsi eundem fluuium uiris assimilarunt. Athenienses Cephissum sub uirili specie honorât, cornua tamē præferētē. In Sicilia Syracusani Anapū uiro assimilarunt. Cyanen uero fontem muliebri imagine decorarunt. Aegestæi

Porpaca, Crimissum, & Telmissum uirili forma honorant. Agrigentini eiusdem nominis fluuium formoso puero assimilantes sacra faciunt, iidemq; puerilem statuem ex ebore sculptam Delphis sacrarunt, & infra fluuii nomen inscripsere.

Nonnulla de senectute.

Epicharmus in suprema senectute cum inter æquales colloqueretur, postquam ex ijs, qui aderant, quidam sibi satis esse dixit, si quinque annos uixisset, alius si tres, tertius, si quatuor, ita locutus fertur. Quid inter uos de paucis diebus dissidetis? Omnes enim qui huc conuenimus, nescio quo fato prope occasum sumus. Quare tempus esset quam celerrime è portu soluere, priusquam senile aliquod incommodum sentiamus.

Somnum esse fratrem mortis, & de obitu Gorgiæ.


Cum Gorgias Leontinus ad supremum senectutis deuenisset, à quadam uoletudinis infirmitate detentus in somnū delapsus est, cumq; ad eum quidam ex familiaribus accessisset, quæsissetq; quid ageret, dixisse fertur. Iam me somnus incipit fratri tradere.

De Socrate iam sene, & ægrotante.

Socrates quoque ipse sepulchro proximus cum in morbum incidisset, interrogatus, quo modo se haberet, Vtroque modo, inquit, recte. Si enim uixero, æmulos habebō plures, si obiero, laudatores plures.

De lege, qua ægrotis uinum interdicebatur.

Zaleucus locrensis multas quidem, & alias leges quam utilissimas præclare, & optime statuit, hanc uero præcipue, ut, si quis Locrensiū Epizephyriorū iniussu medici merum bibisset, post receptam uoletudinem, si forte



id contigisset, morte mulctaretur, quòd scilicet interdico uino usus esset.

Romanorum, & aliorum lex, qua uinum neque omnibus, neque omni aetati concedebatur.

Lex est apud Massaliotas, qua mulieribus per totum uitæ tempus uinum interdicitur, aquæ tantum potu uti licet. Scribit & Theophrastus eandem esse legem apud Milesios, omnesq; Iadas ei parere, præter Milesias. Quid? non commemorabo Romanorum legem? non ne uidear stulte, & imprudenter me gerere, si Locrorum, Massaliotarum, & Milesiorum instituta protulero, patria uero, & qua mei ipsius sunt, conticuero? Erat igitur & apud hos constantissima lex, ut neque libera femina, neque serua uinum potaret, neque ex ingenuis, & nobilibus puberes, usque ad v. & xxx. annum.

Cretenesium lex de disciplinis.

Creteneses liberis suis, ingenuis dico, præcipiebant, ut leges cum quodam cantu, & modulatione ediscerent, quòd & ex Musica animi demulcebantur, & facilius ipsas memoria mandabant, atque id, ne quis alicuius delicti, & iniuriæ culpam in ignoratiouem transferret. Deinde iusserunt Deorum hymnos canere. Postremo uero fortium uirorum Encomia, & laudes.

Animalia à uino aliena, & tamen ebria fiunt.

Omnia, quæ ratione carent animalia, à uino natura aliena sunt, illa uero præcipue, quæ uua, & acinis repleta inebriantur. Corui, & canes, si herbam, quæ Sinutta uocatur, ederint, statim bacchari dicuntur. Simia, si uinum biberit, calliditatis, elephas roboris obliuiscitur, quo tempore facillime capi possunt.



*Nonnulli bibaces.*

Bibaces dicuntur fuisse Dionysius Siciliae Tyrannus, & Niseus tyrannus, & Apollocrates Dionysij Tyranni filius, & hipparion consobrinus Dionysij, & Timolaus Thebanus, & Charidemus orita, & Arado, & Erasixenus, & Alcetas Macedo, & Diotimus Atheniensis, qui Chohne, hoc est infundibulum cognominabatur, hic enim ori infundibulum admouens sine ulla intermissione infusum uinum deuorabat. Cleomenem Lacedæmonium non solum dicunt potatorem fuisse, sed, quo uitio Scythæ laborant, meri potatorem. Iona quoque Chium poetam ferunt immodice uino usum. Alexander Macedo in honorem Calani Brachmanis Sophistæ Indi, qui sua uoluntate uiuus combustus est, certamen Musicum, equestre, & Athleticum instituit, Idem gratificans Indis unâ cum prædictis certaminibus & potus certamen ipsis patriû in honorem Calani celebrauit. Præmium autem primo uictori dabatur talentum, secundo triginta minæ, tertio decem. Promachus inter hos uictoria potitus est. Et in Dionysij festo die, cui Χῶς nomen erat, illi, qui plus bibisset, præmium erat corona aurea, quam Xenocrates Chalcedonius uictor à cæna reuertens Mercurio, cuius simulachrum ante ædes stabat, apposuit, quemadmodum prioribus diebus fecerat. Nam ibidem coronas ex floribus, Myrto, hedera, & lauro reliquerat. Anacharsin quoque apud Periandrum multum bibisse tradunt. Vino enim pro uiatico domo afferre consueuerat. Nam Scytharum est mero uti. Præterea Laciden, & Timonem philosophos eodem uitio laborasse ferunt. Mycerinus quoque Aegyptius, quo tempore ex Butico ora



culo uitæ breuitatem accepit, uolens oraculum fallere, duplicato tempore, & additis noctibus ad dies, in uigi-  
 lijs, & potationibus totum illud tempus consumpsit. Connumeramus inter hos & Amasin Aegyptium, cu-  
 ius mentionem facit Herodotus, & Nicotelen Corin-  
 thium, & Scopam Creontis filium, & Antiochum Re-  
 gem, & propterea Aristæus, & Themiston Cyprij il-  
 lius regnum administrabant, ipse uero ob immodicam  
 potationem temere principatui ascriptus erat. Et An-  
 tiochus Epiphanes cognomento, qui aliquando Romanis  
 obses datus fuit, immoderate uino utebatur. Antiochus  
 quoque ille, qui unâ cum Medis aduersus Arsacem bel-  
 lum gessit, uino inferuiebat. Neque Antiochus cogno-  
 mento magnus silentio prætermittatur. Agronem Illy-  
 riorum regem immodica uini appetentia, ob quam pleu-  
 ritin passus est, occidit. Item alium Illyriorum regem.  
 Orrhopheren quoque Cappadociæ regē uino inferuisse  
 legimus. Sed iam de fœminis mentionem faciam. Quā-  
 uis enim maxime reprehendenda sit fœmina uino dedi-  
 ta, & præsertim multo, tamen de his quoque breuiter  
 dicatur. Chio ferunt non cum fœminis solum, uerum  
 etiam cum uiris potu decertasse, ijsq; superiorem fuisse.  
 Turpissimum quidem mea sententia, quod uictoria po-  
 tita fuerit.

De platonis fama, & æquali legum distributione.

Platonis, & illius uirtutis fama ad Arcadas, & Thebanos  
 peruenerat; missis itaque legatis, summis precibus,  
 summoq; studio uirum aduocarunt, non solum, ut ado-  
 lescentum curam gereret, & cum ijs de philosophia dis-  
 sereret, sed, quod maius est, ut leges statueret. Gauius

est hac legatione Aristonis filius, decreueratq; illorum uoluntati obsequi, cum tamen prius interrogasset legatos, quo modo erga æquitatem omnes se haberent, cognouissetq; eos ab hac uirtute alienos esse, neque speraret posse persuaderi, recusauit eò proficisci.

Nonnulli ex Græcis optimates pauperrimi

Egentissimi ex græcis fuisse Aristides Nicomachi filius, Phocion phoci, Epaminondas polymatidis, Pelopidas Thebanus, Lamachus Atheniensis, Socrates Sophronisci filius, & Ephialtes Sophonide.

Explicatio imaginis Theonis pictoris.

Theonis pictoris multæ quidem picturæ artis præstantiam declarant, præcipue uero hæc. Pictus est armatus quidam repente auxilio ueniens aduersus hostilem incursionem, & terræ deuastationem, manifeste autē, & alacriter apparet iuuenis ad pugnam incitatus, diceretq; illum tanquàm ex Marte furere. Nam & oculis truculenter intuetur, arreptisq; armis, quanta pedum celeritate potest, uidetur aduersus hostes impetum facere. Scutum prætendit, & nudum iuibrat ensē, occidenti similis, atque ad id unum paratus toto habitu sese minacem, & nemini parcentē præbet. Neq; alia à Theone picta sunt, non centurio, non ordinum ductor, non centuria, non eques, non sagittarius, sed armatus hic satis fuit ad absoluendam imaginis dignitatem. Neque prius artifex picturam ijs, qui ad spectandum conuenerant, declarauit, quàm tubicinem adduxit, iussitq; ipsi canere clamosum cantum, & quali solent ad pugnam militum animi accendi. Eodem itaque tempore & cantus auditus est ingens, & formidabilis, quasi tuba caneret re-

pentinum armatorum ex urbe erumpentium auxilium.  
Tunc & pictura apparebat, & miles conspiciebatur,  
cum sonitus aspectum clariorem, quàm ipse auxiliarius  
in tabula expressus efficeret.

## AELIANI DE VARIA HISTORIA

### LIBER TERTIVS.

Descriptio Tempe, quæ sunt in Thessalia.



GE uero iam Thessalica tēpe oratione nostra describamus, & effingamus, pro certo enim est oratione, præsertim si narratio ipsa aliquid facundie habeat, non minus posse res effingi, & exprimi, quàm ullius artificis manibus. Est autem locus inter olympum, & ossam positus, qui montes altissimi sunt, & tanquàm diuino consilio diuisi, locum in medio accipiunt, cuius longitudo ad xl. extenditur stadia, latitudo uero partim iugeri, partim etiam paulo plus. Interfluit Peneus amnis, in quem & cæteri amnes delabuntur, immistaq; aqua Peneum ampliorem reddūt. Locus hic commorationes uarias, & multas habet, opera non manufacta, sed à natura ipsa, quo tempore locus initium habuit, miro artificio, & labore singulari confecta. Multa enim hedera, & admodum densa uiret, floretq;, & instar nobilium uitium per altas arbores repit, & unà cum ipsis coalescit, Præterea Smilax

copiosa, quæ ad saxum ipsum extensa illud obumbrat, ita ut non appareat, totus autem locus aspectui iucundissimus uiret. In planicie ipsa, & depressis locis nemora uaria, & frequentes recessus, æstiuisque diebus amœnissimæ, & gratæ uiatoribus stationes, ad quas confugientes frigoris lenitate reficiantur. Interfluunt multi fontes, & fluenta frigidarum aquarum potu quidem iucundissimarum, quibus si quis ablutus fuerit, ferunt eas ualeitudini utiles esse. Accinunt ex omni parte aues, & præcipuè eæ, quæ canoræ sunt, & auditum oblectantes cantu suo prætereuntium laborem leniunt. Ab utraque fluuij parte commorationes, & sedes sunt, quas supra diximus. In medio Tempe Peneus fluuius tarde, & leniter olei instar labitur, & ex arboribus propè confitis, extensisq; ramis umbra emissa maximâ diei partem radiorum ictus cohibet, & nauigantibus non iniucundam nauigationē præbet. Populi uero finitimi eò conueniunt, conuentus, & conuiuia celebrant, ex quo fit, ut & multa sacrificia, & assidua, quæ soluuntur mortuis, iusta iucundissimum odorem uiatoribus, & nauigantibus præbeant. Atque hac ratione multus honor, qui circa optimum uersatur, locum diuinitatis participem efficit. Fama est apud Thessalos Apollinem Pythium ex Iouis mandato hic se ipsum expiasse, cum Pythonem draconē sagittis occidisset, adhuc quidem Delphos custodientē, cum illic esset oraculum. Ex hac igitur lauro Tempica coronatum, & dextra apprehenso ramo ex eadem Iouis, & Latonæ filium Delphos profectum esse, & oraculum accepisse. Extat in eodem loco ara, in quo & coronatus est, & ramum sumpsit. Et adhuc nono quoque

## LIBER

anno Delphici nobiles filios mittunt, & unum ex se ipsis Architheorum, hoc est, qui rerum diuinarum curæ præsit: Hi profecti, & sacris magnifice peractis reuertuntur coronas ex eadem lauro gestantes, ex qua Deus amore captus se quoque coronauit. Illa autem uia ueniunt, quæ uocatur Pythiâ, & fert per Thessaliam, & Pelagoniam, & cætam, & Aenianû regionem, & Meliensium, & Dorienfium, & Locrorum Hesperiorum. Hi uero multa cum ueneratione, & honore ipsos comitantur, perinde ac illi, qui eidem Deo ab Hyperboreis donâ, & sacra ferentes consueuerûnt honorare. Præterea & uictoribus in Pythijs ex hac lauro corona dari solita est. Sed hæc satis de Tempe, quæ sunt in Thessalia.

De Anaxagora sapienter liberorum interitum ferente.

Cum quidam ad Anaxagoram Clazomenium cum amicis colloquentem profectus filiorum duorû, quos solos habebat, interitum nuntiaffet, minime commotus Anaxagoras, sciebam, inquit, illos ex me natos esse mortales.

De Xenophonte.

Xenophonti, cum solenne sacrificium perageret, uenit e Mantinea nuncius Gryllum filium in prælio cecidisse; Tunc ille non ideo institutum Deorum cultum omittendum putauit, sed tantummodo coronam deponere contentus fuit quam ipsam percunctatus, quo nam modo occidisset, ut audiuit fortissimè pugnantem interiisse, capiti reposuit; Atque hæc peruulgata sunt, & iam ad omnium aures peruenere.

De Dione.

Dion Hipparini filius platonis discipulus forte publica quædam

*quædam negocia administrabat. Eodem autem tempore eius filius è tecto delapsus in aulam, obiit. Dion minimè perturbatus eadem perseveravit agere, quæ ab initio aggressus fuerat.*

*De Antigono.*

*Antigonum ferunt, cum filius in prælio occisus allatus esset, neque uultum mutasse, neque illachrymasse, iussisse tamen, ut tanquàm fortis miles sepeliretur.*

*De magnificentia Cratetis.*

*Crates Thebanus & in alijs rebus magnificus fuisse legitur, & ea contempsisse, quæ turba temere admiratur, præcipuè uero pecunias, & patriam. Nam quòd opes suas Thebanis concesserit, omnibus notum est. Illud uero non uulgatum, quòd Thebis rursus refectis discedens, non opus est, inquit, mihi patria, quam Alexander, uel alius diruet.*

*De multorum maledicentia.*

*Demochares quem aiunt sororis filium fuisse Demosthenis, uolens ostendere se multorum maledicentiâ, contemnere, cum uideret nonnullos maledicos in officina mædicorum sedentes, & maledicendi cupidos. Quid dicitis, ait, uos Dysmenidæ? quo nomine illorum cõsuetudinem, & mores aperuit.*

*Quòd Phrynichus propter quoddam poema*

*Imperator fuerit electus.*

*Phrynicum Athenienses Imperatorem elegerunt non ob nimiam in rebus gerendis celeritatem, neque generis excellentiam, aut diuitiarum gloriam, quibus rebus plerunque Athenis & admirabiliores erant homines, & alijs præsidebant. Sed cum in quadam tragedia carmi-*

na Pyrrhichistis maxime grata, & bellicosa conscrip-  
psisset, theatroq; , & uictoria potitus esset, eum statim  
Athenienses exercitui præfecerunt, rati illum præclare  
res bellicas tractaturum, cum armatis uiris non inui-  
cunda carmina, & poemata in fabula protulisset.

## De Amore.

**Q**uis amoris expertus, cum belligerendi occasio sese obtule-  
rit, & armis decertandum sit, cum eo, qui amiet, manus  
conferat? Nam ab amore alienus amatorem, tanquam  
profanus ipse, & Dei sacris minime initiatus fugit, &  
auersatur, tantumq; audax est, quantum & eius animus  
capax, & corpus roboris habet. Alterum autem perhor-  
rescit, tanquam eum, qui diuino numine sit afflatus, ne-  
que ex Marte quod plerisque commune est, sed ex A-  
more furat. Uti enim qui ab altero Deorum capti sunt,  
quorum unum Homerus scribit more Martis furere,  
etiam si ab uno tantum numine agitur, bene, & præ-  
clare dimicant, atque ita ut semel uideantur ipsi funere.  
Eos uero qui præ Amore bacchantur, Martisq; impe-  
tu, & amoris flamma accensi sunt, cum duobus inferunt,  
merito ex Cretensium sententia, duplo præstantiores  
cernimus. Non est igitur mirum, nisi potest armatus ali-  
quis, & is, qui ab uno Deo, non duobus agitur, impe-  
tum illius reprimere, qui ex Marte, & Amore occidit.

## De amatoribus, &amp; amoribus Lacedæmoniis.

**C**um multa, & præclara de Lacedæmonijs Ephoris dicen-  
da mihi essent, hæc tantum, quæ statui, breuiter expo-  
nam. Siquis ex ijs, qui formosi erant, diuitem amatorem  
honesti alicuius pauperis sibi delegisset, multam irro-  
gabant, punientes scilicet auaritiam pecuniaria multa.



Alium quoque formosum, & probū, neminem amantem ex ijs, qui illiberaliter nati erant, punierunt, quòd cum esset bonus, neminem amaret. Perspicuum est enim quòd & illum, & alios fortasse sui similes redderet; Nam amatorum in amores beneuolentia idonea est ad imprimendas uirtutes, præsertim si ipsi probi fuerint. Lex est enim hæc apud Lacedæmonios. Siquis adolescens errauerit, morum simplicitati, & iuuenili ætati ignoscūt, amatores autem puniunt iubentes ipsos esse iudices, & exploratores eorū, quæcūq; ab adolescentibus fiunt.

De anima.

Peripatetici aiunt animam interdiu mercenariam corpori inherere, neque posse ueritatem contemplari, noctu autem ab hac seruitute solutam, & in loco, qui est circa Thoracem conuolutam, ad uaticinandum promptiorem fieri, & propterea insomnia nasci.

De amore apud Lacedæmonios.

Ex Lacedæmonijs ij, qui forma excellunt, non sunt nimis erga amatores delicati, neque superbi. Diuersa autem ab his, quàm ab alijs formosis fieri cernimus ipsi enim amatores rogant, ut se ament; Est autem hæc Lacedæmoniorum uox, quæ ad amandi necessitatem impellit. Spartanus, & amor turpia non norunt. Nam siue adolescens uim passus est, siue amator intulit, neutris utile fuit Sparta commorari. Aut enim procul à patria discessere, aut uita ipsa, quod grauius est, priuantur.

De Tapyrorum uinolentia.

Tapyrorum nationem adeo uini amicam esse legimus, ut in uino degat, & maximam uitæ partem cum ipso consumat, neque solum ad potum abutatur, sed uino etiam



ungatur, quemadmodum alij oleo.

De Byzantiorum uinolentia.

Byzantios uehementer uino deditos fama est in cauponis degere, proprijsq; sedibus, & domibus relictis illas hospitibus, & peregrinis, qui ad urbem conueniunt, mercede locare, neque solum domos, sed etiam uxores in eorum potestate permittere. Atque ita Byzantij eodem tempore duobus criminibus obnoxij sunt & uinolentiæ, & lenocinio; Quoniã igitur ebrietate & uino effluunt, tibia gaudent, & huius cantu recreari consueuerunt. Tubæ clangorem ne incipientem quidem sustinet. Quibus ex rebus cognoscimus Byzantios & ab armis, & à bello maxime alienos. Atque idcirco Leonides ipsorum Imperator periculose obsidionis tempore, quoniã ij, dum hostes mœnia inuaderent, relictâ custodia totos dies consuetis studijs detinebantur, iussit cauponas in mœnibus erigi, quo commento coegit illos diutius in ordine manere ablata omni ex parte occasione. Hæc Damon. Quibus assentitur & Menander, cum ait.

Viator ebrius Byzantio bibit

Dies, noctesq; totas.

De uinolentia Argiuorum, Corinthiorum, Thracum, & Illyriorum.

Argiui quoque, & Corinthij, quòd uino intemperanter usi fuerunt, in comedijs reprehensi sunt. Et hoc quoque pro certo habetur Thracas bibendi auidiſsimos esse. A quo uitio non alieni sunt Illyrij. Nam hospitum unicuique, qui eidem cõuiui inter sunt, licet uinũ mulieribus propinare, etiam si nullo affinitatis uinculo coniuncti sint.

Comparatio Demetrii, & Timothei ducum.

**V**ter præstantior fuerit dux, Demetrius Poliorcetes, an Timotheus Atheniensis, nescio Ego sanè utriusque mores explicabo. Licebit postea uobis alteri alterum præferre. Demetrius enim per uim, per avaritiam, per offensiones maximas, & iniurias ciuitates expugnabat, admotis machinis, quassatisq; & suffossis manibus. Timotheus autem oratione monebat, docebatq; utilius esse Atheniensibus obtemperare.

Quod philosophia urbanarum administrationum expertus non sit & quod nonnulli philosophi resp. administrarint.

**P**hilosophi quoque rerump. administrationi præfuerunt, uel propter hoc ipsum mente, & ingenio præstantes quiete uixerunt. Correxerunt enim publica Zaleucus apud Locros, Charondas in Catane, & Rhegio post fugam à Catane. Vti'is fuit Tarentinis Archytas, Solon Atheniensibus, Bias, & Thales Ioniam adiuuerunt, Chilo Lacedæmonios, Pittacus Mitylenæos, Cleobulus Rhodios, Anaximander dux fuit deducendæ coloniae Mileto Apolloniam. Xenophon bonus fuit miles, melior Imperator, quo tempore unà cum Cyro in Asiam traiecit, & Cyrus, & qui cum eo erant, interierunt. Vbi uero necessitas uocabat aliquem, qui posset Græcos seruare, saluosq; domum reducere, in hunc unum omnes respiciebant. Plato Aristonis filius Dionem in Siciliam reduxit, & ijs consilijs, & admonitionibus Dionysij Tyrannidem sustulit, quibus quotidie apud illum utebatur; Socrati Atheniësis administratio displicebat, uidebat enim Democratiā Tyrannicā, & Monarchicā esse, Et

propterea neque decem ducum mortem probauit, neque cum x x x. Tyrannis particeps, aut conscius fuit scel= rum. Vbi uero pro patria dimicandum erat, hic se pa= lām militem ostentabat, quemadmodum contra Delum, Amphipolin, & Potidæam. Aristoteles suam ipsius patriam non in genua collapsam (ut aiunt) sed in os ite= rum erexit. Demetrius phalereus Athenas gubernauit, quoad innata Atheniensibus inuidia illum eiecit. idem in Aegyptum ad Ptolemæum profectus legibus seren= dis præfuit. Quis negabit Periclem Xanthippi filium philosophum fuisse, & Epaminondam polymnidis filiū, & Phocionē phoci, & Aristiden Lysimachi, & Ephial tem Sophonidæ, & aliquot post annis Carneadem, & Critolaum? Hi enim legati missi ab Atheniensibus Rō= mam & sibi salutem peperere, Senatūq; ad id per= pulere, ut diceret. Miserunt Athenienses legatos, qui non persuaderent, sed cogerent nos facere, quæcunque illis uisa essent. Ego quoque administrationem dicerem & illam Persei, siquidem Antigonom instituit, & A= ristotelis, à quo Alexandrum philippi filium adolescen= tem philosophiæ præceptis institutum legimus. Lysias quoque pythagoreus Epaminundam erudiit. Siquis igitur ociosos appellat philosophos, stulte, & insipienter facit. Ego enim in eodem ocio, & quietis amore liben= ter quiescerem.

De colloquio Midæ phrygis, & Sileni, & de  
ijs, quæ inopinata ab hoc dicta sunt.

Commemorat Theopompus Midæ phrygis, & Sileni col= loquium. Erat autem Silenus hic nymphæ filius, diuina quidem natura inferior, homine uero, & morte supe=

rrior. De multis igitur inter se sermonem habuere, & inter cætera Silenus Midæ dicebat, Europam, Asiam, & Libyam insulas esse, & oceanum circum has fluere, continentem autem illam solam esse, quæ extra hunc orbem iaceret, cuius magnitudinem infinitam esse narrabat, nutrire autem alia animalia magna, & homines hic duplo maiores esse, neq; idem spaciū uiuere, quo nos, sed duplex, multas quoque, & magnas esse urbes, ac uiuendi rationes, legesq; apud ipsos institutis nostris contrarias positas esse. Idem duas esse urbes dicebat maximas, nulla tamen in re sibi inuicem similes, & hanc bellicosam appellari, alteram piam. Pios quidem in pace degere, & diuitiarum copia, fructusq; terræ absque ullis aratris, aut bobus colligere, serere autē, aut agros colere non opus esse, uiuere nulli morbo obnoxios, & cum risu, & lætitia uita excedere, adeoq; iustos esse, ut Dij quoque non erubescant ad eos accedere. Ii uero, qui bellicosam urbem incolunt, bellicosissimi sunt, armati nascuntur, continue bellum gerunt, finitimos debellant, atque huius urbis imperium late patet. Sunt incolæ non pauciores ducentis Myriadibus, pereunt aliqui morbo, sed rarò, sæpius autem in prælio lapidibus, aut lignis percussi, (nam ferro inuulnerabiles sunt) argento, & auro abundant, atque ita ut aurum ferro, quod apud nos est, longe uilius existiment. Hos aliquando dicebat ausos esse in has nostras insulas trahere, & trans Oceanum mille hominum Myriadibus usque ad hyperboreos peruenisse, cumq; audissent hos, qui nobiscum sunt, felicissimos esse, contempsisse tanquàm uiles, & humilia agentes, & propterea ulterius progredi noluisse. Illud

quoque admirabilius audebat, homines quosdam Mero-  
pas uocatos urbes multas, & magnas habitare, in extre-  
ma autem ipsorum regione locum esse, qui Anostus di-  
cebatur; similē hiati, qui neque à tenebris obscurare-  
tur, neque à lumine illustraretur, aerem autem turbido  
rubori immistum imminere, fluuios etiam duos circa lo-  
cum hunc fluere, & hunc quidem lætitiæ dici, alterum  
mœroris, & apud utrunque arbores magnitudine pro-  
ceræ platani positas esse, & ex his eiusdem naturæ fru-  
ctus gigni. Nam si quis eos gustarit, qui apud mœroris  
fluuium nascuntur, in tot lachrymas erumpit, ut per  
omne uitæ tempus in assiduo luctu contabescat, atque ita  
uitam finiat. Eæ uero arbores, quæ apud lætitiæ fluuiū  
nascuntur, dissimilem ferunt fructum. Siquis enim hunc  
gustarit, prioribus cupiditatibus omiſſis, si cuius forte  
rei amore unquàm captus fuit, huius obliuiscitur, &  
paulatim iunior fit, ætatemq; iam præteritam resumat.  
Deposita enim senectute ad florem ætatis, postea ad  
adoleſcentiam reuertitur: Deinde puer fit, postremo in-  
fans, atque ita post hæc moritur. Quòd si quis Chio fidē  
adhibet, illum dicentem audiat. Mihi uero & in his, &  
in ceteris fabulator uidetur fide dignus.

De dissidio inter Aristotelem, & Platonem.

Ferunt dissidium inter Aristotelem, & Platonem ab hisce  
initium habuisse. Aristotelicæ uitæ genus platoni displic-  
ebat, nimiusq; circa corpus cultus. Aristoteles enim ue-  
ste utebatur magnifica, & calciamenti, & tonsuræ  
genere Platoni inusitato; Annulos quoque complures  
gestans sibi ipsi placebat. Inerat in eiusdē uultu quod-  
dam irridendi studium, & importuna dicacitas mores

ipsius indicabat, quæ omnia à Philosopho aliena esse nemini dubium est. Hæc cum uideret Plato, non admittebat uirum, immo præferebat illi Xenocratem, Speusippū, Amyclam, & alios, quos & honore prosequabatur, & sermonibus suis socios ascribebat. Cum autē aliquando Xenocrates in patriam profectus esset, Aristoteles Platonem quadam discipulorum suorum turba circūsepsit, quorū unus erat Mnason Phocensis; & alij huiusmodi. Tūc ægrotabat Speusippus, neq; poterat Platoni adesse. Platonem autem, quòd octogenarius esset, iam propter ætatem memoria defecerat. Aristoteles igitur insidiosè ipsum adortus ualde cupide interrogabat, & nescio quo pacto argute, ex quo se ipsum & iniustum, et ingratum manifeste ostendebat. Tunc Plato desijt foris deambulare, sed intus cum socijs deambulabat. Tribus post mensibus Xenocrates reuersus Aristotelem offendit deambulantem, ubi prius Platonem reliquerat. Quem cum uidisset cum amicis non à deambulatione ad Platonem ire, sed in urbem proficisci, interrogauit quendam eorū qui deambulabant, ubi nā esset Plato. Suspiciabatur enim illum minus belle se habere. At is, respondit, non male se habet, sed nimis molestus Aristoteles coegit eū à deambulatione recedere, et intus in horto de philosophia disserere. Xenocrates, cum id audisset, statim ad Platonem se contulit, quem inuenit apud eos, qui una erant, disputantem. Erant autem multi, & celebres uiri, & ij, qui inter iuuenes maxime præstare uidebantur. Omissa postea colloquio benigne se inuicem complexi sunt. Postremo nihil neq; dixisse hac de re apud Platonem Xenocrates, neq; audisse usus est, collectis tamen condisci-

pulis, & amicis Speusippum acerbe accusauit, quòd Aristoteli in deambulatione cessisset, & pro uirili parte sua Stagiritæ infidatus est, & ad id cōtentionis est pgressus, ut ipsum eijceret, & consuetū locū Platoni restitueret.

De Lysandro, & donis ei allatis.

Lysandro Spartano in Ioniam profecto hospites, quos illic habebat, multa quidem dona misere, & inter cætera bouem, et placentam. Hic placentam intuitus interrogauit, quòd nam esset bellarium illud. Cum is, qui attulerat, respondisset, quòd ex melle, caseo, & a' ijs quibusdam confectum esset, date hoc, inquit Lysander, ijs, quibus est notum. Est enim cibus libero homine indignus, bouem autem patrio more iussit parari, iucundeq; coenauit.

De animi magnitudine Themistoclis.

Themistocles adhuc puer è Ludo reuertebatur, Accedente paulo post Pisistrato, pædagogus Themistocli mandauit, ut propter Tyranni aduentum paulum uia secederet, hic uero, non ne satis, inquit, hæc est uia illi? adeo Themistocles iam ex eo tempore uirilis, & magna nimis uidebatur.

De Aeneæ pietate, & Græcorum miseratione in Troianos.

Capta Troia Græci Troianorum calamitates miserati græce sanè publica præconis uoce denuntiarunt licere unicuiq; libero, quodcunque uelit, ex domesticis secum afferre. Aeneas itaq; alijs neglectis patrios deos ferebat. Tunc gausi hominis pietate Græci secundam eidem rē permisere, ut acciperet, hic patrem iam senio cōfectum humtris portabat. Quo maxime commoti græci omnia domestica illi concessere, nimirum declarantes, quòd ho



stes quoq; ipsi in eos, qui & deorum, & parentum iura colunt, benignissime se gerunt.

De Alexandro.

Præclara sunt Alexandri gesta apud Granicum, Issum, & iuxta Arbelos commissæ pugna, & debellatus Darius, & Persæ Macedonibus seruiantes, & uniuerſa Asia deuicta, & Indi Alexandro obsequentes, & quæcunque apud Tyrum, & in Oxydracis, & alibi facta sunt. Quid enim nunc oportet orationis breuitate tantam uiri ad bella gerenda fortitudinem complecti? Dentur aliqua felicitati Alexandri, quæ plurima continet, si quis forte nimis contentiosus sit. Præstans igitur fuit Alexander, quod fortunæ nõ cessit, neq; illius in se promptitudine destitutus uixit. Illa uero minime laudantur in Alexandro. Quinto enim mensis die ferunt illum apud Eumæum largius bibisse, sexto autē ex nimio potu dormisse, neq; eo die aliud egisse, quàm duces de hesternò itinere docuisse, dicentem illud summo mane fore. Septimo apud Perdiccam conuiuatus est, ibiq; rursus bibit, octauo dormiit. Decimo quinto eiusdem mensis eodem modo bibit, postridie idem fecit. Apud Bagoam, cuius domus à regia decem stadijs distabat, uigesimo quarto coenauit, deinde dormiuit. Alterutrum igitur necesse est, aut Alexander tot mensis diebus sibi ipsi uino obfuit, aut qui hæc scripsere, mentiuntur. Ex his autē cognoscere licet eos & alijs temporibus res gestas non uere explicare, inter quos Eumenes est, & Cardianus ille.

De Xenophontis elegancia.

Xenophonti & alia quidem præclara curæ erant, præ-



fertim uero armorum pulchritudo, uincenti enim hostes pulcherrimam uestem conuenire dicebat, & in prælio occumbentem præclare in egregiis armis iacere: hæc enim esse sepulchra, quæ uirum fortem, & strenuum uere exornent. Fertur itaq; Grylli filius Argolicum scutum habuisse, Thoracem Atticum, Galeam in Boeotia confectam, et equum Epidaurium. Ego sanè dicerem talia elegantis esse uiri, & eius, qui se dignum egregijs rebus iudicet.

De Leonida, & trecentis sponte pro Græcorum salute mortuis.

Leonidas Lacedæmonius, & qui cum eo erant, trecenti iuxta Thermophylas oraculo sibi prædictam mortem elegere, & cum pro Græcia bene, & præclare decertassent, gloriosum exitum affecuti sunt, sibiq; immortalem gloriam, & perpetuam famam peperere.

De Pindaro Tyranno.

Cum Pindarus Melanis filius Alyatti uero Lydi ex filia nepos Ephesiorum Tyrānidi successisset, in supplicijs asper, & inexorabilis erat, in cæteris uidebatur clemens, & modestus esse, maximeq; dabat operam, ne patria in barbarorum potestatem ueniret. quæ ita esse, illud nobis indicat, quòd cum Croesus maternus ipsius auunculus in seruitutem redigeret Ioniam, legatos ad Pindarum misit uolens Ephesios quoq; sibi tradi. Vbi non paruit, ad obsidionem se accinxit Croesus. Cum uero turris quædam, quæ postea Proditrix dicta fuit, prostrata fuisset, periculumq; impenderet, persuasit Pindarus Ephesijs, ut à portis capillares funiculos columnis templi Dianæ alligarent, tanquam iubentes totam urbem sacrā

esse Dianæ, hac scilicet ratione Epheso impunitatem excogitans, ex altera uero parte idem author fuit, ut ad Lydiæ Regē profecti illum precibus obsecrarent. Quos cum Cræsus audisset, risisse ferunt, & benigne preces admisisse, ita ut liberum Ephesijs discessum concesserit, Pindarum autem coegerit urbe decedere. Qui acceptis ijs amicis, qui una abire uoluerunt, filioq; & fortunarum, quidquid licuerat, ciuiū custodiæ commisso, relicto quoq; custode filij, & pecuniarum Rificle familiarium uno abiit in Peloponnesum, uoluntariam fugam regiæ uitæ preponens, ne patria Lydis seruiret.

De Platonis paupertate, & quomodo philosophiæ animum adiecerit.

Audio & hoc de Platone, an uere, nescio. Plato Aristonis filius paupertate oppressus in militiā profecturus erat. Sed cum Socrates illum e mentem arma offendisset, cupiditatem illam cohibuit, ea enim locutus est Socrates, quæ iustum erat, persuasitq; , ut Philosophiæ operam daret.

Qua ratione Socrates Alcibiadis superbiam represserit.

Cum uideret Socrates Alcibiadē propter diuitias, agrosq; elatum, & superbientem, adduxit ipsum ad locum quendam, ubi in tabula totius orbis ambitus descriptus erat, iussitq; ut illic Atticam requireret, hac inuenta iussit postea proprios agros inspicere. Cum uero hic dixisset, nullibi pictos esse; Ergo inquit, gloriaris ob ea, quæ in nulla orbis parte posita sunt?

De Diogenis paupertate & superbia.

Diogenes Sinopenfis de se ipso dicebat, quòd Tragicas exe

erationes explet, & sustinet, se enim errabundum esse, domo, & patria orbatum, mendicam, nudum ferè, & uictu in diem uti. Et tamen ob hæc non minus gloriabatur, quàm Alexander ob totius orbis imperium, quo tempore subactis Indis Babilonem reuersus est.

De nonnullorum continentia.

Amœbeus Cytharædus tanta fuit castitate, ut uxore, quam formosissimam habebat, nunquã attigerit. Diogenes Tragœdiarum actor a uxore perpetuò se abstinuit. Fuit in Clitomacho Pancratiaste tanta continentia, ut si forte canes coeuntes uidisset, statim uultum auerteret. Idem si quis Venereus, & impudicus sermo inter conuiuia effluxisset, confestim illinc decedebat.

De Nicix studio circa propriam artem.

Nicias adeo pingendi studiosus fuit, ut arti assidue adhærens sæpe cibi oblitus fuerit.

De Alexandro, & Hercule discantibus  
cithara canere.

Alexander Philippi filius, cum esset puer, discebat cithara canere, magistro uero iubente chordam quandam, & eam, quam sonus ipse requirebat, cum cantu pulsare, quid interest, inquit, si hanc percussero? alteram ostendens, Regis quidem nihil, illius autẽ, qui cithara usus sit, plurimi. Timuit profectò hic, ne si in docendo asperere, & imprudenter se gereret, idem, quod Linus, pateretur. Linus enim Herculem adhuc puerum docebat cithara canere, illo autem imperitiis organum percutiente, indignatus est Linus, cumq; id Hercules moleste tulisset, plectro Linum occidit.

De Satyro tibicine.

Satyrus tibicen Aristonem philosophum sæpe audiebat, cumq; illius sermonibus oblectaretur, dicebat.

O peream, si non arcus combussero flammis.

Tibias significans, & nescio quo pacto artem contemnens præ philosophia.

Lex Laconibus & Romanis communis.

Lex erat apud Laconas, & Romanos, qua prohibebantur omnes obsonia emere, & quæ uellent, & quot. Volebant enim ciues in cæteris continentes esse, præsertim uero in mensa.

Quod in Academ'ia non licebat ridere.

Et hoc quoq; Athenis celebratur non licuisse alicui in Academia ridere. conabantur enim locum ab iniuria, & ignauia uacuum seruare.

Cur Aristoteles Athenas reliquerit.

Quo tempore Aristoteles iudicij timore Athenas deseruit, cuidam interroganti, quæ esset Atheniensiũ ciuitas, respondit, pulcherrima, sed in ipsa agrestis Pyrus in Pyro consenescit, & ficus in ficu, calumniatores autem intelligebat. Postea interrogatus, cur Athenas reliquisset, quia nollet, inquit, Athenienses bis in philosophos peccare, & Socratis interitum significans, & periculum, quod sibi impenderet.

Lex Ceorum contra senes.

Lex est apud Cæos hæc. ij, qui in suprema senectute sunt, tanquam se ipsos ad conuiuium, uel ad celebre sacrificium excitantes, coronati ueneno se perimunt, cū se inuiles ad res patrias gerendas cognouerint, animi uiribus temporis culpa deficientibus.

Quædam inuenta prius Athenis.

Oleam prius Athenis inuentam esse tradunt, et ficum, quæ duo primū etiam terra edidit. Dare quoque, & sumere pœnas Athenienses primi excogitarunt. Item in certamine nudi, & uncti corpora primum exercuerē. Erichthonius quoque primus docuit equos iungere.

Quibus rebus olim ueteres uescebantur.

Arcades glandibus uesci consueuerant, Argiui pomis, quæ Apia dicuntur, Athenienses ficibus, Tirynthij syluestribus pyris, Indi arundinibus, Carmani Palmis, Milio Mœotæ, & Sauromatæ, Terebintho, & Nasturtio Persæ.

De Satyris, Tityris, & Silenis.

Satyri, quos nonnulli Tityros uocant, unacum Dionysio chorum agebant, id autem nomen sumpserunt à Terebintum, hoc est lasciuis cantibus, quibus Satyri oblectantur. Satyri uero à simulato, & fictorifu. Sileni à dicacitate, σιλῶν enim infamiam appellant cum acerbis, & molesto ioco. Vestis erat Silenis ex utraq; parte uillosa. Habitus uero totus plantationem, cuius author fuit Bacchus, uitium, & palmitū densitatē significat.

Plura Bacchi cognomina.

Veteres fertile esse phlyein dicebant, propterea Bacchum Phleona, Protrygen, Staphyliten, Omphaciten, & alijs diuersis nominibus appellabant.

De aliquibus mulieribus furentibus.

Venus Cypri regina Elegen, & Celanen Proeti filias metrices reddidit, postea furore correptæ nudæ Peloponnesi partem percurrere, & ad alias quoq; Græciæ regiones se contulere. Audio & furore Bacchico Lacedæmo.

Lacedæmoniorum uxores, Chiorum, & Boetiorum tanquam diuino numine afflatas insanisse. De quo & Tragœdia loquitur. Ferunt autem ab hac insania solas Minyarum filias, Leucippen, Aristippen, & Alcimthoen alienas fuisse, idq; in causa est, quod maritos appetebant, & propterea choream detrectarunt. Bacchus id profectò molestissime tulit, cumq; illæ te'æ, & Minervæ operibus studiosissime deditæ essent, repente hederæ, & uites circa telas repserunt, Dracones in calathis nidificarunt, & uini, lactisq; guttæ è summis tectis emanarunt. Quibus tamen rebus non potuerunt adduci, ut Deo inferirent, Minyades itaq; furore correptæ extra Cithæronem non leuiori, quàm si in Cithærone fuissent, Leucippes filium adhuc tenerum, & puerum tanquam hinnulum lacerarunt, atq; inde ad Minyadas ab initio dictas traxerunt, quæ cum propter facinoris atrocitatē eas insectarētur, in aues mutatæ sunt, una quidem in cornicem, altera in uespertilionem, tertia in noctuam.

De Citharædo à Sybaritis occiso.

Cū Sybare Citharædus in certamine, quod in honorem Iunonis celebrabatur, caneret, & illius causa disiderent Sybaritæ, & iam ad arma uenissent, perterritus Citharædus una cum toto habitu ad Iunonis aram confugit. Hi uero nulla loci ratione habita Citharædum occidere, ex quo paulo post sanguis in Iunonis templo uisus est scaturire instar perennis fontis. Cum igitur Delphos Sybaritæ misissent, talibus Pythia respondit.

Te procul à tripode , & sacrato limine dextra  
 Arcet adhuc misero sœdata cruore . quid ultra  
 Exposcis , pendesq; meo crudelis ab ore ?  
 Musarum seruum iugulas Iunonis ad aram  
 Contemptis superis . prope stat uindicta , nec illam  
 Euitare Iouis potuit de sanguine quisquam ,  
 Illius at capiti , natis , generiq; reseruant  
 Fata malum , damnoq; nouum succedit , & ingens .  
 Neq; supplicium seruum fuit , Cum enim bellum Crotoniatis  
 intulissent , & y , & eorum ciuitas ab illis deleta est .  
 De quodam , qui cum posset socijs opem ferre ,  
 non tulit , & de altero , qui tulit qui .  
 dem , sed tamen infelicius cum eo  
 actum est .

Adolescentuli tres eiusdem ciuitatis oraculum consulturi  
 Delphos profecti sunt , cumq; in Latrones incidissent ,  
 illorum unus aufugit , alter uero congressus cum eo , qui  
 supererat latrone , ( alios enim occiderat , ) Latronẽ qui  
 dem non percussit , ense tamen amici corpus transfixit .  
 Pythia igitur ei , qui aufugerat , hæc respondit .  
 Hinc procul à templo , socium certamine in ipso  
 Deferis , & frustra scitatum oracula tendis .  
 Alteri uero Pythiam interroganti hæc respondit .  
 Dum socium seruare uolens occidis , amico  
 Dextra cruore madet , sed nulli obnoxia culpa .

Oraculum Philippo datum .

Oraculum ferunt apud Eecotas in Trophonij antro Philip  
 po datum esse , ut currum caueret . Illum igitur ob timo  
 rem nunquam post eum diem currũ ascendisse . Duplex  
 itaq; fama emanauit . Tradunt enim aliqui Pausaniæ



ensem, quo Philippus occisus est, currum habuisse eburneum in capulo sculptum. Aliqui, cum Thebaicam paludem, quæ ὄρεα hoc est Currus dicitur, circumiret, iugulatum fuisse memorant. Prior opinio uulgatior est, altera non omnibus nota.

### Lex Stagiritarum.

Lex est hæc Stagiritarum prorsus Græca. Quod non deposuisti, ne accipias.

De Timotheo, & alijs, quibus propria fortitudo nulli fuit usui.

Timotheus primum admirationi erat apud omnes Athenienses, uero postquam semel deprehensus est peccare, neq; prior fortitudo, neq; maiorum præclara gesta saluti extitere. Themistoclem non adiuuit neq; nauale prælium circa Salamina feliciter gestum, neque legatio, qua apud Spartanos functus est, quo tempore callide eos de urbis suæ mœnium instauratione celauit. Is enim non solum Athenis, uerū etiam à tota Græcia aufugit. Pausaniam Lacedæmonium uictoria ad plateas parta ne minimum quidem seruauit. ea uero, quæ Byzantij innotuabat, (erant enim indicia amoris, & studij illius erga persas) gratiam omnem iam partam propter res prius feliciter gestas extinxere. Phocionem neq; publica omnium uox, qua bonus dicebatur, neque quinque, & septuaginta anni, quos sine ulla in aliquem ciuem iniuria traduxit, tutari potuerunt. Nam cum primum uisus est Antipatro Piræum prodere, statim cum morte mulctarunt.



271  
AELIANI DE VARIA  
HISTORIA.

LIBER QVARTVS.

Nationum mores diuersi.



EX est apud Lucanos hæc. Siquis peregrinus post solis occasum eo uenerit, uolueritq; in alicuius tectum introire, neque susceptus fuerit, is, qui uetuerit, agitur reus, & pœna afficitur, et quòd peregrinum, &

quòd hospitalem Iouem læserit.

Dardanos audio populos sub Illyride ter in uita balneis uti consueuisse, post partum, post nuptias, & post mortem.

Indi neq; scœnori dant, neq; accipiunt, quemadmodum neq; Indo licet iniuria afficere, neq; affici. Ideo neq; Syngrapha, neq; deposito utuntur.

Apud Sardoos filij parentes senio confectos fustibus cædebant, atq; ita occisos sepeliebant. Turpe enim existimabant maxime senem superesse, quòd corpore sæpe propter senectutem peccaret. Apud eosdem iudicia fiebant aduersus ignauiam, & ociosum oportebat rationẽ reddere, unde uiueret.

Affyrj uirgines iam nobiles in ciuitatem adductas uenales exponebant, ut, qui emisset, pro uxore haberet.

Biblij nihil eorum, quæ in uia offenderint, auferunt. Nõ enim hoc inuentum, sed iniuriam putant.

Berbicæ septuagesimum annum transgressos occidunt, uiros sacrificantes, foeminas uero suffocantes.

Colchi suorum cadauera loris alligata arboribus appendunt.

Lydiæ foeminæ, priusquam coniugium inirent, se ipsas prostituebant, ubi uero semel coniunctæ fuerant, caste debebant. Si post coniugium deliquissent, ueniæ spes nulla.

De dissidio inter Nicostratum Citharistam,  
& Laodocum Citharædum.

Nicostratum Citharistam ferunt contendentem cum Laodoco Citharædo dixisse, illū quidem in magna arte paruum esse, se uero in parua magnum. Non enim solum domum ampliorem reddere, & opus magnū est, sed etiam artem, si modo Nicostrato bene, & præclare locuto credendum est.

De Polygnoto, & Dionysio pictoribus.

Polygnotus Thasius, & Dionysius Colophonius pictores fuere. Polygnotus quidem circa magna uersabatur, et in ijs sacris, quæ maioribus hostijs celebrabantur, uictoribus præmia, tabulas scilicet effingebat. Dionysij uero opera, affectus Polygnoti, mores, habitus usum, palliorum subtilitatem, & cætera præclare imitabantur, magnitudinem uero minime.

Lex Thebana de artificibus, & pictoribus.

Audio fuisse Thebis legem, quæ iubebat artificibus, pictoribus, & statuarijs simulachra speciosiora effingere. Eademq; lex mulctam irrogabat ijs, qui deteriora aut pinxissent, aut finxissent.

Beneficiorum memor fuit, & gratiam retulit Theseus Herculi. Nam cum ipsum Aidoneus Molossorum Rex uinxisset, quo tempore in gratiam Pirithoi, non ut nuptias pararet, regiam uxorem rapturus eò se contulit, Hercules ad Molossos profectus eum è uinculis liberauit, & propterea ille in honorem Dei aram erexit. Septem illi Thebani duces Pronacti gratiam retulere. Cùm enim Pronax ipsorum causa interijisset, certamen in eius honorem instituere, quod aliqui in honorẽ Archemori ducis institutum fuisse putant. Hercules non oblitus est Nestoræ liberalitatis. Cum enim Neleus detrectaret Herculem expiare, cæteriq; filij præter Nestorem patri assentirentur, ipse capta urbe, occiso Neleo, & liberis eius, non solum uni pepercit Nestori, sed etiam paterni regni dominum esse uoluit. Athenienses publice gratiam retulere Herculis posteritati. Nam quòd illorum auus Theseum beneficio affecerat, propterea Athenienses ipsos in Peloponnesum deduxere. Hercules remuneratus est trecentos, & sexaginta Cleonacos, quorũ opera aduersus Molionidas usus fuerat, quiq; præclare, & fortiter ceciderant. Nam eis Nemæos honores concessit, quibus ipse à Nemæis propter aprum agrorũ uastatorem interfectum ornatus fuerat. Menestheus Peteoi filius gratus fuit erga Tyndaridas. ij. enim eiectis Thesei filijs, & Aethra Thesei matre captiua facta, regnum Menestheo tradidere, Atq; idcirco Menestheus primus ipsos reges, & seruatores appellauit. Darius Hystaspis filius priuatæ adhuc fortunæ amico lo Sylofontis samij oblectatus est; Cuius muneris quàm

grata æstimatio animo eius esset allapsa, regno potius ostendit, totam nanque urbem, & insulam Samiorum Sylofonti fruendam tradidit.

Oraculum pro Atheniensibus.

Cum in animo haberet Lacedæmonij Atheniensium urbem funditus delere, oraculum prius consuluerunt. hoc autem, Ne moueatis, inquit, communem Græciæ aram.

Mortem aliquando non esse malorum requiem, & de Pausania.

Neque mori aliquando malis utile fuit, quoniam neque tunc quiescunt, sed aut sepultura priuantur, aut si forte sepulti fuerint, tamen et ex postremo honore, & communi omnium corporum statione aliquando deturbantur, Pausaniam Medorum studiosissimum non solum fame sustulerunt Lacedæmonij, sed etiam eius cadauer extra fines eiecerunt. Scribit Epitimesdes.

De fortunæ mutatione.

Quis non uidet fortunæ uicissitudines momentaneas, & celeres? Lacedæmonij olim Thebanis imperarunt, ipsi postea ab ijs adeo in seruitutem redacti sunt, ut Thebanis non solum licuerit in Peloponnesum proficisci, sed etiam Eurotam trajicere, & Laconicam regionem deuastare. Parum quoque absuit, quin urbem ceperint, id quod etiā contigisset, nisi Epaminondas ueritus esset, ne Peloponnesij oēs conspiratione facta pro sparta decertarēt.

Cum Dionysius Tyrannus à Carthaginensibus obsideretur, neque ulla salutis spes eluceret, animo quidem consternatus erat, & fugam cogitabat. Cum uero quidam ex amicis Ellopidas nomine ad eum accessisset, dixissetque, gloriosum est sepulchrum Tyrannis, repente erubuit,

animoq; confirmatus cum paucis Myriadas multas deu-  
leuit, imperiumq; latius, & maius reddidit.

Amyntas Macedonum Rex superatus à finitimis barbaris,  
regnoq; eiectus cogitabat de relinquenda prorsus regio-  
ne, sua ipsius salute contentus; Dumq; hæc meditare-  
tur, quidam Ellopidæ dictum coram eo protulit, ob quod  
angusto loco occupato, collectisq; paucis militibus re-  
gnum recepit.

Aegyptij patria uoce Ochum asinum appellabant, illius ani-  
mum ex bruti ignauia accusantes. Propterea is per uim  
Apin asino immolauit.

Dion Hipparini filius eiectus à Dionysio, cum duobus mil-  
libus militum eum rursus superauit, coegitq; exulem esse,  
quemadmodum & ipse prius fuerat.

Syracusani nouem triremibus centum & uiginti Charta-  
ginensium debellarunt.

De Platonis humilitate, & Aristotelis ingratitude.

Plato Aristonis filius in Olympia cum hominibus ignotis,  
& ipse ignotus cohabitauit. Adeo uero illos quotidiana-  
nis sermonibus, & simplici in conuiujs uictu sibi deuina-  
xit, ut externi homines mirum in modum uiri consue-  
tudine oblectarentur, cum tamen neq; Academiæ, neq;  
Socratis mentionem ullam fecisset, sed solum se Plato-  
nem appellari dixisset. ij postea aliquando Athenas pro-  
fecti benigne ab illo excepti sunt, dixeruntq; age ò Pla-  
to ostende nobis alterum Platonem Socratis discipulum,  
& dux sis in illius Academiam, ut aliquid & nos perdi-  
scamus. Cum hic, quemadmodum consueuerat, subrisisset,  
Ego, inquit, ille sum. Quo audito uehementer obstu-  
puere, quod se tantum uirum adeo benignum in quoti-

diana consuetudine habuisse tandiu ignorassent, qui ostenderat se posse homines alijs rationibus, quàm sermonum ui sibi deuincire.

Idem plato Aristotelē pullū equinū uocabat; Sed cur amabo? Perspicuum est pullum, cum primum materno lacte satiatus fuerit, solitū matrē calcibus cedere. obijciebat itaq; Plato ingratitude quandā Aristoteli; Nam cū is à Platone maxima, et utilissima ad philosophiā percipiendā semina accepisset, & præsidia, optimis repletus præceptis, & à magistro disiunctus, ex aduersa parte scholā aperuit, & in deābulādo oppositos Platoni socios habebat, & discipulos, cupiebatq; in omnibus ei aduersari.

Quomodo affectus erat Pericles erga popu-

lū Atheniensem.

Pericles Xanthippi filius Atheniēsis populi studiosissimus, priusquàm orationem habiturus esset, precari, & uota facere consueuerat, ne uerbum ullū sibi in mentem ueniret, quod populum posset irritare, sibiq; contrarium, & cæteris stolidum uideretur.

De Socratis elegancia.

Diogenes dicebat & Socratem ipsum delicate uiuere; Nam & domuncula, & lectulo contentus erat, interdum quoque & calceis.

De Helenæ imagine à Xeuxide picta.

Xeuxis Heracleota ex pictæ helenæ simulachro magnam pecuniæ uim colligebat. Neque enim unicuique licebat illam intueri, sed ei tantum, qui certum argenti numerū persoluiisset, spectanda proponebatur. Tunc igitur Græci helenam illam meretricē appellabant, quod Heracleota precium pro pictura posceret.

Epicuri sententia, & felicitas.

Epicurus Gargetius dicebat. Cui parum non est satis, huic nihil satis. Idem dicebat se promptum esse cum Ioue decertare, si mazam, & aquam habeat. Cum hæc in animo haberet Epicurus, qua de causa in uoluptate supremum bonum posuerit, aliàs sciemus.

De parsimonia pecuniarum, & custodia.

Sæpe ex Archilochi sententia pecuniæ paulatim maximis laboribus partem in unius meretricis intestinum delabuntur. Quemadmodum enim facile est echimum capere, difficile uero tenere, ita & pecunias. Anaxagoras quoque in libro de Regno, difficile est, inquit, pecunias colligere, difficilior uero custodire.

De aliquibus, qui ægrotantes musicam, & alia didicerunt, & firmi facti sunt.

Hieronem ferunt Siciliae Tyrannum primum rudem fuisse, & omnium ineruditissimum, & rusticitate Gelonis fratris quam simillimum. Vbi uero in morbum incidit, omnium doctissimus factus est, totum tempus, quod morbus suppeditabat, in audiendis summorum hominum sermonibus consumens. Factus itaque firmitior Hiero assidue erat cum Simonide Ceo, Pindaro Thebano, & Bacchylide Iuliete. Gelo autem prorsus, à disciplinis alienus erat.

Ferunt etiam Ptolemæum secundum morbo correptum rerum cognitioni se totum tradidisse. Scribit plato Theagen nullam aliam ob causam philosophari coepisse, quam ob inualetudinem. Ea enim ab administratione ciuiliū negociorum auocans ad sapientiæ desiderium inflammat. Sed quis mente præditus non imprecatus esset



Alcibiadi morbum, Critiæ, Pausaniæ Lacedæmonio, & alijs? Alcibiadi quidem, & Critiæ, ne contempta Socratis consuetudine alter insolenter se gereret, & aliquando Laconicas, aliquando Bœoticas partes sectaretur, interdum Theſſalis, Medis, & Persis Pharnabazi studiosus gratificaretur, alter uero ne Tyrannus, cædisq; cupidissimus patriâ multis, maximisq; iniurijs, & calamitatibus afficeret, ac postremo ab omnibus odio habitus uita excederet.

Strato Chorrage filius opportune ægrotauit. Cum enim generis splendore, & diuitiarum copia floreret, in ocio, & quiete segniter degebat. Ex quo spleneticus factus, & curatione indigens, quæ per exercitationes fit, primum quidem eas adhibuit, quantum ad ualeitudinē recipiendam satis fuit. Deinde ulterius in artem ingressus in Olympijs eodem die Lucta, & Pancratio uictor fuit, & ea, quæ secuta est olympiade, in Nemæis, Pythijs, & Isthmijs.

Democrates Luctator pedibus male affectus progressus est in certamina, & in stadio circulum circumscribens iubebat aduersarijs, ut se extra lineam per uim traherent. Quod cum ij assequi non potuissent, uictoria positus, & coronatus discessit.

Veterum nonnullorum proprietates.

Siquis Calliæ obtemperet, potorem ipsum Callias efficit; si Ismenia, tibicen fiet; superbus, si Alcibiadi. Coquus, si Crobylo; facundus, si Demostheni. Militiæ peritus, si Epaminondæ. Magnificus, si Agesilao; Bonus, si Phocioni; iustus, si Aristidisi; Sapiens, si Socrati.

Pythagoræ admirabiles opiniones.

Dicebat Pythagoras hominibus, se ex seminibus natura humana melioribus ortum esse. Eodem enim die, eodemq; tempore uisus est Metapontij, & Crotone. Et in olympia alterum femur aureū ostendit. Idem Myllia Crotoniatæ in memoriam reduxit, quod erat Midas Phryxæ Gordiæ filius. Aquilam quoque ab eam coxit, quæ ipsam expectauit. Quin etiam Cosam traiciens salutatus est à fluuio. Ille enim salue, inquit, Pythagora.

Dicebat quoque Maluæ folium esse maxime sacrum. Dicebat numerum binarium, per quem rebus nominatae sunt, omnium sapientissimum. Terræ motum nihil aliud esse, quàm mortuorum conuentum. Irin dicebat esse tanquàm Nili terram. Sonum, quo sæpe aures personant, esse uocem meliorum. Nemo de aliqua re dubitabat, nemo ultra ea, quæ ille dixisset, alia inquirebat, sed omnes tanquàm diuino oraculo eius dictis adquiescebant. Et cum urbes peruagaretur, fama emanabat Pythagoram non magistrum, sed medicum uenisse; Suaeque ab idem Pythagoras abstinendum à corde, à gallo albo, & ab omnibus animalibus, & balneis, neque per publicas uias ingrediendum. Incertum enim esse, an his duobus puri efficiantur homines.

De ueneratione & honore Dionysij  
erga Platonem.

Quo tempore Plato in Siciliam à Dionysio crebris nuntijs accersitus se contulit, Dionysius iuuenis aurigæ officio fungens, & socium sibi Aristonis filium diligens curum ascendit. Tunc ferunt Syracusanum uirum hilarem, & Homericorum uersuum non ignarum aspectu

hoc letatum. Homericæ illa ex Iliade carmina paulum  
immutata recitasse.

Insignem probitate uirum, Regemq; potentem  
Cum ueheret, genuit sub pondere faginus axis.

Idem Dionysius etsi omnibus diffidebat, Platonem tamen  
tanta ueneratione cõplexus est, ut uni ex omnibus quàm-  
facillimi aditus ad eum darentur, quamuis illum Dio-  
nysij studiosissimum esse intelligeret.

Philippus eruditionem amauit, & de Aristotele.

Philippus Macedo non solum dicebatur rei militaris peri-  
tissimus, & facundissimus, sed etiam disciplinarũ aman-  
tissimus. Cum enim Aristoteli liberaliter diuitias sup-  
peditasset, multæ, & uariæ cognitionis author fuit, il-  
lius uero præsertim, quæ ad animalia spectat. Hæc enim  
Nicomachi filius Philippi opulentia adiutus copiosissi-  
me scripsit. Idem Platonem, & Theophrastum in ho-  
nore habuit.

De Democrito, & opinione Theophrasti, &

Hippocratis, aliorumq; de ipso.

Democritum Abderitam fama est & sapientem fuisse, &  
maxime contendisse, ut id ignoraretur, & præclare re  
ipsa præstitisse propterea multa loca obiit. Venit enim  
ad Chaldaeos, Babylonem, ad Magos, & ad Sophistas  
Indos. Damasippi patris bona in tres partes diuisa ac-  
cepto tantum argento in itineris utaticum, tribus fra-  
tribus concessit. Propterea Theophrastus illum laudan-  
dum censebat, quòd circumiret meliora colligens, quàm  
Menelaus, & Ulysses. Si enim Phænicum mercatorum  
more errabant pecunias cogentes, & harum causa ter-  
restria, & maritima itinera conficiebant.

Abderitæ Democritum appellabant philo-  
phiam, Protagoram orationem.

**Deridebat omnes Democritus, & insanos appellabat, ex quo ei Gelasini cognomen impositum fuit. Dicunt iidem Hippocratem primo congressu male sensisse de Democrito tanquàm insano, progrediente uero consuetudine hominis ingenium admiratum esse.**

**Ferunt hippocratē, cum Dorienſis eſſet, in Democriti gratiam Ionica lingua libros conſcripſiſſe.**

Amores Socratis, & Platonis.

**Socrates Alcibiadem amauit, Plato Dionē, qui & ab ipſo amatore non parum fructus aſſecutus eſt.**

De Athenienſium delitiis.

**Veteres Athenienſes purpureis uestibus induebantur, uarijsq; tunicis. Corymbos capillis, ijsq; poſtea aureas cicadas, & alium ex auro appoſititium ornatum appendentes ita incedebant. Pueri quoque cum ijs ſellis, quas in ſemetipſas conuolui cernimus, ſubſequebantur, ne illi paſſim, & ubique ſederent. Neque uero dubium eſt tales in conuiuijs, & reliquo uictu fuiſſe. Et tamen apud Marathonem feliciter re geſta uictores diſceſſere.**

De aliquibus prodigijs.

**Periclem, Calliam hipponici filiam, & Niciam Pergaſenſem legimus adeo intemperatè uixiſſe, ut cum ſui profuſi eſſent, & uoluptuariæ uitæ indulgerent, ad ſupremam inopiam redacti fuerint. Poſtquàm igitur pecuniæ ijs defuerunt, cum tres ſibi inuicem uenenum propinaſſent, tanquàm à conuiuiο mortui exceſſerunt.**

Qua ratione amicitia perpetua poſſit eſſe.

**Cum Leoprepes Ceus Simonidis pater aliquando in palæ-**

*stra federet, adolescentuli quidam amice inter se affecti interrogarunt uirum, qua ratione amicitia diuturnior esse posset. Si, inquit, mutuae irae cesseritis, neque uos inuicem irritaueritis.*

*De inopinata, & absurda Thrasylli insania.*

*Thrasyllus Aexonensis inopinata, & noua laborauit insania. Nam derelicto Astu profectus, in Piræum nauigia omnia, quæ eò appulerant, sua existimabat esse, & ipsa recensabat, rursusq; iubebat soluere. Gaudebat quoque nautarum salute, qui incolumes portum subierant. Cum autem hoc morbo diutius laborasset, Multis post annis eius frater è Sicilia reuersus medico curandum tradidit, atque ita morbo liberatus fertur. Idem postea meminerat præteritæ insaniæ, dicebatq; nihil sibi unquam iucundius in uita accidisse, quam cum alienarum nauium salute lætabatur.*

*De Electra.*

*Xanthus poeta, qui legatus fuit Stesichori himeræi, scribit Electram Agamemnonis filiam prius Laodicen appellatam. Occiso enim Agamemnone, & Clytemnestra ab Aegistho in uxorem ducta, regnoq; accepto, Græciam senescentem uirginem Electram uocarunt, eò quòd neque uirum, neque lectum experta fuisset.*

*De dono Pamphais & Diotimi.*

*Pamphaes Prienensis Croeso Lydo, patre eius adhuc uiuo, triginta minas dono dedit. Qui postea regno potitus currum argento onustum ad eum remisit.*

*Cum Diogenes à Diotimo Carysio numisma paruulum accepisset; tibi, inquit, tot Dij dent, quot animo cogitas, ui-*

rum scilicet & domum. Videbatur enim Diotimus mollior esse.

Quòd Pherecydes ob impietatem

Phthiriali laborarit.

Pherecydes Syrius mortem omnium acerbissimam expertus est, corpore, à pediculis absumpto. Et cum is quoque morbi turpitudinem abhorreret, subraxit se ab amicorum oculis, interrogatusq; à quodam, quomodo se haberet, immissio per ianuae foramen digito prorsus arido significabat se toto corpore ita affectum esse. Morbi huius Apollinis iram fuisse in causa Delij memorat. Cum enim in Delo unà cum discipulis sederet, & de sapientia sua differeret, illud dixisse fertur, se nulli unquam Deo rem sacram fecisse, & tamen iucunde, & hilariter non minus quàm ij, qui hecatombis Deos colunt, uitā duxisse. Huius igitur uanitatis grauissimas dedit poenas.

Multos esse mundos ridicule Ale-

xander credidit.

Non possum à risu temperare propter Alexandrum Philippi filium, qui cum audisset scriptum fuisse à Democrito, plures esse mundos, ingemuit, quòd uix unius dominus factus esset. Quàm

ualde igitur risisse credimus De-

mocritum, cuius id pro-

prium, & peculia-

re erat?



Aeliani

41

# AELIANI DE VARIA HISTORIA

LIBER QUINTVS.

Quod Tachos ob deliciores uiuendi rationem perierit.



**T**Achos Aegyptius quandiu patrio ritu, & simplici uiuendi ratione usus est, fuit omnium firmissimus. Vbi uero ad Persas profectus in illorum delicias ex-  
cidit, ob insolitum uiuendi luxum à dysenteria oppressus uita excessit.

Pherecydes quomodo perierit.

Pherecydes Pythagoræ magister lapsus in morbum primū sudorem emittebat calidum, uiscosum, & mucco similē, deinde ferinum. Postremo in Phthiriasin incidit, & cum ex carnibus pediculi undique erumperent, tabes, atque eam mors consecuta est.

De columnis herculis.

Aristoteles eas, quæ nunc herculis columnæ dicuntur, prius Briarei dictas affirmat; Nam cū Hercules terram, & mare purgasset, & proculdubio optime de humano genere meritus esset, deletō Briarei nomine in eius honorem herculeas appellarunt.

De aliquibus plantis in Delo uirentibus.

Fama est uirere in Delo oleam, & palmas, quibus tactis Dianam cum prius non posset parere, statim peperisse.



De inopia, & magnificentia Epaminondæ.

Epaminondas una utebatur ueste, & ea sordida, quã si forte fulloni purgandam dedisset, domi, eò quòd alteram non haberet, se continebat. Et tamen aurum sibi à Persarum rege missum recusauit. Atq; idcirco, siquid ego recte sentio, is, qui non accepit, uidetur mihi eo, qui dedit, magnificentior extitisse.

De voluntaria Calani morte.

Digna mihi quidem uidetur non laude solum, sed etiam admiratione Calani mors, quæ talis fuit. Cum Calanus Sophista Indus relicto Alexandro, & Macedonibus, & contempta uita, cuperet è corporeis uinculis solui, iussit pyram in pulcherrimo Babylonis suburbio extrui ex aridis lignis, maximeq; fragrantibus, Cedro, Iunco, Cupresso, Myrto, & Lauro. Ipse morè suo post cursum pyram conscendit, coronatusq; arundinis frondibus solem uenerabatur; Quod cum uidissent Macedones (hoc enim erat signum) statim pyram succendunt. Is à flamma undique septus intrepide stabat, neque prius motus est, quàm consumptus. Tunc ferunt Alexandrũ ob stupuisse, dixisseq; Calanum potentiores se aduersarios debellasse. Se enim aduersus Porum, Taxilen, & Darium certasse, Calanum uero aduersus laborem, & mortem.

De Anacharside.

Scythis mos est regionem suam peruagari. Anacharsis uero tanquàm uir sapiens ulterius uagatus est. Venit enim in Græciam, & Soloni maximæ fuit admirationi.

Quomodo aliqui Scommata pertulerint.

Scommata, & conuicia nullam mihi uim uidentur habere.

Nam si quis ijs utatur in firmum, & solidum animum,

concidunt. Si uero in uilem, & humilem, aliquid fortasse possunt. Et propterea saepe non solum molestiam, uerum etiam interitum attulere. Idq; & Socrates, & Polyagrus docent. Alter enim comici maledictis laceffitus ridebat, Alter se ipsum suffocauit.

De Aristotele.

Cum Aristoteles per luxum patrimonium dissipasset, militiae animum adiicit. Qua etiam turpiter omissa, phar-  
macopola prodijt. Ingressus postea in Peripatum, cum naturae praestantia multos superaret, audiretq; docentium sermones maximè excelluit, eumq; habitum induit, quem postea conseruauit.

Numerus aliquarum nauium, & armatorum,  
quos Athenienses amiserunt.

Naualē classē Athenienses summo sibi studio compararunt, aliquando autem uictores, aliquando uicti amiserunt in Aegypto triremes ducentas unā cum supplemento, iuxta Cyprum centum, & quinquaginta. In Sicilia ducentas, & quadraginta, in hellesponto ducentas. Desideratae sunt in Sicilia armatorum Myriades quatuor, & mille in Cheronæa.

De crudelitate Regis Thraciae in liberos.

Thracum Rex (alij nomen dicant) quo tempore Xerxes aduersus Græcos exercitum duxit, in Rhodopen montem aufugit. Monuit tamen prius sex, quos habebat, filios, ne contra Græciam arma sumerent, erat enim Græcorum studiosissimus. Hi uero cum minime paruissent, à reuerso patre excæcati sunt. In quo quidem aliena à Græcorum dignitate uisus est commississe.

Demades multatus est, quòd Alexandrum  
decreto facto Deum statuerit.

**N**on possum non summopere hæc Atheniensium facta commemorare. In concionem progressus Demades decreto statuit, ut Alexander esset Deus decimus tertius? Cuius impietatis magnitudinē cum populus non tulisset, Demadi talentorum centum multam irrogauit, quòd mortalem Alexandrum Olympijs ascripisset.

Athenienses faciles erant ad innouandas res.

**E**rant Athenienses in Reipub. administratione leues, & ad mutationes omnes maxime faciles. Moderate enim regnum tulerunt sub Cecrope, Erechtheo, Theseo & Codridis postea. Tyrannidem Pisistratidarū experti sunt. Aristocratia usi sunt usque ad quadringentorum imperium. Deinde decem ciues singulo quoque anno imperium obtinuere. Postremo nullis magistratibus ciuitas regebatur paulo ante ea tempora, in quibus triginta Tyranni rerum potiti sunt. Hæc facilis morum mutatio laudanda sit, nec ne, aliorum sententia statuatur.

Attica lex de cadaueribus humandis, &  
boum mactatione.

**S**iquis mortuum insepultum reperisset in uia, lege iubebatur terrā superinijcere, & sepelire ad occasum. Nunquā immolabant bouem, cuius opera in curru, aut aratro fuerant usi, quòd hic quoque agrum coleret, & hominum laboribus succureret.

Loca, ubi Iudicia Athenis in sectores  
exercebantur.

**A**reopagitæ iudicabant in temp'o Martis de uoluntaria cæde, iidem de inuita in Palladio. Cum uero quis ma-

lesicium fatebatur, sed iure fecisset, & licuisset ne facere, id erat in controuersia, is in Delphinio rationes reddere cogebatur.

Puerulus ob sacrilegium morte mulctatus est.

Cum puerulus aureum folium ex Dianæ corona delapsum abstulisset, iudices ei apposuerunt ludicras res, talos, & folium, cumq; statim ad folium manus extendisset, eum tanquàm sacrilegum occiderunt, non ætati ignoscentes, sed ob maleficium punientes.

De Atheniensium superstitione.

Siquis ex sepulchro uel minimam ilicem excidisset, tanta Atheniensium animis insita erat superstitio, ut eum morte dignum censerent. Quinetiam Atarbem, quod sacrum Aesculapio passerem occidisset, interfecerunt, neq; imprudentiæ, neque insanici rationem habentes. His enim utrisque diuina præferenda statuerunt. Dicebant enim aliqui eum inuitum id fecisse, aliqui uero furore correptum.

De grauida foemina, quæ capite damnata est.

Areopagita ueneficam captam non prius morte mulctabant, quàm edidisset id, quod cõcipiebat, cum capta fuit, atque ita innocuum infantem à supplicio liberantes, eam, quæ meruerat, puniebant.

Quomodo Aeschylus impietatis condemnatus absolutus fuerit.

Aeschylus Tragœdiarum scriptor impietatis accusatus est propter quandam fabulam ab eo conscriptam. Quare cum in animo haberent Athenienses illum lapidibus cedere, Amynias iunior frater coràm omnibus reiecta uestebrachium ostendit mutilum, Manum enim Amy-

nias præclare se gerens in Salamine amiserat, primusq;  
ex Atheniensibus fortitudinis præmia adeptus est: ludi-  
ces uiri calamitatem intuiti, & præclarorum facino-  
rum memores Aeschylum absoluerunt.

De Tarentinorum fame, & Rheginorum.

Cum Tarentini obsiderentur à Romanis, & fames expu-  
gnabiles fecisset, Rhegini decreuerunt decimo quoque  
die inediam sustinere, & Tarentinis alimenta permit-  
tere. Id cum fecissent, Tarentini obsidione illa liberati,  
& calamitatis memores festum agunt, quod Nesteam,  
hoc est ieiunium appellant.

Medea proprios liberos non occidit.

Ferunt aliqui falsa esse, quæ de Medea circumferuntur.  
Nō enim ab ea occisos filios, sed à Corinthijs, hæc autē fa-  
bulā, & Tragædiā de Colchica muliere Euripidē Co-  
rinthiorū precibus adductum finxisse, & propter poe-  
tæ excellentiam ueritatem à mendacio obrutam,  
propter quod facinus in pueros admissum  
usque ad hodiernum diem Corin-  
thios sacrificia, & iusta libe-  
ris offerre, tanquā ijs  
tributum per-  
soluen-  
tes.



# AELIANI DE VARIA HISTORIA

## LIBER SEXTVS.

De aliquorum ira in alios, inhumanitate, iniuria, iniustitia, & superbia.



Thenienses domini facti Chalcidensium eorum regionem Hippobotam appellatam, sorte in quadraginta partes diuisere, & reliquerunt in loco, quem Lilitantum nominant, Mineruæ lucos: Reliquam mercede locarunt, & columnas,

quæ iuxta porticum regiam stabant, & locationes continabant. Captiuos quoque uinxerunt. Neque idcirco ira aduersus Chalcidenses finem imposuere.

Cum Lacedæmonij in potestatem suam redegissent Messenios, dimidium eorum omnium, quæ in Messenia nascebantur, ceperunt; Liberas scæminas coegerunt flere etiam eos mortuos, quibus nulla affinitate coniunctæ erant. Nonnulli ex uiris ad agrorum cultum relictæ, alij uenditi, & multi occisi. Athenienses quoque eadem iniuria usi sunt. Nam feliciter rebus gestis non potuerunt secundam fortunam moderate ferre. Virgines enim inquilinorum cgebant in supplicationibus, suis puellis umbracula gestare, & scæminas scæminis, uiros autem scaphas ferre.

Sicyonij capta Pellene Pellenensium uxoribus, & filias mere.

## LIBER

*triciam uoluerunt exercere. Impia hæc ò Græci Diij, neque memoria nostra apud barbaros honesta.*

*Philippus uictoria apud Cheronæam parta, ceteriq; Macedones rerum bene gestarum felicitate inflati, animo uehementer efferebantur. Græcis uero timor iniectus est, atque ita, ut per singulas ciuitates in eius potestatem se dediderint, quod quidem fecere Thebani, Megarenses, Corinthij Achæi, Elei, & Euboenses omnes qui littori adiacent. Non tamen Philippus composita cum ijs fœdera seruauit, immo omnes præter ius, & leges in seruitutem redegit.*

*De fortitudine filij Harmatidij.*

*Harmatidij Thespiensis filius profectus in auxilium Atheniensem unâ cum alijs ciuibus, primum quidem bene, & fortiter pugnauit. Postea deficientibus armis nudis manibus decertando, gloriose occubuit. Patrio igitur nomine iuuenem, appellaui Homericò more eum celebrans. Quòd si quis nomen uelit scire, aliunde intelliget.*

*De Ifada puero.*

*Lacedæmonij Ifadam adhuc puerum, quem nondum leges ad militiâ uocabât, coronarunt, quòd è gymnasio egressus aduersus hostes præclare se gesserat, eundemq; condemnarunt, quòd ante idoneum ætatis tempus absque patrijs armis in hostes profectus fuisset.*

*De eo, cui Lysandri filia desponsa fuerat.*

*Quidam uiuente adhuc Lysandro patre eius filiam se in uxorem ducturum fidem dedit. Vbi uero puella & patre priuata est, & Lysander post mortem pauper est cognitus, is cui desponsa fuerat, negauit se uelle eam uxorem ducere. Propterea Ephori uirum mulctarunt.*



Neque enim Laconibus, neq; Græcis uisus est digna facere, cum & mortui amici oblitus esset, & diuitias panctis prætulisset.

De legatis Atheniensium.

Athenienses legatos in Arcadiam missos occiderunt, quòd alia uia, quam ea, quæ illis mādāta fuerat, profecti erāt, quamuis rem ex sententia confecissent.

Laconicæ leges.

Nonne & hæc Laconica sunt instituta? Lex est apud Spartanos, ut is, qui tres filios ciuitati exhibuisset, immunis esset à custodia, qui quinque, ab omni publico munere. Item ut indotatæ uxores ducerentur. Item Lacedæmonio uiro non licebat mechanicam artem discere. In prælijs uero puniceis uestibus utebantur; Nam color ille simul & uirilis uidebatur, & sanguis è uulneribus erumpens plus formidinis afferebat hostibus, cum huiusmodi aspectus oculorū sensum uehementissime permoueret.

Non licebat Laconi hostem exuere. Il uero, qui præclare in bello occubissent, oliuæ, aliarumq; arborum ramis coronati Laudibus extollebantur. Qui uero strenue, & egregie se gessissent, purpura superinduti, honorifice sepeliebantur.

De terræmotu, qui Spartam inuasit.

Cum Lacedæmonij præter sœdera seruos è Tænaro abstratos occidissent, (erant autem hi serui ex helotis) ira Neptuni cōcitatus terræmotus adeo uniuersam urbem concussit, ut quinque solūm domus superessent.

De nece Artaxerxis.

Artaxerxem, qui & Ochus cognominabatur, ferūt per in-

*fidias à Bagoa Eunucho Aegyptio interfectum, & concisum felibus proiectum fuisse, alium autem eius loco sepulchro regio collocatum. Ochi sacrilegia multa quidem memorantur, ea uero praesertim, quae in Aegypto commisit. Bagoas uero non contentus occidisse Ochum, capulos ensium ex eius cruribus confecit, hac ratione seuitiam suam indicans. Illum autem odio habebat, quod Apim in Aegypto occiderat, quemadmodum Canbyses antea.*

*De thesauro à Delphis quaesito in Pythone.*

*Postquam ex his Homericis uersibus didicerunt Delphi locum cupletissimum esse Apollinis locum.*

*Nec quot mormoreis Pytho Petrosa recludit*

*Sedibus, excelsas habitat quas Phoebus Aphetor.*

*Ferunt Delphos aggressos esse effodere circa aram, & tripodem, terrae motum tamen repente exortum eorum inceptis obstitisse.*

*Lex de ciuibus a Pericle lata.*

*Cum Pericles inter Athenienses maxime floreret, legem tulit, ut is ab administratione publicarum rerum prohiberetur, qui ex duobus Atheniensibus non esset natus, quam legem Nemesis statim consecuta est. Cum enim duos filios, quos habebat, Paralum, & Xantippum communis pestilentiae morbus extinxisset, superstites relictii sunt Pericli nothi, quos paterna lex à publicis muneribus disiunxerat.*

*De Gelone uolente imperium deponere.*

*Gelo Carthaginensibus apud Himeram superatis, totam Siciliam in potestatem suam redegit, postea nudus in forum profectus dicebat ciuibus se uelle imperium reddere.*

Hi cum eum experti essent studiosiorem populi, quàm Monarchicæ cōueniat dignitati, recusarūt. Propterea in templo Iunonis, quod est in Sicilia posita est tabula, quæ & eum nudum ostendit, & totum factū complectitur.

De Dionysij felicitate, & quem finem  
ipsa consecuta sit.

Dionysius secundus Imperium possidebat ualde munitum hoc modo. Naues habebat non pauciores quadringentis ordinum quinque, & sex, pedites ad decem Myriadas, equites nouem mille. Vrbs ipsa Syracusanorum portibus maximis ornata erat, & mœnibus altissimis circumdata. In promptu erat & alius apparatus bellicus ad quingentas naues extruendas idoneus. Intus posite erāt ad centum Myriades modicorum tritici. Armamentarium refertum scutis, Machæris, hâstis, ocreis militis, Thoracibus, & Catapultis, quarum inuentorem fuisse dicunt ipsum Dionysium. Habebat idem socios multos. Quibus omnibus fretus adamantino se Imperio septum esse arbitrabatur. Ipse tamen prius fratres occidit, uidit fr̃ios uiolenter iugulari, filias stuprari, postea nudas crudeliter necari. Neq; aliquis ex eius genere legitimo sepulturæ honore honestatus est. Alij enim uiui combusti sunt, alij concisi in mare proiecti. Hæc autem illi contigerunt, ex quo Dion hipparini filius Imperium eius inuasit. Ipse uero senectute, summaq; inopia confectus uita excessit.

Theopompus scribit eundē præ nimio meri potu oculorum uitio laborasse, solitumq; sedere in tonstrinis risum scur-

## LIBER

*vili more excitantem, & in media Græcia indecore, ac miserrime uixisse. Dionysius itaq; ab illustri statu in humilem mutatus uitæ moderationem, morumq; cultum homines edoccebit.*

De Tyrannidibus, quæ in Græcia ad  
posteror peruenere.

*Sanè quàm recte supremum, & cœleste numen uetat Tyrannidas usq; ad tertiam ætatem permanere, sed aut statim Tyrannos pinus in morem conterit, aut liberorum potentiam funditus prosternit. Hæ autem Tyrannides celebrantur à Græcis perpetuò & longa quadam serie in posterorum manus peruenisse. Gelonis in Sicilia, Lucaniorum, qui sunt circa Bosphorum, & in Corintho Cypsellidarum.*

De Dario insidijs appetito.

*Audio humanissimum factum Darij Hystaspis filij. Aribazus Hyrcanus inter uenandum insidiabatur ei una cum alijs insignibus Persicis uiris. Quod cum præsensisset Darius, minime territus iussit eos arma sumere, & equos, torueq; intuitus. Cur non aggredimini, inquit, illud, cuius causa huc uenistis? Illi cum audacem hominis aspectum uidissent, impetum cohibuere, tantoq; terrore perculsi sunt, ut desilientes ab equis hastas deponerent, ad pedes Darij supplices se proijcerent, & in eius potestatem se traderent. Hic uero alios aliò amandauit, nonnullos ad extrema Indiæ loca, aliquos in Scythiam misit. Illi uero beneficij memores fidelissimi semper ei extitere.*

# AELIANI DE VARIA HISTORIA.

LIBER SEPTIMVS.

De Semiramide, & quomodo Assyrio-  
rum Imperium obtinuerit.



**D**E Semirami de Assyria alij alia prædicant. Hæc omnium formosissima, quamuis formæ non multum stude-  
ret, profecta ad Assyriorum Regē, quippe qui pulchritudinis fama at-  
lectus eam ad se aduocarat, impe-  
travit à Rege sibi dono dari regium ornatum, & ut  
per quinq; dies sibi liceret toti Asiæ imperare, & quic-  
quid mandasset, statim perficeretur. Postquam igitur co-  
gnouit mulier omnia ex suo nutu, & arbitrio pendere,  
satelliti mandauit, ut confestim Regem occideret. Quo  
facto Assyriorum Imperiū obtinuit. Scribit hæc Dinon.

De Stratonis, & Nicoclis luxu.

Straton Sidonius fertur luxu, et nimia profusione studuisse  
cæteros homines superare, cuius uitam Theopompus  
Chius Phæacum moribus, institutisq; comparat, quorum  
Homerus ingenij sui præstantia, quemadmodum consue-  
uit, tragice, & copiosissime mentionem facit. Hunc inter  
conuiuia non unus cantor demulcebat, sed multæ aderant  
mulieres cantrices, tibicinæ, meretrices pulchritudine  
eximia, & saltatrices. Idem studiose certabat cum Nico

## L I B E R

cle Cyprio, quoniam & hic cum eo, non tamen de honestate aliquare, sed de ijs, quæ prædiximus. Et cum alter alterius facta ab ijs, qui ultro, citroq; ibant, audiret, uterque alterum cum quadam æmulatione uincere conabatur. Non tamen diutius hac uiuendi ratione usi sunt, uterq; enim uicenta morte interijt.

Dictum Aristippi, quo mœror ademptus est.

Aristippus amicis quibusdam grauissime lugentibus multaloculus fertur, quæ ad leuandam tristitiam facere uidebantur, illa uero præcipue in exordio. Venio ego ad uos non condolendi, sed leuandi mœroris causa.

De laude Molæ.

Pittacus mirum in modum laudabat molam, illud de ea prædicans, quòd in exiguo loco multis licet exerceri. Erat autem quædam cantilena molaris uocata.

De Vlyssæ, & Achille, qui multa proprijs manibus confecere.

Laertes in suprema senectute inuentus est à filio suis manibus plantam polire. Fatetur quoq; Vlysses se multa scire, & esse artificem.

Non lignator erat mihi par, non scindere ligna

Me melior quisquam, aut cineres sopire tepentes.

Idem non fabrorum opera, sed sua ratem quàm citissime confecit. Achilles tertius à loue carnes secuit parans conuiuium legatis Græcis ad se profectis.

Responsum cuiusdam Scythæ de frigore.

Cum aliquando ningeret, interrogauit rex Scytham quendam nudum, & tamen frigoris uictorem, An frigeret. At hic contra interrogauit, frons ne frigeat. Negante eo dixit, Neq; ego, sum enim totus frons.

De Demosthenis uigilijs.

Demosthenem Demosthenis filium scommate hoc infectabatur Pytheas, dicens illius Enthymemata lucernam olere. Is enim totas noctes uigilabat, & assidue meditabatur, quæ apud Athenienses dicturus esset.

De Alexandri luctu ob Hephæstionis interitum.

Mortuo Hephæstione Alexander in Pyram iniecit arma, aurum quoq; & argentum una cum mortuo, uestemq; inter Persicas maxime preciosam igni consumpsit. Tondit bellicosos, & strenuos uiros, & se ipsum, Homericum illum Achillem imitatus, Quo etiam uiolentius, & impatientius se gessit. Nam & Ecbatanorū arcem, et mœnia diruit. Quantum igitur ad tonsuram, uisus est mihi Græce se gessisse, Cum uero mœnium euerfionem machinatus est, Barbarice. Idem uestem mutauit dolori, amoris, & lachrymis succumbens.

Hephæstion ad Ecbatana interijt. Ferunt autem Alexandrum hæc in honorem Hephæstionis mortui parasse, ijs tamē ipsum paulo post mortuū usum esse, eiusdem enim interitū luctū ob adolescentem susceptum intercepisse.

De continente muliere.

Continentissima mihi uidetur fuisse Phocionis uxor, quæ mariti pallium gestabat, neq; indigebat Crocoto, non Tarentina ueste, non rotunda, non amiculo, non reticulo, non capitis tegmine, non deniq; tinctis tunicis. Sed primum temperantia induta erat, postea ijs, quæ in promptu aderant.

De uxore Socratis.

Socrates Xanthippe, quod detrectabat eius pallio induta ad spectandam pompam ingredi, fertur dixisse. Vides



*te non spectaturam, sed spectandam potius ire?*

*Calciamenta Romanarum mulierum.*

*Pleraq; Romanorum uxores maritorum calceos ferre consueuerant.*

*Lysandri, seu Philippi Apophthegma de periurio.*

*Pueros oportet talis, uiros iureturando decipere. Alij Lysandri dictum esse uolunt, alij Philippi Macedonis. Vter fuerit, mea sententia non recte. Neque fortasse mirum est, quod Lysandro non assentiar. Ille enim Tyrannus erat, Ego uero quid sentiam, ex hoc, quod mihi dictum non probatur, perspicuum est.*

*De tolerantia Agesilai.*

*Agesilaus Lacedaemonius iam senex nudis pedibus, & absq; tunica lacero tantum pallio indutus hyberno, & matutino tempore ingrediebatur. Hunc cum quidam obiurgaret, quod iuuenilia ageret, iuniores, inquit, ciues tanquam equini pulli me iam adultum intuentur.*

*De Philosophis, qui in exercitus, & Reip.*

*administratione uersati sunt.*

*Videntur mihi Philosophi etiam bellicarum rerum peritissimi. Tarentini enim sexies Archytam Imperatorem delegerunt. Melissus classi praefuit. Socrates ter in militiam profectus est. Plato & ipse primū ad Tanagram fortiter decertasse uisus est, Deinde ad Corinthum. Xenophontis expeditionem, & militare Imperium multi celebrant, et ipse in ijs, quae de Cyro scribit, copiosissime fatetur. Dion hipparini filius Dionysij Tyrannidem deleuit. Epaminondas Thebanorum Dux apud Leuctra Lacedaemonios superauit, et Romanorum, Graecorumq; primus extitit. Zenon multa administrauit pro Atheniensibus*

nienſibus apud Antigonum. Nihil enim intereſt, aliquis  
ne conſilio, an armis alios adiuuet.

Quomodo Mitylenæorum ſocij, qui de-  
fecerant, puniti ſint.

Quo tempore maritimis rebus florebant Mitylenæi, ſocios,  
qui defecerant, hac pœna affecerunt, ne eorum liberi li-  
teras diſcerent, aut diſciplinæ docerentur, rati gra-  
uiſſimum eſſe ſupplicium, ſi & literarum, & bonarum  
artium ſcientia priuarentur.

De Rôma, Remo, Romulo, & Seruia.

Roma à Remo, & Romulo Martis, & Seruiæ filijs condita  
eſt. hæc autem ab Aenea originem duxit.

De Eudoxo in Siciliam proſecto.

Eudoxo in Siciliam proſecto gratiam multam habuit Dio-  
nyſius, At ille nulla adulatione, aut blanditijs uſus, Pro-  
ſectus ſum, inquit, tanquam ad bonum hoſpitem, apud  
quem Plato commorabatur, ſignificans ſe non illius, ſed  
huius cauſa ueniſſe.

Quòd Aegyptij tormenta conſtanter ſuſtinue-  
rint, & de Indicis mulieribus.

Aegyptios ferunt tormentis conſantiſſime reſiſtere, & mal-  
le mori, quàm uera fateri. Apud indos uxores unà cum  
uiris mortuis concremantur. De qua etiam re certamen  
inter eas oritur; ea tamen cui ſors obuenit, eodem igne  
abſumitur.

De Solonis Stratagemate contra Megarenſes,  
& quomodo eos uerbis ſuperarit.

Solon in eo bello, quod pro Salamine ſuſceptum eſt ab Athe-  
nienſibus, Imperator deſectus, cū duabus nauibus Me-

garensium potitus esset, Atticos duces in eas transtulit, Cumq; hostilia arma suis circumposuisset, impetu insidioso facto multos Megarensium inermes occidit. Quibus etiam non dicendi facultate, sed argumentis ipsis superior extitit. Apertis enim uetustis sepulchris Athenienses omnes, qui mos est ipsis, ad occasum positos ostendit, Megarenses autem temere, & passim sepultos. Sententiam tulerunt Lacedæmonij.

De sene Ceo, qui capillum tinxerat.

Senex quidam Ceus profectus est Lacedæmonem, & cum superbus esset, propter senectutē erubescerebat, idcirco conabatur canos tinctura occultare. Progressus itaq; ad Lacedæmonios, tali ostenso capite illa exposuit, quorum causa uenerat. Tunc Archidamus Lacedæmoniorum Rex. Quid nam ueri, inquit, dicturus est hic, qui nō solum in animo, sed in capite mendacium circumfert? Illius itaq; dicta reiecit, hominis ingenium, moresq; ex ijs, quæ cernebantur, redarguens.

De Cæsaris, & Pompeij studio in discendis ijs, quæ ad iustum Imperium pertinebant.

Non erubuit Cæsar ad Aristonis domus proficisci, neq; Pompeius ad Cratippum. Nam, etsi potentes erant, nō aspernabantur eorum consuetudinem, à quibus se plurimum adiuuari posse sciebant, sed, tales cū essent, huiuscemodi hominum opera indigebant. Non enim uolebant imperare, sed recte imperare.

# AELIANI DE VARIA HISTORIA.

LIBER OCTAVVS.

De Dæmonio Socratis.



ICEBAT Socrates coram Theage, Demodoco, alijsq; compluribus de numine secum uersante, uocem scilicet sanctam sorte sibi datam, quæ si mecum sit, inquit, dehortatur me ab eo, quod facturus sum, nunquam autem hortatur. Et si quis amicorū, inquit, de aliqua mecum re communicet, et uox ea superueniat, rursus dehortatur, meq; quid agendū sit, monet, ego uero diuinæ uoci obtemperans eum, qui me consulit, moneo consilium mutare. Adducebat autē huius rei testem Charmidem Glauconis filium. Hic enim cōmunicauerat cum Socrate, num certaturus esset in Nemæis, et cum cœpisset loqui, confestim uox superuenit. Tunc Socrates Charmidem ab incepto deterruit, qui cum non paruisset, rem quoq; infeliciter egit.

De Hipparchi sapientia, & studio erga eruditos, & de Homericis uersibus.

Hipparchus filiorum Pisistrati maximus, et Atheniensium sapientissimus Homeri poemata primus Athenas attulit, iussitq; Rhapsodos, hoc est recitatores ea in Panathenæis canere. Ad Anacreonta Teium nauē quinquaginta

remis instructam misit, ut ad se proficisceretur. Cum Simonide Ceo assidue erat, quem & magnis donis, plurimisq; præmijs ornabat. Perspicuum est enim Simonidem auarum fuisse. Huic itaq; uni rei studebat hipparchus, ut doctis faueret. Volebat enim suo ipsius exēplo Athenienses erudiri, eisq; melioribus imperare. Iniquū enim esse censebat alicui sapientiam inuidere, cum ipse bonus esset, & sapiens. Scribit hæc Plato, cuius discipulus fuit Hipparchus.

De Bou's mac'tatione apud Athenienses, de  
Dijpolijs, & Buphonijs festis.

Mos est Atheniensibus, ut iugulato Boue alia omnia absoluant, singulis prius cædis accusatis, ensē autem condemnent, & ab eo dicant illum occisum esse. Eius autem diei, quo hæc fiunt, festum uocant Dijpolia, & Buphonia.

De Poliarchi luxu.

Poliarchum Atheniensem ferunt ad id luxus progressum esse, ut eos canes, & gallos, quibus maxime oblectatus fuerat, mortuos publice ad funus efferret, amicos conuocaret, splendide sepeliret, erectisq; columnis epigrammata insculperet.

De Neleo, Medonte, & duodecim Ioniæ urbibus.

Neleus Codri filius regno priuatus Athenas reliquit, propterea quod Pythia Medontis in Coloniam profecti Imperium fore prædixerat. Hic tempestate coactus ad Naxum appulit, unde cum uellet soluere, contrarij flatus prohibebant. Cum itaq; ignoraret, quid sibi agendum esset, dixerunt uates, expiandū exercitum, eò quod multi, qui impuris essent manibus, simul nauigarent.

Quare ipse quoque simulauit se puerum occidisse, & purgatione indigere, atq; ita, ut idem conscij facerent, persuasit. Quo facto, cognitisq; ijs, qui se ipsos cæde polluerant, abiit; illi Naxum coluere. Neleus in Ioniam profectus est, & primum tenuit Miletum eiectis Caribus, Mygdonibus, Lelegibus, alijsq; Barbaris, à quibus duodecim Ionie urbes nomen habuere, & sunt hæc. Miletus, Ephesus, Erythræ, Clazomenæ, Priene, Lesbos, Teos, Colophon, Myus, Phocæa, Samus, & Chius. Postea & alias multas in continente urbes habitauit.

De imperitia literarum & ruditate barbarorum.

Neminem ferunt ex ueteribus Thracibus literas scire, immo omnes Barbari Europam incolentes turpissimum arbitrantur uti literis. Qui uero in Asia erant, ut fama est, utebantur. Et propterea audent dicere Orpheum Thracem minime sapientem fuisse, eiusq; poemata fabulosa esse, & falsa. Hæc Androtion scribit, si quis ei de Thracum imperitia, & ruditate fidem habendam censet.

De nuptijs celebratis ab Alexandro

post uictum Darium.

Cum Alexander Darium superasset, nuptias sui ipsius, & amicorum celebrauit. Erant autem, qui uxores ducebant, nonaginta, totidemq; thalami, Eratq; locus, ubi uiri conuiuabantur, lectis centum ornatus, & argenteus tripes in uno quoque positus, in Alexandri uero aureus; Omnes mense strætæ purpura, & pictis stragulis Barbarico more, & precioso textis. Ad conuiuium quoq; adhibuit suos hospites, quos è regione uoluit accumbere. In aula conuiuabantur copie pedestres, nauales, equites, legationes, & peregrini Græci. Tubæ signo accum-

bebant, eodemq; sed uario finem adesse significabatur. Quinque integros dies propter nuptias sacris operam dedit, Interfuerunt etiam cantores, actoresq; multi Comœdiarum, & Tragœdiarum; Indici quoq; præstigitores, qui in ea arte cæteris ea tempestate præstabant, dicuntur affuisse.

De pictura.

Conon Cleonæus, ut aiunt, Picturam adhuc nascentem, & imperite à prioribus tractatam, ac nescio quo pacto fascijs, & lacte inuolutam perpoliuit. ob quam etiam rem primus maiora præmia est affecutus.

De Tyranno ab amoribus suis interfecto.

Archelaum Macedonicæ Tyrannum (ita enim & Plato eum appellat, non regem) Crateuas eodem amore Tyrannidis captus, quo ab eo diligebatur, occidit, sperans se Tyrannum, et felicem fore. Adolescentulus autem cum triduum, aut quatrimum imperasset, insidijs ab alijs appetitus interijt. Possemus autem de Macedonico hoc facto carnem illud dicere.

Damna parat iecori ille suo qui lædere tentat.

Archelaum enim aiunt unam ex filiabus Crateuæ despondisse, postea tamen alij locasse. Quod cum is molestissime tulisset, Tyrannum de medio sustulit.

De Solone, & legibus ab eo, & à Dracone scriptis.

Solonem Athenienses ad administranda publica delegerunt, non tamen sorte crearunt. Delectus multis quidem rebus urbem ornauit, præcipue uero legibus, quæ ad hanc usq; diem seruantur. Abrogarunt autem illas Draconis, quæ Thesmi, hoc est leges non scriptæ dicebantur, capitales tantum retinuerunt.



De rerum imminutione, corruptione, & mundo ipso. Non miramur humanam naturam mortalem, & ut ita dicam, Ephemeram corrumpi, quando & fluuios cernimus deficere, & altissimos montes imminui. Nauigantes enim ferunt Aetnam minorem esse, quàm prius. Item Parnassum, & Olympum Piericum. Et qui totius naturam diligentius scrutati sunt, dixerunt mundum ipsum corrumpi.

De Demosthene, Aeschine, Theophrasto, & Demochare.

Absurdum profecto, (sed tamen uerum) quòd Demosthenes apud Philippum Macedoniae Regem dicturus defecerit, Aeschines autem Cothocides Atrometi filius apud Macedonas maxime floruerit, reliquisq; legatis animi elatione, & audacia praestiterit. Id autem erat causa, quòd Aeschinem Philippus singulari beneuolentia, plurimisq; muneribus prosequeretur, & iucunde aspiciens libenter audiebat, ipsoq; aspectu beneuolentiam declarabat. quæ omnia audaciam ad dicendum, & uerborum copiam suppeditabant. Neq; id solum contigit Demostheni in Macedonia, quamuis eloquentissimus esset, uerum etiam Theophrasto Eresio. Hic enim apud Areopagiticum conuentum defecit, quod postea excusauit dicens, se concilij autoritate perterritum id passum esse, cui Demochares acerbissime, ac pròptissime respondisse fertur his uerbis. Erant, ò, Theophraste iudices Athenienses, non duodecim Dij.

Qui nunquam riserint.

Anaxagoram Clazomenium ferunt nunquam risisse, neq; ab initio subrisisse. Aristoxenus risum oderat. Hera-

clitum in uita semper luxisse memorant.

De Diogenis interitu.

Cum Diogenes Sinopensis morbo correptus uitæ finem appropinquare cerneret, se ipsum de ponte quodam, qui prope Gymnasium erat, deiecit, iussit tamen prius palatræ præfecto, ut, cum primū expirasset, se in Ilyssum proijceret. Adeo Diogenes et mortis, & sepulturæ nullam habuit curam.

De Philippi continentia in uictoria, & quid uoluerit sibi in mentem reduci.

Cum Philippus in Chæronæa prospere aduersus Athenienses pugnasset, uictoria quidem elatus nō imprudenter, aut superbe se gessit. Et propterea puero mandarat, ut illud mane in memoriam reduceret, quòd esset homo, atq; id unum potissimum curaret. Quare is non prius accedebat ad Regem, neq; alius introibat, quàm puer ter quotidie alta uoce cum clamore pronuntiasset. *Philippe homo es.*

De Solone, & Pisistrato.

Solon Execestidæ filius iam senex suspicabatur Pisistratū Tyrannidem occupaturum, quo tempore Pisistratus in concionem Atheniensium progressus præsidium postulabat. Cum autem uideret Athenienses Pisistrato assensuri, & se parum proficere, dixit, aliquibus se sapientiorē esse, aliquibus uero fortiorē. Illis sapientiorē, qui non uident Pisistratum accepta custodia Tyrannum fore: fortiorē autem illis, qui, cum id sentiant, conticescunt. Pisistratus cū acceptis copijs Tyrānidē occupasset, sedens Solon ante domum, & prope posito scuto, et hasta dicebat se armatum esse, & pro uiribus opem ferre.

patriæ, non Imperatorem ætatis culpa, sed animo beneuolum. Tunc Pisistratus seu ueneratione, qua uirū complectebatur, & eiusdem sapientia, seu etiam recollectione eorum, quæ adolescens commiserat (ferunt enim ipsum impudice admatum fuisse) nullo eum malo affecit. Solon paulo post senio confectus uita excessit, magnamq; & propter sapientiam, & propter fortitudinem gloriā apud posteros reliquit, in cuius honorē Athenienses nō solum æream statuam in foro erexerunt, sed etiam publice posito apud urbis portas dextra ingredientium sepulchro eum honestarunt.

De Oenycino Zandæorum Monarchia.

Oenycinus Scythia Zandæorū Monarcha traiecit in Asiam ad Darium regem, existimatusq; est ab illo æquissimus omnium hominum, quicunque ex Græcia unquam uenissent. Idem cū Regem rogasset, profectus est in Siciliam, rursusq; ex Sicilia ad Regem. Id autē à Democride Crotoniata non est factum, & propterea eum Darius decemptorem, & pessimū hominem uocabat. Cum igitur Scythia inter Persas felicissimus esset, iā senex uita excessit.

De Euthymo, de heroe Temessæo, & prouerbio.

Euthymus Locresis optimus inter Italos pugil creditus est, & corporis robore ualuisse. Saxum enim maximū ostendunt Locrenses, quod allatum humeris pro porta statuit. Idem Temessæum heroem tributa à finitimis extorquentem cohibuit. Ingressus enim in eius templum, quod plerisq; inaccessible erat, coægit illum, quidquid per uim abstulerat, reddere etiam cum scœnore. Atq; hinc prouerbum natum putant, ijs, qui sordidos, & iniustos quæstus faciunt, ad fore Temessæum heroa.

Ferunt eundem Euthymum, cum descendisset ad flumen Cæcin, quod Locrensiū urbem præterlabitur, repente e medio sublatum euanuisse.

Tumulus Anaxagoræ, & ara eiusdem.  
Hic stat Anaxagoras, quem iam ascendisse cacumen  
Cælestis uerum credimus ad Sophiæ.  
Ara quoque ei erecta est, & inscripta, partim mentis, partim ueritatis.

## AELIANI DE VARIA HISTORIA

### LIBER NONVS.

Quod Hieron doctrinæ studiosus fuerit, liberalis,  
& unā cum fratribus amice uixerit.



Hieronem Syracusanum ferunt Græcorum studiosissimum fuisse, plurimi rerum cognitionē fecisse, adeoque ad liberalitatem procliuem, ut ipse promptior esset ad largiendum, quā petentes ad accipiendum.

Erat animo illustris, & magnificus. Cum tribus fratribus leniter, & amice uixit, a quibus etiam diligebatur. Idem cum Simonide, & Pindaro familiariter erat; Neq; Simonides senio confectus ueritus est ad eum proficisci. Erat enim Cæus natura attentior ad rem, quā decebat. Et propterea Hieronis liberalitate magis etiā accendebatur.

## De Taurosthenis uictoria.

Eodem die Taurosthenis uictoria patri ipsius ex Olympia Aeginam perlata fuit, nonnulli per spectrum dicunt. Alij tradunt Taurosthenem abduxisse secum à proprijs pullis adhuc humidis, & implumibus columbam, statimq; post uictoriam eam emisisse purpura indutam, atque eodem die ad pullos properantem ex Pisa in Aeginam rediisse.

De nonnullorum, & Alexandri luxu, ac superbia.

Cum Alexander permetteret socijs, & familiaribus suis molliter, delicateq; uiuere, hac ratione eorum animos à fortitudine, ad ignauiam, & ocium turpiter traducebat. Siquidem Agnon aureis clauis crepidas suffigebat; Cletus, si quando ius dicturus erat, purpurea ueste indutus supplicibus, & reis sese offerebat. Perdiccam, & Carterum exercitationis cupidos Diphtheræ stadij magnitudine sequebantur, quibus spatiosum locum circumplectentes in castrametationibus exercebantur. Comitabatur eos & multus puluis à iumentis excitatus, exercitationibus quidem utilis.

Leonnatum, & Menelæum uenationi deditos tentoria stadiorum centum magnitudine sequebantur. Alexandro ipsi tabernaculum erat mensarum centum, quinquaginta autem columnæ aureæ interiacebant, quibus culmen nitebatur. Culmen auratum erat, & picturis, ijsq; eximijis elaboratū. Circa ipsum primum Persæ ij, qui Melophori dicebantur, quingenti numero, purpureis, & Melinis uestibus induti stabant. Hos iuxta sagittarij mille flammeo, & Hysgino tincto habitu ornati. Ante, Macedones centum argenteo scuto armati. In medio ta-

bernaculo posita erat aurea sella, in qua sedens Alexander ius dicebat, circumstantibus omni ex parte satellitibus. Septum autem tabernaculum circundabat, ubi mille erant Macedones, Persarum decem millia, neq; facilis dabatur unicuiq; aditus. Nam cum Alexander & ab animi elatione, & à fortuna ad Tyrannidem sublatus esset, ab omnibus metuebatur.

De Polycratis studio erga Anacreonta,

& Zelotypia.

Polycrates Samius poeticæ studiosus erat, & ob id Anacreonta Teium honore maximo prosequabatur, & eū, eiusq; carmina plurimi faciebat. Huius autem luxum non probo. Commendarat aliquando uehementer Anacreon Smerdiam polycratis amores, qua laude gauisus adolescens Anacreonta animi, non corporis amicum caste diligebat. Nequis autem per Deos immortales idcirco Teium poetam reprehendat, neque Lascium dicat. Polycrates Zelotypia motus, quoniam Smerdiam ornarat Anacreon, uidebatq; à puero poetam mutuo diligere, pueri capillos tōtōndit, ratus id puero ignominie fore, Anacreonti uero dolori. Poeta tamen prudenter dissimulauit se Polycratem accusare, culpamq; omnē in adolescentem transtulit in ijs carminibus, in quibus audaciæ, & stoliditatis eum insinulat, quòd contra suos ipsius crines arma sumpsisset. Carmina autem de uī illata comæ Anacreon canat. Id enim aptius nobis faciet.

De Hierone, & Themistocle.

Celebrabantur Olympia, ueneratq; eò cum equis Hiero certaturus. Themistocles autem prohibuit Regem, à certamine dicens, æquum esse eum, qui maximi periculi nō

fuiſſet particeps, publico quoque conuentu carere: ob quod dictum Themistocles laudem meruit.

De Pericle, & eius liberis pestilentia consumptis.

Cum Pericles pestilentia Athenis saeuiente liberorum mortem infracto animo tulisset, docuit ciues amicissimorum interitu non commoueri.

De Socratis constantia & alacritate in omnibus.

Dicebat Xanthippe, cum uarijs casibus ciuitas iactata fuisset, Socratem semper à se eodem uultu uisum esse, & domo egredientem, & reuertentem; Ad omnia enim praeclare se adaptabat Socrates, & cum mente esset quieta, omnem moerorem, & metum superabat.

Quòd Dionysius incontinens fuerit in amoribus mulierum.

Cum Dionysius iunior in Locrensiū urbem introiisset (erat enim Doris eius mater Locrensis) occupatis potentissimorum, qui erant in ciuitate, domibus, stratisq; rosis, serpyllis, & alijs florum generibus, Locrensiū filias ad se accersiuīt, ibiq; omnes intemperantissime constuprauit, cuius etiam rei poenas dedit. Nam deletō eius imperio à Dione, Locrenses omnes ij praesertim, quarum uirginibus uis illata fuerat, Dionysij uxorem, & filias corruerunt, omnibusq; modis iniurijs, & contumelijs affecerunt. Quibus postea satiati fixis sub earū unguibus acubus omnes peremerunt, ossa in mortarijs attriuere, Carnes quoque ab ossibus extractas quicunq; non gustasset, eum execrati sunt. Quicquid ex ijs superfuit, in mare proiecerunt. Dionysius post multos, & uarios casus obinopiam tandem stipem cogendo, tympana pulsando, & tibia canendo uita excessit.



Quòd & Demetrius incontinens fuerit.

Demetrius, qui Poliorcetes ab exitio urbium dictus est, suo ipsius luxu abutens M. & C. talentorum prouentum singulis annis sibi comparauit. Quorum pauca ad alendum exercitum expendebat, cætera intemperanter effundebat. Unguentis pauimentum aspersum erat, & singulis anni partibus recentes flores spargebantur, ut per ipsos incederet. Erat idem muliebribus, puerilibusq; amoribus maxime deditus; Studebat formæ, atque ita ut capillos componeret, in flauos mutaret, faciem ungeret, Pæderote (est autem unguenti genus à conciliandis puerorum amoribus ita dictum) & alijs unguentis uteretur, ignauie indulgens.

Quòd Plato paruam uitæ curam gesserit.

Plato, cum ei dictum fuisset insalubrem esse Academiæ locum, consulerentq; medici, ut in Lyceum transmigraret, recusauit dicens. Ego ne ad superiora quidem Atho loca, quæ saluberrima sunt, transmigrarem, ut diutius uiuerem.

De Parrhasio pictore.

Parrhasium pictorem purpurea ueste, & aurea corona usum fuisse & alij testantur, & inscriptiones in multis illius imaginibus declarant. Cum hic aliquando Sami cum aduersario non longe inferiori contendisset, superatus est. Inscriptio ipsarum erat; Ajax pro Achillis armis decertans cum Vlysse. Parrhasius uictus ualde urbane respondit cuidam condolenti; Dicebat enim se, non quòd uictus fuisset, sollicitum esse, sed propter Telamonis filium iterum superatum dolere; Tenebat idem baculum aureis capreolis ornatum, lorisq; aureis calceorū

tegmina constringebat. Eundem ferunt neque inuitum, neque laboriose artem suam exercuisse, sed promptissime, & facillime. Cantu enim laborem, quem ex ipsa arte percipiebat, leuare consueuerat. Scribit hæc Theophrastus.

De Epicureis ciectis à Romanis, & Messeniis.

Romani Alcæum, & Philiscum Epicureos ciuitate eiecerunt, quòd multarum, & absurdarum uoluptatum adulescentibus essent authores. Idem fecerunt Messenij.

De Dionysij edacitate, & pinguedine.

Audio Dionysium heracleotam Clearchi Tyranni filium ex, quotidiana edacitate, & luxu paulatim corpulentum, & obesum factum, atque ex hac corporea magnitudine, & carnis tumore in dyspneam incidisse. Huius autem morbi remedium tale excogitarunt medici. Tenuissimis, longissimisq; acubus latera, & uentrem transfigebant ij, quibus hæc cura data fuerat, eo tempore, quo pfundissimo somno oppressus iacebat. Ille uero quãdiu acus per solidam, & alienam ueluti carnem impellebatur, lapidi quàm simillimus stabat. Vbi uero acus ad eã corporis partem, quæ firma erat, & propria, neque ex nimia pinguedine aliena, transisset, tunc ille somno excitabatur. Ius dicturus cistam corpori prætendebat (alij non cistam dicunt, sed paruam turrin,) ut reliquas corporis partes occultaret, sola autem facies superemineret. Mala ò Dij immortales ueste indutus, & potius feræ latebra, quàm humano habitu.

De gracilitate Philetæ.

Philetam Com dicunt corpore gracillimum fuisse, atque ita, ut cum paulo momento huc, & illuc impelleretur,

plumbeas laminas plantis adhibuerit, ne à uentis, si forte uehementius flassent, raperetur. Quòd si adeo imbecillis erat, ut flatui non resisteret, quomodo credibile est potuisse illum id oneris trahere? Mihi quidem non uidentur hæc digna fide. Quicquid autem diximus, apud alios scriptum legitur.

De Homero.

Argiui cæterorū poetarū principē Homerū uoluerūt esse, reliquos in secundis statuere. Nā sacris operā dantes Homerū, & Apollinē ad conuiuium, & hospitalitatē uocabant. Illud quoq; fertur illum, cum præ inopia nesciret, cui filiam locaret, pro dote ei Cypria poemata dedisse, quod etiam Pindarus scripsit.

De Italia, & Mare Hippomige, hoc est homine, & equo.

Italiam initio habuere Ausones indigenæ. Antiquissimum autem fuisse Mare quendam nomine, cuius anterior corporis pars homini, posterior equo similis dicitur fuisse. Id enim uerbum Hippomiges significat. Ego uero arbitror propterea duplicis naturæ creditum, quòd prius equum inscenderit, & frenum imposuerit. Fabulantur eundem centum, & uiginti tres annos uixisse, quod mihi profectò à ueritate alienum uidetur. Italiam fecerunt tenuisse tot nationes, quot non aliam regionem. Idq; est causæ, quòd regio incredibili est cæli temperie, & præstantia, sunt aquosa loca, fertilia, pascuis apta, & à fluuijs irrigua quodq; pulcherrimū mare ipsi adiacet, portus ex omni parte, diuersorij, & stationibus diuisum. Incolarum præterea humanitate, & benignitate

gnitate allecli multi sedes proprias mutarunt, & in Italia Mille centum, & nonaginta septem urbes tenuere.

De Demosthenis superbia.

Hoc, quod de Demosthene circumfertur, uidetur hominis leuitatem declarare. Ipse enim solitus erat efferri, & gestire, quādo de eo prætereūte hydrophori, & baiuli admurmurassent. Quòd si huiuscemodi hominū tacitis uocibus exultabāt, qualem fuisse credimus, cum populī plausibus excipiebatur?

De Themistocle.

Themistocles Neoclis filius se ipsum quercubus comparabat, ad quas dicebat tempestate deprehensos confugere, reddita autem serenitate eosdem solitos eas euellere, & confringere. Idē dicebat, si quis duas mihi uias ostenderet, alteram ad inferos ferentem, alteram ad suggestum, libentius per eam irem, quæ ad inferos ducit.

Demosthenes vocanti Diogeni in caupo,  
nam noluit parere.

Accumbebat aliquando in caupona Diogenes, & cum prætereuntem Demosthenem uocasset, neque is pareret. Erubescis, inquit, in Cauponam ingredi, quem locū dominus tuus quotidie frequentat? intelligebat autem populum, & singulos. Concionatores enim & oratores multitudini seruiunt.

De Aristippo.

Cum nauigaret Aristippus, superueniente tempestate ualde extimuit. Quidam uero ex ijs, qui unā erant, Times & tu inquit, ò, Aristippe, quemadmodum plerique faciunt? Neque iniuria, respondit, Vobis enim

*miseram uitam, & præsens periculum curæ est, mihi uero felicitas.*

*De Theramene.*

*Gratulabantur Athenienses Therameni, quod, cum primū domo egressus esset, statim ea corruisset. At ille præter omnium spem respondit, ò, Iuppiter, cui me occasione reseruas? Nec multo post hausto ueneno, à, triginta Tyrannis de medio sublatus est.*

*Aliqui medicinæ studiosi.*

*Pythagoreos, Platonem, Aristotelem Nicomachi filium, & alios complures maximum studium in medicinæ cognitione percipienda posuisse legimus.*

*De Aristotele ægotante.*

*Cum aliquando Aristoteles ægotaret, iussissetq; ipsi medicus nescio quid. Tunc ille, Ne cures me, inquit, tanquā bubulcum, aut fossorem; prius tamen morbi causam ex pone, ut utaris me ad obsequendum paratissimo, his docens nullam curationem non inuenta prius causa adhibendam.*

*De Smindyridæ mollicie.*

*Smindyrides Sybarita ad id luxus progressus est, (hoc enim est proprium Sybaritarum) ut cum semel rosarum folijs cubasset, & postea surrexisset, dixerit se pustulas ex lecto habere. Hic igitur non potuisset cubare humi, non in palea, non in herba in accliu loco posita, non in tauri pelle, quemadmodum Diomedes digna mehercule milite toleranti, & generoso.*

*Agrestis tauri pellis substrata iacebat.*

*Quomodo Pisistratus se gesserit erga ciues suos.*

*Pisistratus imperio potitus accersebat eos, qui ociose in fo-*

ro confidebant, interrogabatq; , quæ nam ocij causa esset ; dicens . Si forte iumenta tua perierunt , meis acceptis abi , & terram colè . Si indiges seminibus , hæc quoque à me accipias . Verebatur enim ne ex diutino ocio animi suorum ad insidias conuerterentur .

De Zenone, & Antigono .

Antigonus Rex Zenonem Cittiensẽm uenerabatur , & colebat . Aliquando autem accidit , ut uino repletus eundẽ irrideret , oscularetur , & tanquã temulentus amplecteretur , iuberetq; , quidquid uellet , petere , se enim iureiurando interposito omnia iuuenili liberalitate præstiturum affirmabat ; Tunc Zeno , abi , inquit , & uome . Grauitèr , & magnifice ebrietatem obiecit , eiusq; salutem consuluit , ne scilicet ex nimia repletionè rumperetur .

Simplicitas morum .

Quidam Laconicum hominem , sed agrestem increpabat , quod nimis acriter lugeret , At hic . Quid faciam ? inquit . Non enim ego huius author sum , sed naturæ imbecillitas .

De Diogene .

Spartanus quidam illum hesiodi carmen laudabat .

Non bos intereat , nisi sit uicinus iniquus .

Id cum audiret Diogenes , Messenij tamen , inquit , & eorum boues interierunt , & uos uicini estis .

Socrates intrepidus erat , & dona aspernabatur .

Socrates aliquando intempesta nocte reuertebatur à cæna .

Id cum adolescentes quidam proterui præsensissent , redeunti insidiabantur cum accensis facibus , & furiarum laruis . Consueuerant autem hi in alios eodem

modo se gerere ex nimio ocio, quo ad deteriora utebantur. Socrates eos intuitus non extimuit, sed eadem interrogauit, quæ alios quoque uel in Lyceo, uel in Academia solebat.

Contendebat Alcibiades studiose multis donis Socratem sibi deuincire. Quare cum obstupuiſſet Xanthippe, rogaretq; , ut illa acciperentur, Nos quoque, inquit Socrates, contendamus, ne ea accipiamus, quemadmodum Alcibiades contendit dare. Cum uerò alius eidem dixiſſet. Magnum eſt aſſequi, quæ quis appetit, reſpondit. Maius eſt non appetere.

#### De Anaxarchi prouidentia.

Quo tempore Anaxarchus unà cum Alexandro militabat, cum ſuperueniente tempeſtate præſenſiſſet Alexandrum in loco lignis uacuo caſtrametaturum eſſe, abſconditis ſarcinis, quaſcunque habebat, in tabernaculo, ſarcinarios baiulos lignis onerauit. Cum igitur ad tabernaculū perueniſſent, & lignis opus eſſet, Alexandri menſæ comburebantur, ut ſe calefaceret. Tunc igitur nuntiatum eſt ei ignem eſſe apud Anaxarchum. Quare eò proſectus, unctusq; in illius tabernaculo, hominis prouidentiā collaudauit, & , quæ amiſerat, duplo reddidit, uafa, & uestes, quemadmodum ignis neceſſitas poſtularat.

#### De Athleta uictore mortuo, priuſquàm coronam acciperet.

Cum Athleta quidam Crotoniata uictor in Olympijs adiret iudices coronam accepturus, comitiali morbo oppreſſus interiit.



De statu Phrynæ meretricis, & equarum Cimonis.

Phrynæ meretricis imaginem Delphis erexerunt Græci in columna alta. Non dico Græcos omnes, ne uidear eos, quos maxime amo, improbare. Sed Græci ij, qui intemperantiores erant. Statua autem erat aurea. Cimonis quoq; equæ ex ære factæ uiuis quàm simillimæ Athenis stabant.

Responsum adolescentis interrogati à patre, quid didicisset.

Adolescens Eretriensis diu Zenonis auditor fuit; hunc domum reuersum interrogauit pater, quid nam graue, & serium didicisset. Qui cum se ostensurum dixisset, ira percitus pater filium doloris uictorem, & tacitum uerberibus multis castigauit. Postremo puer se, inquit, didicisse paternam iram ferre.

De sumptuose vestitis.

Cum Diogenes Olympiam profectus uidisset in conuentu illo Rhodiacos quosdam adolescentes magnifice indutos, ridens, hoc est superbia, inquit. Postea Lacedæmonios nactus uilibus, sordidisque tunicis uestitos, alia hæc, inquit, superbia.

De Antisthenis arrogantia ob lacerum pallium.

Intuitus Socrates. Antisthenem uestis partem laceram semper ostentantem, Non cessabis, inquit, te apud nos ostentari?

De Antigono, & Psalte.

Psaltes apud Antigonom artem suam ostentabat; Cum uero Antigonus sæpius diceret, Torque Netem, deinde rursus Mediam; Tunc indignatus hic. Dij auertant,

inquit, ut hæc tibi ars notior sit, quàm mihi.

Quomodo Anaxarchus riferit Alexandrum se  
ipsum Deum facientem.

Anaxarchus cognomento Eudæmonicus deridebat Alexandrum, quòd se ipsum Deum faceret. Cum enim aliquando Alexander egrotaret, iussissetq; medicus forbillationem parari. Ridens Anaxarchus, Spes, inquit, Dei nostri positæ sunt in unius poculi forbillatione.

De Alexandro, & Paridis Lyra.

Alexandro Troiam profecto, & diligentius omnia consideranti quidam Paridis lyram ostendit. At hic, mallem, inquit, Achillis lyram uidere. Desiderabat enim rem strenui militis, qua ille clarorum uirorum facta recensebat. Paridis uero lyra quid aliud cecinit, quàm adultera carmina, & qualia muliebres animos allicere, & demulcere possent?

De ridiculis, & inopinatis amoribus.

Nonne dicendi sunt hi amores ridiculi, & inopinati? Et primum Xerxis, qui platanum amauit, Deinde adolescentis cuiusdam Atheniensis nobilis, qui adeo Bonæ Fortunæ simulachrum, quod erat ad Prytaneum, adamauit, ut illud complecteretur, & oscularetur. Qua cupiditate, uel potius libidine cum fureret, adiit Senatum, precibusq; rogauit fieri sibi statuæ potestatem, magnam pecuniæ uim pollicitus. In quo cum repulsam passus esset, statua multis tænijs coronata, aliq; precioso apparatus circumposito, sacris peractis, multisq; lachrymis effusis, sibi ipsi mortem intulit.

A Glaucia Citharistria ferunt aliqui amatum esse canem,

*alij arietem, alij uero anserem. Solis Ciliciæ urbe, canis amatus fuit à Xenophante puero, Et mone-  
dulam Spartaë alius adolescens formosus dilexit.*

*De gubernatoribus punicarum nauium.*

*Chartaginienses gubernatores binos singulis nauibus præficiabant, absurdum esse dicentes, nauim duos cla-  
uos habere, eum autem, qui nauigantibus utilissimus  
esset, & nauis imperium haberet, successore, & so-  
cio carere.*

*De paufania, & Simonide.*

*Accubuerunt unà Simonides Ceus, & Pausanias Lace-  
dæmonius. Pausanias Simonidem hortatus est, ut ali-  
quid sapienter differeret. Confestim Ceus ridens. Re-  
cordare, inquit, te esse hominem. Quod dictum Pausa-  
nias Medorū amore iam incensus, & ob amicitiam cum  
rege erectior, & fortasse uino grauat, contemnendum  
duxit. Postquàm uero in Chalcioeco fuit, & fame uexa-  
batur, omniumq; miserrime se obiturum cernebat, tunc  
recordatus Simonidis, ter dixisse fertur, ò, Cee hospes  
egregie locutus es, ego uero stultitia adductus sermo-  
nem tuum nihili feci.*

*De Artaxerxe, & Dario.*

*Cum Artaxerxes Darium seniore ex filijs sibi insidian-  
tem occidisset, ætate posterior, patre approbante, se  
ipsum ante regiam gladio transfixit.*

# AELIANI DE VARIA

## HISTORIA

### LIBER DECIMVS.

De Pherenice, quæ Olympicos ludos spectauit.



Vxit ad olympicum certamen Pherenice filium suum. Prohibentibus eam spectare, qui præsidebant, (lege enim à spectaculo arcebantur foeminae) licere id sibi dixit, quæ patrem, & fratres tres haberet Olympionicas, & filium certatorem; Atq; ita Olympia spectauit, & uictorem filium reduxit.

De Eubatæ continentia.

Lais intuita Eubatam Cyrenæum, a leo uehementer illius amore exarsit, ut de nuptijs sermonem iniecerit. Veritus hic mulieris insidias, facturum se omnia post certamen recepit. Nunquàm tamen cum ea concubuit, Vixit enim continentissime. Victor Eubatas, ut pactorum uiolationis crimen euitaret, expressam Laidis imaginẽ secum Cyrenem duxit, dicens se Laidem habere; neque pacta uiolasse. Propterea mulier, quæ lege illi nupserat, maximam Eurybatæ statuam erexit Cyrene, ipsum eadem continentia remunerans.

De natura aliquorum animalium.

Perdicum pulli, cum primum è cortice pedes emisserunt,

uelociſſimi ſunt. Anatum pulli u ſolumine ſtatim poſt partum natant. Leonum catuli ad lucem properantes matrum uteros unguibus deliniant.

De celeritate Alexandri in gerendis rebus.

Alexander Philippi filius armatus triginta ſtadiorum iter nulla intermiſſione facta confecit, congreſſusq; cum hoſtibus, antequam exercitus quieſceret, uictoria potius eſt.

De Tyrannis ex uerbis Aefopi.

Verba ſunt Phrygia, ab Aefopo phryge conſcripta. Suem ſiquis attigerit, clamare, & meritò, cum neq; lanas, neq; aliud eiufmodi habeat. Statim enim ſibi mortem uaticinatur, quippe quæ aptima nouit, cui uſui futura ſit hominibus. Eadem eſt Tyrannorum ratio. Hi enim & ſuſpectos habent ſuos, & metuunt, cum ſciant ſe, quemadmodum ſues, omnibus uitam debere.

De uiris gracilibus.

Carpebatur à Comicis nimia horum gracilitas; Sannyriōnis comici poeta, Meliti Tragici, Cineſiæ circularium ſaltationum poeta, & Phileta Heroicorum, carminum, Archeſtratus uates captus ab hoſtibus, et ad libram ap- penſus, inuentus eſt oboli pondere, Panaretus macilentiffimus erat, uixit tamen corpore ſatis firmo. Ferunt Hipponaſta poetam non ſolum corpore paruum fuiſſe, & deformem, ſed etiam gracilem. Philippides, in quem Hyperidis oratio extat, ſic tenui fuit corpore, ut etiam πεφιλιππῶδους dixerint, pro macruiffiſſe. Alexis hæc ſcribit.

De aliquibus aſtrogis, & de magno anno.

Oenopides Chius aſtrogus dedicauit in Olympia æreum

libellum, in quo astrologiam quinquaginta nouem annorum complectebatur, & magnum esse annum prædica-  
bat. Meton lacon astrologus columnas erexit, in quibus  
solis solstitia expressebat, magnumq; annum inuenit, dicens  
eum decem, & nouem annos continere.

De beneficentia.

Dicebat Aristoteles Cyrenæus non accipienda ab aliquo  
beneficia. Eum enim qui studeat gratiam referre, soli-  
citem esse, qui non referat, ingratum uideri.

Quod Philoxenus fuerit helluo.

Philoxenus helluo erat, & uentri obnoxius. Hic cum ali-  
quando in Caupona Patella coqueretur, diu quidem oble-  
ctabatur odore illo contentus. Vbi uero desiderium cre-  
uit, & naturæ prauitate (ò Dij immortales) uinceba-  
tur, tunc mandauit puero, ut Patellam emeret. Cum ue-  
ro hic respondisset plurimo uendi precio. Erit, inquit,  
suauior, si maiori empta fuerit. Oportet autem horum  
meminisse, non ut ea imitemur, sed ut fugiamus.

De ueteribus pictoribus.

Cum primum pictura initium habuit, & nescio quo pacto  
lacte, & fascijs inuoluta iacebat, adeo imperite effinge-  
bant pictores animalia, ut ipsis inscriberent. Hoc est bos,  
illud equus, hoc arbor.

De Diogene dolente ex humero.

Diogenem dolentem ex humero, ex uulnere opinor, uel alia  
causa, quidam insultabat dicens. Cur non moreris ò Dio-  
genes, teq; ab his malis exoluis? Illos, respondit, qui sciūt,  
quæ agenda, & dicenda sunt in uita, decet uiuere (horū  
enim unum se prædicabat esse) Tibi, qui utrunq; igno-  
ras, rectius esset mori, Me uero omnium peritum de-

*cet uiuere.*

Archytæ Apophthegma de hominibus.

Dicebat Archytas. *Quemadmodum difficile est inuenire piscem, in quo non sint spinæ, ita & hominem non fraudulentum, & spinosum.*

Quòd Archilochus se ipsum accusarit.

Reprehendit Critias Archilochum, quòd de se ipso male scripserit. Nisi enim, inquit, ille hanc famam ad Græcos diuulgasset, ignoraremus profectò eum Enipò seruum natum esse, relictà Pæro ab inopiam se in Thasum contulisse, Thasijs inimicum factum, eodem modo de amicis, & inimicis locutum, Moechum fuisse, lasciuum, conuitiatorem, & (quod omnium turpissimum) abiectò scuto au-fugisse. Nò fuit profectò dignus sibi testis Archilochus, cum talem de se famam, & opinionem apud omnes reliquerit. Horum ego omnium non accuso Archilochum, sed Critias.

De Pigritia.

Dicebat Socrates pigritiam sororem esse libertatis, & huius rei testes adducebat fortissimos, & liberrimos Indos, & Persas, utrosque enim, quantum ex ipso corporis cultu, & habitu perspicere poterat, ignauissimos. Phrygas autem, & Lydos magis operarios in assidua seruitute degere.

De ijs, quibus Aristides, & Lyfander  
filias desponderant.

Græci ij, qui cæteris ea tempestate præstare uidebantur, Aristidis adhuc uiui filias uxores sibi asciuere, non illius me hercle probitate, neq; admirabili iustitia impulsus; Nam si horum imitatores fuissent, sponsioni cer-



te mansissent. Mortuo patre nullam sibi rem esse cum uirginibus dixerunt. Aristidis enim paupertas miseros homines à gloriosis, & grauissimis, mea sententia, nuptijs deterruit. Idem & Lysandro contigit; Cum enim animaduertissent eū inopem esse, uirgines repudiarunt.

De Antisthene, & Diogene.

Cum multos Antisthenes ad Philosophiam hortaretur, neq; aliquis esset, qui obtemperaret, indignatus neminem admittebat, et Diogenem à consuetudine sua penitus amouit. Vbi uero Diogenes acrius instabat, & precabatur, ille baculo se acturū minatus est, quod etiam aliquando fecit. Diogenes nihilominus in eadem constabat sententia, cupiebatq; illum audire dicens. Percute, si ita uidetur; ego enim caput supponam, neq; baculo adeo duro uteris, ut me à colloquijs, & coniunctione tua arceas. Ex hoc Antisthenes Diogenem complexus est.

De ijs, qui ex publicis administrationibus locupletes facti sunt.

Scribit Critias Themistoclem Neoclis filium, priusquam publica aggrediretur, tria possedisse talenta, quæ summa ei à patre relictæ fuerat, postquam uero ad remp. se contulit, & eius exulis fortunæ sub hasta uenditæ sunt, inuenta esse supra C. talenta. Ferunt etiam Cleonē ante publicas administrationes nihil habuisse, post autem quinquaginta talenta reliquisse.

De Syracusano Daphnide, & Bucolicis carminibus.

Daphnin bubulcum ferunt alij à Mercurio amatum, alij eius filium, nomen autem ex euentu habuisse. Natum enim ipsum ex Nympa, & prope laurum expositum.

Boues, quæ ab eo pascebantur, sorores fuisse solis memorant, quemadmodum Homerus in *Odyssæa* scribit. Cum hoc, dum in *Sicilia* bubalceus esset, nympha quædam eius amore capta rem habuit, formoso sanè, & iam lanuginem emittente, qualis speciosorum adolescentum solet esse, ut Homerus alibi dicit. Pactus est eo tempore Daphnis cum illa, se nullam aliam feminam aditurum. Quod si fecisset, fatale dicebat esse Nympha, ut luminibus priuaretur. Atq; inter se ita pepigerunt. Multis autè post diebus cū ebrius concubisset cum regis filia, à qua uni ce diligebatur, oculorum aspectum amisit, atq; hic casus bucolicis uersibus materiam dedit. Primusq; Stesichorus Himereus id genus carminum conscripsisse dicitur.

De quodam, qui proprios dentes deuorauit.

Eurydamas Cyrenæus pugillatu uictor collisos ab aduersario dentes deuorauit, ne id aduersarius cognosceret.

De Agefilao.

Cum Persarum Rex Agefilao significasset illum à se amici loco haberi, responsum dedisse fertur Agefilaus, se publice amicum fore, priuatim minime.

De Platone.

Cum Perictione Platonem in ulnis gestaret, & forte Aristomus, uel Nymphis in Hymetto sacra faceret, alijsq; sacris operam darent, mater in uicino Myrteto denso, & umbroso Platonem reclinauit. Cuius dormientis labris apes succinentes hymettij mellis uim instillare uise sunt: prædicentes futuram Platonis in dicendo suauitatem, & eloquentiam.

De Dioxippo.

Dioxippus præsentè Alexandro, et Macedonibus congres-

sus cum Chorrhago Macedone claua eius hastam persre-  
git, cumq; armatum uirum corripuisset, et prostrati cer-  
uicem ascendisset, machera, qua cinctus erat, militem oc-  
cidit. Quod cum animaduertisset Alexandrum moleste  
tulisse, & se odio haberi, præ nimio dolore periit.

## AELIANI DE VARIA HISTORIA.

### LIBER VNDECIMVS.

#### De Oricadmo, & lueta.



RICADMVS luetae legislator  
primus Siculum morem excogita-  
uit dictum παλαιόν hoc est lu-  
ctari.

De uersibus Oroebantiij, Dare-  
tis, & Melisandri.

Fuerunt ante Homerum Oroebantiij Troezenij poemata,  
quod etiam Troezenij historiographi tradunt. Daretem  
quoq; Phrygem, cuius Phrygiâ Iliada ad hunc usq; diem  
scio extare, antiquiorem fuisse Homero scribunt. Meli-  
sander Milesius Lapitharum, & Centaurorum pu-  
gnam conscripsit.

#### De Iecho, & lueta.

Iechus Tarentinus cum esset luctator primus per totum cer-

*taminis tempus , cœpit moderatiore uictu uti & à Venere abstinere.*

*De Agathoclis caluicio.*

*Agathoclem Siciliae Tyrannū dicunt indecore, & ridicule caput composuisse. Cum enim paulatim defluentibus campillis denudaretur, præ pudore Myrteam coronam adhibebat , quæ quasi comæ tegmen, & caluicij uallum esset. Syracusani tamen, & Tyrannum caluum esse, & hoc uti remedio sciebant. Non tamen audebant aperte loquitum propter eius furiosa facinora , tum propter impietatem .*

*De aliquibus iniuste sacrilegij condemnatis.*

*Cum Delphis nonnulli sacris operam darent, insidiantes ijs Delphi , in canistra, in quibus thus, & placentæ erant, clam sacras pecunias iniecerunt . Hos postea captos tanquam sacrilegos Delphica lege de saxo præcipitarunt .*

*De Adultero.*

*Adulter quidā forte Thespijs captus fuerat, uinctusq; per forum trahebatur, Hunc per uim socij è satellitum manibus eripuerunt . Orta itaq; ex hac re seditione multi utrinque occisi sunt .*

*De Lysandro , & Alcibiade.*

*Dicebat Eteocles lacon Spartam duos Lysandros non posse ferre , & Arcestratus Atheniensis nunquam Athenas duos Alcibiades . Adeo uterq; insolens erat .*

*De Hipparchi interitu.*

*Hipparchum occidit Harmodius , & Aristogiton , eo quòd Harmodij sororem, & fortasse dignā prohibuerat Deæ in Panathenæis patria lege canistrum ferre.*

De aliquibus præstantissimis , & egentissimis  
uiris , qui dona contempserunt.

Græci Principes per omne uitæ tempus in summa egestate  
uixere. Diuitias igitur aliqui Græcis principibus post=  
ponant, quorum uitæ paupertas fatalis contigit, quem=  
admodum Aristidi Lysimachi filio, qui, quamuis felicis=  
sime bellicas res administrasset, multosq; uectigales fe=  
cisset Græcis, mortuus tamen suis sumptibus uix potuit  
sepeliri. Phocion quoq; pauper erat. Cum tamen ei Ale=  
xander centum talenta dono misisset, quæsiuit causam,  
cur hæc daret, cumq; respondissent. Quoniam te solum  
ex Atheniensibus bonum , & fortem existimat. Per=  
mittat igitur, inquit, me talem esse.

Cum Epaminondæ Polymnidis filio egentissimo Iason quin=  
quaginta aureos, misisset, Prior, inquit, iniuriam intu=  
listi. Idem quinquaginta drachmis à quodam ciue foe=  
nore acceptis in exercitus uaticum, in Peloponesum  
irrupit, ubi cum audisset scutiferum suum à captiuo pe=  
cuniam accepisse. Redde, inquit, scutum, & eme tibi  
cauponam, in qua degas. Neq; enim posthac te periculis  
itidem exponere uoles.

Pelopidas increpantibus eum amicis, quòd pecunias contem=  
neret, rem ad uitam necessariam, & utilem. Per Io=  
uem, inquit, utilem, sed Nicomedi huic; ostendens clau=  
dum quendam, & mutilum.

Scipio quatuor, & quinquaginta annorum spacio, quos ui=  
xit, nihil emisse, neq; uēdidisse fertur. Adeo paucis ege=  
bat. Idem, cum quidam scutum egregie elaboratum  
ostentaret. Romanum decet, inquit, in dextra spem habe=  
re, non autem in sinistra.

Ephialtes

*Phialtes Sophonidæ filius pauperrimus amicis decem talenta dantibus repudiavit, dicens. Hæc cogent me uestri rationem habere, & aliquid uobis ex iure condonare: Quod si rationem non habuero, neq; gratificatus fuero, ingratus uidebor.*

*De Zoilo.*

*Zoilus Amphipolitanus, qui in Homerum scripsit, Platonem, & alios, Polycratis auditor fuit. Hic autem Polycrates etiam accusationem scripsit aduersus Socratem. Zoilus uero uocabatur Canis Rhetoricus. Cui barba demissa erat, capillus usque ad cutem tonsus, pallium breue, & supra genua. Cupidus hic maledicendi, & concitandi in se hominum odia, ex quo miser omnibus ludibrio erat. Interrogatus aliquando ab erudito homine, cur omnes maledictis incesset, Quia, inquit, cum culpam, nequeo malefacere.*

*De Dionysio Siculo.*

*Dionysius Siculus adeo medicinæ studiosus erat, ut ipse menderetur, secaret, adureret, & reliqua faceret.*

*De placenta missa Socrati ab Alcibiade.*

*Misit Alcibiades Socrati placentam magnam, & optime paratam, Xanthippe more suo indignata abiectâ eam, è canistro tanquam donum ab amoribus missum amanti, & ad excitandum uenerem idoneum conculcauit. Tunc ridens Socrates neque tu, inquit, illius particeps eris. Quod si quis arbitratur me uilia, & parua dicere, is planè ignorat Socratis prudentiam ex his rebus etiâ leuibus cognosci, cum ea contempserit, quæ pleriq; ad coenæ ornamentum loco adiungi uoluerunt.*

De uiro Siculo acutissimi uisus.

Siciliensem ferunt uirum in Sicilia adeo uisu ualuisse, ut è Lilybæo exeuntem classẽ à Chartagine, numerumq; nauium manifestissime denotaret.

## AELIANI DE VARIA

### HISTORIA.

#### LIBER DVODECIMVS.



SPASIA Phocensis Hermolimi filia mortua matre partus dolore, educata est in summa quidẽ paupertate, sed tamen in continentia & tolerantia. Hæc in somnis meliorem in posterum fortunam, futuramq; felicitatem sæpe cernebat, & quòd optimo, fortissimòq; uiro locabitur. Huic adhuc puellæ ortum est tuber sub ipso mento, quæ res aspectui, patri, & ipsi uirgini iniucunda erat. Confestim igitur pater eam medico curandam tradit, qui cum pollicitus esset se datis tribus stateribus id effecturum, dixissetq; pater non esse sibi pecuniam, tunc medicus. Ego quoq; , inquit, medicamentis egeo. Ob hæc Aspasia mœsta egressa thalamo inter genua speculum tenebat, seq; in eo non sine luctu, & gemitu intuebatur. Cum igitur præ doloris acerbitate in lachrymis, & inedia uersaretur, repente opportunus admodum somnus unà cum columba in scemina mutata irrepfit, dixitq; ei. Bono sis animo, & omis-



sis medicis, et medicamentis roseas Veneris coronas iam  
 fccas contere, contritasq; tuberi insperge. His auditis,  
 diligenterq; peractis, tuber euauit. Ex hoc Aspasia  
 æqualium pulcherrima apparuit, quippe quæ formam  
 à pulcherrima quoq; Dea acceperat. Gratiarum etiam  
 uenustate, et copia florebat, quanta nulli ea tempestate  
 uirgini contigerat. Flaua erat coma, et subcrispa, oculi  
 magnis, naso quodammodo adunco, auribus breuiori-  
 bus, cute molli, et uultus colore rosæ quàm simillimo.  
 Propterea à Phocensibus, cum adhuc infans esset, Mil-  
 tò hoc est, Minii appellabatur. Cernebantur rubicunda  
 labra, dentes niue candidiores, plantæ perpulchræ, et  
 qualibus formosissimas scæminas Homerus insignes esse  
 scribit, cum  $\alpha\alpha\mu\sigma\phi\upsilon\rho\varsigma$  uocat. Vocem emittebat sua-  
 uem, et mollè, atq; ita, ut aliquis se Sirenem audire, quo-  
 tiescunque illius sermone fruèretur, existimaret. Alie-  
 na erat ab omni muliebri studio, et nimia circa cultum  
 diligentia qui luxus ab immodicis opibus plerunque so-  
 let proficisci. Nam cum in summa inopia à patre edu-  
 caretur, non licebat immodicum aliquid ad ueram for-  
 mam adiungere. Profecta est aliquando Aspasia ad Cy-  
 rum Darij, et Parysatidis filium, et Artaxerxis fra-  
 trem, non quidem sponte, neq; à patre missa, sed,  
 (quod plerunque urbibus expugnatis uel Tyrannis,  
 uel Satrapis cogentibus etiam alijs solet usu uenire)  
 per uim abducta.

Cum igitur quidā ex Cyri Satrapis adduxisset eam ad Cy-  
 rum unā cum alijs uirginibus, statim cæteris pellicibus  
 prælata est, tum propter morum simplicitatem, et ue-  
 recundiam, tum propter formæ elegantiam, quæ pror-

sus ab omni fūco aliena erat. illud quoq; accedebat, quòd  
 eiusdem prudentia ad conciliandam hominum beneuolentiam plurimum faciebat. Sæpe enim Cyrus in periculosis, & turbulentis rebus consiliorum suorum summam ei credebatur, neq; unquam illum pœnituit muliebri sententiæ paruissse. Ducta est igitur Phocensis Aspasia ad Cyrum unâ cum tribus græcis uirginibus, quo tempore post cœnam iam in medio potius certamine tumultuabant. Solent enim Persæ cibo repleti uino, & propinationibus incumbere, in potum, tanquam in hostem irruentes. Trium illarum comam domesticae foeminae, quæ forte unâ uenerant, studiose composuerant, & pharacorum, fucorumq; uarietate faciem tinxerant. Quin etiam edoctæ fuerant à nutricibus, quomodo deberent Cyri conspectum subire, qua ratione adulari, adeuntem, & tangentem benigne ferre, osculantem non auersari, meretricijsq; alijs disciplinis, & præceptis institutæ, quæ propria sunt foeminarum pulchritudine abutentium. Dederant igitur operam singulæ, ut æquales forma superarent. Aspasia, etsi diu quidem recusarat sumptuosa tunica, picto amiculo indui, balneisq; uti, & inuocatis Dijs omnibus Græcis, & libertatis præfectis, & patre, illum, ac se ipsam execrabatur, rata se in aperta seruitute degere, quòd insolito ornatu, & nimio cultu uteretur, coacta est tamen non sine maximo dolore meretricia omnia facere. Cum igitur aliæ Cyrum intuerentur, subriderent, & lætitiâ præferrent, Aspasia oculos humi fixos continebat, facies rubore quodam flammeo suffundebatur, lachrymæ ab oculis manabant, omnibusq; modis manifesta uerecundiæ signa uideban-

tur. Posteaquam uero iussit Cyrus mulieres propius sedere, ceteræ quidem alacriter paruerunt; Phocensis uero ne uisa est quidem mandatum audire, quoad per uim abreptam Satrapa coegit sedere. Cum autem Cyrus attrectaret eas, eorumq; oculos, genas, & digitos ardentius perspiceret, reliquæ facile patiebantur. Aspasia uero, cum Cyrus extrema tantum manu illam attigisset, clamauit, dixitq; eum poenas daturum, si talia fecisset. Gaius est uehementer Cyrus, & cum eadem tanquam inde discessura surrexisset, (mammæ enim attrectarat) tunc Darij filius animi magnitudinem præter Persicum institutum admiratus, conuersusq; ad emptorem. Hanc unam, inquit, liberam, & incorruptam duxisti, reliquæ & facie, & moribus dolos præseferunt. His motus Cyrus hanc unice postea dilexit, & magis quàm alias, quibus cum prioribus temporibus uersatus fuerat, foeminas, & ab ea quoque unice diligebatur, atque adeo mutuus amor creuit, ut & mutuus quoq; esset honor, concordiaq; & modestia proxime, ad græcas nuptias accederent. Fama itaq; amoris regij in Aspasiam & ad aures magni regis peruenit, & in Ioniam usq; totamq; Græciā permanauit. Peloponnesus sermonibus, qui de Cyro, & de ea habebantur, personabat, omnesq; pro certo habuerunt nunquam postea Cyrum cum alia muliere rem habuisse. Post hæc igitur in mentem uenerunt Aspasiæ priora insomnia, columba, eius sermones, & quæcunque Dea prædixerat, in cuius se tutela, ac custodia ab initio fuisse existimabat. Veneri sacra exhibebat cum propter nuptias, tum maxime propter accepta beneficia. Primum igitur Idolum ei consecrauit aureum mediocris magni-

tudinis, quod Veneris simulachrum esse tacite secum dicebat, cui columbam etiam gemmis distinctam apposuit, quotidianisq; sacris, et laudibus Deam placabat. Misit Hermotimo patri dona multa, et egregia, ipsumq; ex inope diuitē reddidit. Vixit continentur, et caste, quem admodum Persicæ, Græcæq; foeminae affirmant. Paucis post diebus cum è Thessalia iunior Scopas monile ad Cyrum misisset, quod è Sicilia sibi donatum Scopas acceperat, lætatus est uehementer muneris præstantia Cyrus. Neq; enim quisquam fuit ex ijs, quibus donum illud Rex ipse spectandum obtulerat, qui non admirabili quadam arte, et uarietate elaboratum diceret, et obstupesceret. Cum hoc meridiana hora profectus ad Aspasiā Cyrus, dormientem offendit. Quare subter uestem insinuans et propè inclinatus quiete, et tacite sedebat. Ea tamen paulo post excitata Cyrum more solito complexa est. Qui cum è cistella monile extractum ostendisset, illud, inquit, dignum esse, uel regia filia, uel matre. Assentiente ea. Ecce, inquit, tuum est. Quare illud collo mihi prius ostenso circumijce. Aspasia muneris pulchritudine parū allecta, statim sapienter, eruditeq; respondit. Quo inquit, animo patiar circumponere mihi donum dignum Parysatide matre tua? Illud igitur ei mitte. Ego enim etiam absq; dono parata sum pulchrum collum ostendere. Aspasia magnifice, et præter mulierum consuetudinem (sunt enim ornamentorum studiosissimæ) se gessit. Cyrus responso gauisus Aspasiā osculatus est, et cum singula, quæ acta, et dicta fuerant, literis complexus esset, misit eas ad matrem unā cum monili. Parysatis non minus scriptis, quā auro læta, remunerata est Aspa-

fiam magnis, & regijs donis: Illud enim ei præcipue gratum erat, quod, quamuis Aspasia intelligeret se à Cyro maximi fieri, maximeq; diligi, facile tamen, & æquo animo matri cedebat. Commendauit Aspasia munus, dixitq; se non ægere eo. Nam & magnam pecuniarum uim unà cū donis acceperat, quas postea ad Cyrum remisit dicens: Tibi, qui multos homines alis, hæ erunt aliquando utiles. Cum enim tu mihi ornamento sis, satis multa me affecutam arbitrabor, si te, ut debeo, & opto, dilexero. Obstupuit uehementer his omnibus Cyrus. Merito. Ea enim cum propter corporis pulchritudinem, tum propter animi nobilitatem omnibus admirationi erat: Occiso postea Cyro in prælio aduersus fratrem, inter cæteros captiuos (Cyri enim exercitus, & alia spolia in hostium manus peruenerunt) ipsa quoque connumerata fuit, non quidem temere, aut fortuito capta. Sed Artaxerxes, cui iam pridem mulieris gloria, & uirtus nota erat, diligentius eam inquirendam curauit. Cum autem uincta adduceretur, indignatus Rex iussit eos, qui id fecissent, in uincula conijci, mandauitq; ut ea splendidis, & magnificis uestibus ornaretur. Quod cum audisset, precibus, & lachrymis (Cyri enim casu grauissime affecta erat) non potuit à Rege impetrare, ne Regia ueste indueretur. Cum igitur induta, mulierum omnium pulcherrima apparuisset, repente accensus Artaxerxes illius amore contabuit. Quare cæteris eam foeminis anteponendam duxit, studebatq; in omnibus illi gratificari, ut hac ratione Cyri obliuisceretur, & admirabiles amores sui excitaret, id quod se-

rò quidem affectus est. Vehemens enim in Cyrum beneuolentia animo Aspasiæ infixæ difficulter ablui, aut aboleri poterat.

### De Teridate Eunucho.

Aliquot post diebus Teridates Eunuchus pulcherrimus omnium, qui erant in Asia, moritur, cum iam è pueris excessisset, & inter adolescentes connumeraretur. Rex (amabat enim eum ardentissime) grauissimoluctu, acerbissimoq; mœrore huius obitu affectus est, publicusq; per totam Asiam luctus in regis gratiam repente excitatus. Nemo autem erat, qui eum adire, aut consolari auderet. Arbitrabantur enim dolorem, quem ex eo casu perceperat, nulla arte, aut oratione leuari posse. Post triduum Aspasia sumpta lugubri ueste, cum Rex ad balneas proficisceretur, lachrymabatur demissis in terram oculis. Id cum Rex uidisset, obstupuit, causamq; aduentus interrogauit. Tunc illa, uenio, inquit, leuatura mœrorem, & luctum, si per te liceat. Quòd si moleste tuleris, discedam. Latatus est Persa studio hoc, iussitq; ut in thalamum reuersa illic operiretur, id, quod etiam fecit. Introgressus postea ille Eunuchi uestem supra nigra circumposuit Aspasiæ, quæ & in uestibus illis adolescentis præclare elucebat, & formosior ipsi amatori uidebatur. Vbi semel his captus est Rex, rogauit eam, donec uis doloris remississet, eo cultu ornatam ad se accedere, in quo etiam gratificata est. Atque ita sola, non dico ex ijs foeminis, quæ erant in Asia, sed ex regijs liberis, & propinquis Artaxerxem consolata fertur,

cum Rex ipse promptitudini, & studio illi libenter in-  
seruiret, & consolatione prudenter moueretur.

De Musis.

Nemo figulus, aut pictor armatas nobis Iouis filias expres-  
sit; oportet enim in musis nescio quid pacificum, & mi-  
te apparere.

De Epaminonda, Daiphanto, & Iolaida.

Cum Epaminondas apud Mantineam letale vulnus accen-  
pisset, in tabernaculum delatus adhuc uiuus Daiphan-  
tum uocabat, ut ipsum imperatorem constitueret. Cum  
autem responsum fuisset eum occubuisse, iussit confestim  
acciri Iolaidam Cum & hunc interiisse audisset, consu-  
luit suis, ut cum hostibus in gratiam redirent tanquam  
nullo amplius Duce Thebis relicto.

De Sesostride.

Ferunt Aegyptij Sesostrin à Mercurio excultum, & eru-  
ditum fuisse.

De Laide.

Lais meretrix, ut scribit Aristophanes Byzantius uocaba-  
tur Axine, hoc est securis. Quo cognomine morum illius  
feritas redarguebatur.

De parentibus Marij, & Catonis.

Ridendi sunt ij, qui parentum nobilitate nimis efferuntur,  
siquidem apud Romanos Marij patrem non nouimus,  
illum autem propter præclara, & eximia facinora  
admiramur. Catonis quoque senioris patrem alij in-  
quirant.

De Alexandro, & Hephæstione.

Alexander Achillis tumulum coronauit, Hephæstion Pa-  
trocli, latenter innuens se amari ab Alexandro, quem



admodum Patroclus ab Achille.

Deinſidijs Cleomenis aduerſus Archonidem.

Cum Cleomenes Lacon ex omnibus neceſſarijs conſcium actionum ſuarum ſibi elegiſſet Archonidem, iurauit ſe, ſi unquam imperium occuparet, omnia cum illius capite communicaturum. Potitus igitur regno, & occiſo ſocio cum caput eius purgaſſet, & mille conditum uafe ſeruaret, quæcunque acturus erat, apud illum exponebat, dicens ſe minime peierare, omnia enim cum Archonide capite decernere.

Quomodo Timeſias ſpontepatria diſceſſerit.

Timeſias Clazomenius cum cæteris probitate præſtaret, Clazomeniorum urbem egregie quoque adminiſtrabat. Eadem tamen inuidia, quæ eiufmodi uiris plerunque obfuit, huic quoque detrimento fuit. Quam tamen primum minimi faciebat. Sed cum aliquando per ludum literarium tranſiret, & forte pueri à magiſtro dimiſſi colluderent, orta contentione inter duos de linea, alter iurauit. Ita mihi detur Timeſiæ cerebrum collidere. Hoc audito, ratus Timeſias acerrimam in ſe inuidiam, & ciuile odium concitatum, quando à pueris ipſis, nedum à uiris odio haberetur, ſponte patria exceſſit.

Primi Aeginetæ Numiſma excuderunt.

Aeginetæ olim potentiſſimi inter Græcos extitere, temporum felicitate, & ſecunda occaſione adiuti. Nam re nauali plurimum polluere, & aduerſus Perſas præclare ſe geſſerunt. Quam ob cauſam & maximis præmijs digni habiti ſunt, & primi numiſma excuderunt, quod Aeginæum numiſma uocatum fuit.

De pallantio colle, templo, & ara febris.

Romani sub pallantio colle templum, & aram febricere, xerunt.

De adultero in Creta capto.

Captus Gortinae, quæ Ciuitas est Cretæ, adulter ad magistratus adductus est, ibiq; conuictus criminis, ana coronabatur. qua corona hominis imbecillitas, mollities, & mulierofitas declarabatur, publiceq; sub hasta stateribus quinquaginta uendebatur, & ignominia notatus à publicis negocijs disiunctus erat.

Quomodo Gnathæna meretrix loquacitatem cuiusdam represserit.

Quidam ex hellefpono profectus est ad Gnathanam meretricem Atticam eius nomine, & pulchritudine allectus. Cumq; inter conuiuium adeo loquax esset, ut molestiam afferret, tunc Gnathæna. Nonne, inquit, dicis te ex Hellefpono uenire? Assentiente hoc, Rursus. Cur, inquit, non nosti primam ex ijs urbibus, quæ illic sunt? Dicenti, & quæ est? respondit Sigæum; quo nomine festiue silentio utendum monuit.

De aliquibus corpore speciosis.

Inter omnes Græcos maxime amabilem, & formosum dicunt fuisse Alcibiadem, Inter Romanos Scipionem, & Demetrium Poliorcetem; Alexandrum etiam philippi filium nullo adhibito studio elegantia formæ excelluisse memorant. Flauos enim crines passos, & extensos fuisse, & nescio quid formidabile ex specie apparuisse. Homerus formosos comparat arboribus, cum inquit.

Hic creuit & arboris instar.

De aliquibus præstantissimis uiris, qui puerulis oblectati sunt.

Herculem ferūt post certamina, & labores puerilibus ludis se recreasse. Ludebat enim cum puerulis Iouis, & Alcmenæ filius, quod & apud Euripidem Deus ipse significat, cum ait.

Ludo uicissitudines laborum amans.

Dicit autem hoc puerum complectens. Socrates quoque aliquando deprehensus est ab Alcibiade ludere cum Lamprocle adhuc infante.

Agesilaus in arundine equitabat cum filio puero, & ad ridentem conuersus. Nunc, inquit, tace, cum uero & ipse fueris pater, tūc huiusmodi uerbis apud patres uteris. Archytas Tarentinus & philosophiæ, & administrationi Reipub. deditus, cum multos haberet seruos, ludebat cum eorum liberis, quibus inter conuiuia præcipue oblectabatur.

Quos Alexander ob uirtutem odio habuerit.

Alexander Perdiccam oderat, quod bellicosus esset. Lysimachum, quod bonus imperator. Seleucum, quod strenuus. Eundem Antigoni ambitio offendeat, Attali imperiositas, & Ptolemæi dexteritas ingenij.

De Demetrio proficiscente ad meretricem.

Demetrius quamuis tot nationibus imperaret, adibat tamen Lamiam meretricem cum armis, & diademate. Cum enim turpissimum putaret accersere fœminam, benigne illam conueniebat. Ego uero maiori laude dignum censeo Theodorum tibicinem, quàm Demetrium; Theodorus enim à Lamia uocatus recusauit eò proficisci.

Quòd Phaon formosus fuerit.

Hominum pulcherrimum fuisse prædicant Phæona, quem uenus inter lactucas occultauit. Alij uero dicunt fuisse portitorem, Veneremq; cupientem traicere, quam tamē non norat, amicissime naui excepisse, & eò uexisse, quò ea uoluerat, propterea illi datum esse à Dea Alabastrum unguenti plenum, quo cum se obliuisset, factum esse hominum pulcherrimum, & à Mitylenæorum mulieribus adamatum, postremoq; in adulterio deprehensum iugulatum fuisse.

De Sappho.

Sappho poetriam Scamandronymī filiam Plato Aristonis filius sapientem uocat. audio autem aliam fuisse Sappho in Lesbō meretricem, non poetriam.

De Luscinia, & Hirundine.

Hesiodus scribit Lusciniam solam ex auibus somnum non curare, sed assidue in uigilijs degere, hirundinem uero non omnino uigilare, sed tantummodo dimidium temporis spatium. Hoc autem eas pati ferunt post facinus illud in Thracia inter cœnam impie commissum.

De Laconicis mulieribus.

Laconicæ mulieres audito liberorum suorum inter prælium interitu aduersa, & auersa uulnera inspiciebant. Quòd si aduersa plura animaduertissent, grauius, & torue aspicientes paternis sepulchris condebant. Si uero aliter offendissent, tunc pudore, & lachrymis suffusæ, quàm celerrime poterant, clam inde discedebant, liberosq; in communi sepulchro, quod Polyandrium dicebatur, humandos relinquebant, aut clam

domesticis sepulchris contegebant.

De fortitudine Titormi, Milonis, & de  
prouerbio quodam.

Milonem Crotoniatam ferunt corporis robore elatum incidisse in Titormum bubulcum. Quem procero corpore intuitus Milo, cupiebat illius vires experiri. Titormus autem dicebat, se nullo robore, aut uiribus præstare. Cum tamen in Euenum descendisset, pallio exutus maximum rapit lapidem, quem primum ad se protrahit, inde propellit, bisq; & ter idem fecit, postea usque ad genua erexit, tandem in humeros erectum usq; ad orgyas octo tulit & abiecit. Hunc lapidem Milo Crotoniata uix poterat uoluere. Aliud quoque roboris sui signum dedit Titormus. Profectus enim ad armentum, & in medio consistens, maximum taurum agrestem pede prehendit, atque aufugere uolentem remoratus est, eademq; hora & alium prætereuntem altera manu corripuit, constantissimeq; retinuit. Id cum uidisset Milo, manibus in cælum sublatis, ô, Iuppiter, inquit, Num hunc nobis alterum herculem genuisti? Hinc ferunt natum prouerbium. Hic alter Hercules.

De audacia Celtarum.

Audio Celtas in periculis omnium audacissimos esse, adeo ut cantilenarum suarum argumenta sumant ex ijs, qui præclare in bello occubuerunt, coronati pugnant, trophæa erigunt, simulq; rebus optime gestis gloriantur, & Græcorum more suæ uirtutis monimenta relinquunt. Turpe, & ignominiosum existimant fugere, atq; ita, ut neque ex testis ruentibus, etiam si liceat, egrediantur, neque ex eorundem incendio aufugiant. Multi mariti-

*nam alluuiem tolerant. Aliqui etiam armati se ipsos in mare iniiciunt, undarumque impetus sustinentes nudos enses, & hastas uibrant, quasi mare ipsum possint uel terrere, uel uulnerare.*

*Dedicatione uita, & edacitate Smindyridæ.*

*Smindyridem Sybaritam ferunt ad id luxus progressum fuisse, ut proci Agaristæ filiæ. Clisthenis Sicyonem profectus adduxerit secum mille coquos, totidem aucupes, & mille piscatores.*

*Quibus præstantissimis uiris multi  
utiles fuerint.*

*Alcinus utilis fuit Vlyssi, Chiron Achilli, Achilles Patroclo, Nestor Agamemnoni, Menelaus Telemacho, Polydamas hecatori, Antenor Troianis, quandiu eius sententiæ assensere. Pythagorici discipuli ex Pythagoræ sermonibus, & doctrina, Democritei ex Democriti uirtute plurimum fructus percepere. Socrati si paruissent Athenienses, & philosophiæ se dedissent, beatissimi fuissent. Hieroni Dinomenis filio Simonides Ceus, Anacreon Polycrati, Proxenus Xenophonti, & Zeno Antigono non minimum profuere. Et ut eorum quoque, qui mihi nihilominus quàm Græci coniuncti sunt, mentionem faciam ( hoc enim ad me, qui Romanus sum, spectare uidetur ) legimus Lucillum usum esse Antiocho Ascalonita, Mecænatem Ario, Ciceronē Apollonio, & Augustum Athenodoro. Plato uir quidem me sapientior scribit ipsum quoque Iouem consiliarij opera indiguisse, cuius, & quomodo, ab ipso audiāmus.*

## LIBER

### De Aliquibus uinolentis.

**Bibacissimi dicuntur fuisse Xenagoras Rhodius, quē Amphoram uocabant, & Heraclides pugil, & Proteas Lanicæ filius unā cum Alexandro Rege educatus. Ipse quoq; Alexander plurimum omnium bibisse fertur.**

**Quōd Hercules clemens fuerit erga hostes.**

**Mitissime se gessisse ferunt in hostes Herculem. primū enim ex hominibus mortuorum cadauera facto foedere suis sepelienda reddidisse, cum occisos consueuissent inhumatos negligere, ut canibus cibi loco essent, quod etiam Homerus dixit.**

**Corpora quin etiam canibus Lanianda parauit. & alio in loco.**

**Canibus ludibria adesse.**

### De Leocorio Atheniensium.

**Leocorium Athenis uocabatur delubrum filiarum lei, Praxithæ, Theopæ, & Eubulæ, quas fama est pro ciuitatis salute occisas esse, permittente patre Delphico oraculo. Dicebat enim non posse urbem seruari, nisi illæ iugularentur.**

**Quid dixerit Plato de Agrigentinorum luxu.**

**Cum plato Aristonis filius uidisset Agrigentinos magnifice ædificare, & eodem modo conuiuari. Aedificant, inquit, Agrigentini tanquā semper uicturi, conuiuantur, tanquā semper morituri. Timæus quoque scribit eosdem argenteis Lecythis, & strigilibus usos esse, lecticasq; totas ex ebore habuisse.**

### De Tarentinis uinolentis, & Cyrenæorum luxu.

**Tarentini consueuerant summo mane bibere, postea frequenti**



quenti foro ebrii huc, & illuc uagari. Cyrenæi ad id lux-  
 xus progressi sunt, ut, cum Platonem accersiuissent, ut  
 apud se leges institueret, hunc ferunt recusasse pro-  
 pter iam inueteratam illorum ignauiam. Cui rei & as-  
 sentitur Eupolis in Marica; Qui uero ex ipsis maxime  
 frugalis, & egentissimus erat, balthéis utebatur decem-  
 minarum precij. Artificum quoq; operam in sculpen-  
 dis annulis licebat cum admiratione intueri.

De uarijs Græcorum uinis.

Iam uero exponamus nomina aliquorum uinorum, quæ à  
 ueteribus Græcis maxime celebrantur, Et primum Pra-  
 mneum quoddam uocabant, quod Cereri sacrum erat;  
 Deinde Chium ab insula, Thasium, Lesbium, & quod  
 Dulce à re ipsa nominabant; Præterea Creticum, & Sy-  
 racusis Polium à quodam indigena Rege ita dictum.  
 Utebantur etiam uino Coò, & Rhodio, eodem modo ab  
 insulis nominantes.

Illa quoque luxus sunt indicia, quod Græci unguento ui-  
 num miscentes ita bibebant, cogeantq; hæc duo inter se  
 diuersa simul misceri; atque hoc uinum Myrrhinitem  
 appellabant. Cuius & Philippides Comœdiarum scriptor  
 mentionem facit.

De Pythagoræ, Empedoclis, Hippia, & Gorgia  
 uestibus, & calciamentis.

Pythagoras Samius candida ueste induebatur, coronam  
 auream gestabat, & calciamentum illud; quod Anaxy-  
 ridas uocant, Empedocles Agrigentinus purpurea ue-  
 ste, & calceis æreis usus est. Hippiam, & Gorgiam eo-  
 dem uestis genere indutos fuisse aiunt.

Romani infidias medici Pyrrhi, contra ipsum Regem non admiserunt.

Cineas Pyrrhi medicus arcanis quibusdam notis conscriptas litteras ad Senatum misit, quibus dato sibi premio pollicebatur Pyrrhum se Regem ueneno necaturum. Romani, quorum proprium fuit non dolis, non arte, non infidijs, sed aperta uirtute hostem debellare, non solum proditionem non admiserunt, sed etiam Pyrrho Cineæ consilium aperuerunt.

De amoribus Pausaniæ, & Apellis.

Priscorum hominum amores complures enumerantur, præcipue uero hi. Pausanias uxorem suam mirifice amabat, Apelles Alexandri concubinam, cui Pancaeste nomen erat, patria uero Larissa. Cum qua primum Alexander rem dicitur habuisse.

De Periandris, Miltiadis, Sibyllis, & Bacidibus.

Duo extitere Periandri, alter Philosophus, Tyrannus alter. Miltiadæ tres, unus, qui Cherronesum condidit, alter Cypselli filius, Tertius Cimonis. Sibyllæ quatuor, Erithræa, Samia, Aegyptia, Sardiana, His alij sex addidere, ut decem numero essent, quarum una erat Cumana, & Iudæa. Bacides tres, unus Græcus, alter Atheniensis, tertius Arcas.

De numero filiorum Niobes.

Dissentiant inter se ueteres scriptores de numero filiorum Niobes. Homerus enim sex enumerat, & totidem filias. Lasus bis septem; Hesiodus decem, & nouem, nisi non sunt Hesiodi illa carmina, quemadmodum & pleraque alia falsò ipsi attribuuntur. Alcman decem statuit; Mimernus, & Pindarus uiginti.

De Alexandro rei frumentariæ inopia laborante,  
& quomodo aliqui uici propter fura  
num capti sint.

Quo tempore Alexander Bessum insequabatur, annonæ  
penuria male affectus ipse, & qui undè erant, Camelis,  
ceterisq; iumentis non pepercere. Et cum eosdem ligna  
deficerent, crudis carnibus uescebantur, Adiumento ta-  
men fuit ipsis ad has coquendas maxima Laserpia-  
tij copia;

In Bactrianorum regione milites uicos ipsos cœperunt,  
quos ex fumo senserunt habitari, niue prius à fori-  
bus ablata.

De Sacarum equis, & quibusdam il-  
lorum moribus.

Siquis Sacarum equus dominum deiecerit, statim consistit,  
ut is rursus possit inscendere. Siquis puellam in uxorem  
ducturus est, singulare cum ea certamen suscipiat, est  
necesse. Victrix captiuum abducit, & imperat. Victa  
paret. Non enim usque ad mortem dimicant, sed usq; ad  
uictoriam. Suos lugentes Sacæ in subterraneas, umbro-  
sasq; domos se occultant.

De audaciâ Perdiccæ, & Leænæ.

Perdiccas Macedo, qui cum Alexandro militauit, adeo au-  
dacia excelluit, ut ausus fuerit aliquando solus in spe-  
luncam descendere, ubi Leænæ degere consueuerat,  
indeq; Catulos non inuentamatre abripere. Quæ res  
maximæ fuit omnibus admirationi. Non enim solum  
Græci, sed etiam barbari existimarunt Leænæ feram  
esse fortissimam, & ferè insuperabilem. Ferunt & As-  
syriam Semiramim gloriari solitam, non si leonem

comprehendisset, aut Pardum, aut aliam eiusmodi feram occidisset, sed ubi leæna superior extitisset.

De uaticis, quæ sequebantur Xerxem.

Alia quidem uatica sequebantur Xerxem magnificentissime, & superbiæ plena, præcipue uero aqua ex Choaspe. Cum uero aliquando ad desertum quendam locum uenissent, omnesq; molestissima siti miserrime angerebantur, præconis uoce exercitui denuntiatum est, ut, sicui esset aqua ex Choaspe, is ad Regem offerret. Cum hanc inuentam modicam tamen, & putridam Xerxes bibisset, eius, qui dederat, liberalitatem complexus est, præclareq; de se meritum existimauit. Siti enim interisset, nisi aqua illa præstò fuisset.

De Protogene pictore.

Protogenes pictor septem integros annos (ut aiunt) in pingendo Ialysum consumpsit. Quem cum Apelles uidisset, primum quidem stupore perculsus obmutuit. Deinde respiciens dixit. Labor quidem, & artifex magnus est, Artificium tamen uenustatem superat. Quam rem si uir affecutus esset, eius labor cælum ipsum attingeret.

De aliquibus educatis, à feris.

Cyrum Mandalæ filium canis educauit, Telephum Agæues, & Herculis filium cerua. Peliam Neptuni, & Tyrus filium equa. Alexandrum Alopes, & Priami filium ab ursa nutritum ferunt, Aegisthum Thyestis, & Peleopæ filium à capra.

De ijs, qui humili loco nati clari euasere.

Darium Hystaspis filium audio Cyri pharetrā gestare solitum. Posterior uero Darius, quem Alexander debel-

lauit, seruæ filius fuit. Archelaus Macedonum Rex natus est Simiche & ipsa serua. Menelaus philippi auius spurius erat. Amyntas huius filius minister Acropæ, & seruus creditus est. Perseus, quem Paulus Romanus uicit, genere Argiuius erat, & patre ignobili; Eumenes inopem habuit parentem, & sepulchralem tibicinem. Antigonus Philippi filius altero oculo priuatus, & ob id Cyclops cognominatus, Polyperchi minister erat, & latrocinia exercebat. Themistocles, qui Barbaros nauali prælio debellauit, & solus diuinas oraculorum uoces intellexit; Abrotono Threiffa natus est. Phocionis boni cognomento pater cochlearia operabatur. Demetrium phalereum uernam fuisse dicunt, & seruum Timothei, & Cononis. Hyperboli, Cleophontis, & Demadis, quamuis in Atheniensium urbe floruerint, patres ignorantur. Callicratidas, Gylippus, & Lysander apud Lacedæmonas Mothaces uocabantur, hoc autem nomen erat eorum, quos opulenti, & nobiles patres ad gymnasia unâ cum liberis certaturos mittebāt. Lycurgus enim qui hoc concessit, uoluit eos, qui in huiusmodi liberorum disciplina permansissent, Laonicæ administrationis participes esse. Epaminondas etiam patre erat ignobili, Cleon Sicyoniorum Tyrannus Pyriticam prius exercuerat.

De his, qui diutius in latumiiis Siciliæ uixerunt.

Latumiæ Siculæ erant iuxta Epipolas stadij longitudine, latitudine uero duorum iugerum. Ibi nonnulli diutius commorati sunt, atque ita, ut in eo loco uxores duxerint, & liberos procrearint. Aliqui autem ex ijs filijs, cum

nunquam urbem adiissent, ut primum Syracusas se con-  
tulerunt, iunctosque currui equos inspexere, cum clamore,  
ac trepidatione multa aufugerunt. Pulcherrima uero  
earum, quæ illic sunt, speluncarum, Philoxeni poetæ  
cognomento appellabatur, in qua, ut ferunt, commorans  
Cyclopem conscripsit suorum poematum præstantissi-  
mum, minimi faciens uindictam sibi à Dionysio illatam,  
immo in ipsa calamitate Philoxenus musicæ & litera-  
rum studijs operam dabat.

De Mida, Platone, & Pindaro infantibus.

Phrygij memorant in Mida Phrygis adhuc infantis os, dū  
dormiret, formicas irrepsisse, laborioseque admodum,  
& diligenter tritici grana importasse. Apes fauos  
Platonis ori instillarunt. Pindaram extra paternam  
domum expositum apes educarunt, mel pro lacte ap-  
ponentes.

De signo prædicente Dionysio Monarchiam.

Dionysium Hermocratis filium aiunt in traiectu fluuij equo  
exiluisse (nam is cæno in loco lapsus erat) & ripam  
apprehendisse, indeque relicto equo, tanquam non am-  
plius suo, coepisse discedere, Cum autem hinniens equus  
sequeretur, conuersum iubam apprehendisse, ut inscen-  
deret, eodemque tempore apum examen circa ma-  
num uolans repente apparuisse. Consultosque de his  
Galeotas respondisse id esse signum futuræ Mo-  
narchiæ.

De Aristomache Dionis uxore.

Dionysius eiecto è Sicilia Dione, eius filium, & uxorem  
Aristomachen diligentissime custodiebat, quam inuitam  
postea in uxorem tradidit Polycrati Syracusano satel-

lit: suo, quem inter præcipuos habebat ministros. Dionem autem receptis postea Syracusis, post Dionysij suam ad Locros Arete ipsius soror salutavit. Aristomache uero præ pudore uelata sequebatur, neque audebat tanquam maritum salutare. Norat enim se coniugij iura uiolasse. Vbi uero ex Arete audiuit Dion à Dionysio coactam fuisse, statim uxorem, & filium in domum admisit.

De Homeri poematibus.

Non Indi solum in maternam linguam conuersa Homeri poemata concinunt, sed etiam Persarum reges, si modo historiographis, qui hæc tradunt, fides adhibenda.

Quod Phocion iniuriarum oblitus fuerit.

Phocion Phoci filius sæpe imperatori a dignitate persunctus, morte mulctatus est, eratq; in carcere uenenum hausturus: Cum uero iam licitor poculum obtulisset, interrogarunt propinqui, ac familiares, quid nam filio mandaret. Tunc ille, Mando, inquit, hoc ei, ut obliuiscatur potus huius, quem nunc ab Atheniensibus oblatum bibo. Cui uero non uidetur extollendus phocion, eum ego à magnarum, & præclararum rerum meditatione alienum puto.

De Lacedæmoniis alienis à literarum disciplina.

Lacedæmonij literarum prorsus ignari erant; gymnasiorum tantum, & armorum studiosi. Quod si quando uel propter morbum, uel desipientiam, uel aliam huiusmodi publicam calamitatem Musarum opera eguissent uel Pythico oraculo moniti, accersebant peregrinos homines, tanquam medicos. Accersuerunt autem Terpan drum, Thaletæ, Tyrtæum, Cedoniatem Nymphæum, &



*Alcmana tibicinem. Thucydides quoq; fatetur discipli-  
nis fuisse Lacedæmonios parum deditos, inter quos enu-  
merat Brasidam, eumq; scribit dicendo ineptum fuisse,  
tanquam Lacedæmonium, hoc est rudem.*

*De superbia Menecratis, & quomodo Phi-  
lippus ipsum deriserit.*

*Menecrates Medicus ad id superbiæ prouectus est, ut seip-  
sum Iouem nominaret. Misit hic aliquando epistolam  
ad Philippum Macedonum Regem hoc exemplo. Me-  
necrates Iuppiter. Philippo salutem plurimam dicit.  
Cui Philippus rescripsit. Philippus Menecrati ualetu-  
dinem, Suadeo tibi proficiscendum ad Anticyræ loca.  
Hac itaq; ratione hominis desipientiam arguebat.  
Illum aliquando Philippus ad lautum, & magnificum con-  
uiuium inuitauit, iussitq; seorsum mensam ei apponi,  
parariq; acerram, & thure ipsum tanquam Deum,  
neq; cibo indigentem suffiri. Reliqui interim epulaban-  
tur. Menecrates primum honore illo mirifice letaba-  
tur, postea ubi cœpit esurire, & conuincebatur esse  
homo, & fatuus, statim inde abiit, dicens se iniuria  
affectum esse, propterea quòd scite, prudenterq; Phi-  
lippus illius insipientiam prodiderat.*

*Quibus Isocrates dixerit Athenas esse similes.*

*Isocrates Rhetor dicebat nihil interesse inter Athenas,  
& meretrices. Etenim eos, qui illarum pulchritudi-  
ne sunt allekti, optare cum ipsis rem habere, neminem*

tamen adeo imprudentem esse, ut cum iis diutius sibi commorandum putet. Eadem ratione Atheniensium ciuitatem peregrinis iucundissimam, atq; hac in re ceteras græciæ urbes superare, incolis autē minime utilem. Quibus uerbis habitatores Sycophantas esse ostendebat, & insidiosas populariū administrationes arguebat.

De iniūis maximorum bellorum.

Non ignoro ex uilibus, & propē contemnendis causis maxima, & periculosa bella initium habuisse. Persicum enim ex dissidio Mæandrij Samij cum Atheniensibus ortum ferunt. Peloponnesium propter Megarensium tabellam. Illud, quod sacrum dictum fuit ab exactione iuris Amphictyonici, cum Athenienses apud Chæroneā decertassent, uetantes Philippum illius participem esse.

Qua ratione Aristoteles iratum Alexandrum tentauit placare.

Cum uellet Aristoteles iratum Alexandrum placare sæpe excandescens, in epistola quadam ita scripsit. Furor, & ira non est in pares, sed in potentiores, tibi uero par nemo.

Idem Aristoteles ex ijs, quæ egregie, prudenterq; Alexandrum docuit, multa quidem, & maxima commoda multis peperit, & patriam iam, à Philippo dirutam subleuauit.

De ijs, qui in Libya uel ab elephantibus occiduntur, uel in uenationibus, uel in prælijs intereunt.

Libes occisos ab elephantibus uel in uenationibus, uel in prælijs magnifice sepeliunt, hymnosq; concinunt. quo-

rum hoc est argumentum. Strenuos esse dicunt eos uiros, qui tantæ feræ restitere, adduntq; gloriosam mortem gloriosum esse sepulchrum.

Quid dixerit Diogenes de Megarensibus,

Diogenes Sinopensis multis modis ruditatem, & imperitiam Megarensium carpens dicebat se malle esse arietem Megarensis uiri, quàm filium. Pecudum enim Megarenses curam habere, filiorum minime.

De prodigijs, quæ præuiderunt Thebani ducente Alexandro copias aduersus ipsos.

Cum Alexander Philippi filius exercitum aduersus Thebanos duceret, Dij signis, & prodigijs eorum interitum impendere prædixerunt. Illi uero, q; arbitrabantur Alexandrum apud Illyrios interiisse, maledictis eum multis incesse runt. Pa'us Onchesti formidabilem, & continuū sonitū edidit, & irruenti similis audiebatur. Fons, qui Ismenum, et moenia ipsa præterfluit, cui Dirce est nomen, repente, & præter spem sanguine repletus est, cum prius pura, & iucunda aqua uberrime abundasset. Arbitrabantur autem Thebani nunina graue aliquid Macedonibus minari.

In Cereris templo, quod est in urbe, Aranea solitam texuit telam ante simulachri faciem. Mineruæ etiam simulachrum, quæ Alcomeneis dicebatur, sponte sua combustum est, & alia eiusmodi complura.

De Dioxippo.

Dioxippus Athleta Olympionices Atheniensis Athenas eques ingrediebatur athletarum lege; ad quem spectan

dum cum undiq; multitudo conueniret, & alius aliunde spectandi cupiditate accensus penderet, inter ceteros mulier forma excellens accurrisse dicitur. Quam intuitus Dioxippus statim pulchritudine allectus immotis eam luminibus intuebatur, uultu in uarios colores sæpiissime mutato. Cognouerunt multi non sine causa aspici à Dioxippo foeminam, ipse uero præcipue perturbatio nem suam animaduertit. Tunc Diogenes sinopenfis cum forte aureum speculum Corinthiaca opera elaboratum uenale exposuisset. Videte, inquit, conuersus ad eos, qui propè astabant, athletam uestrum egregium ab adolescentula præcipitatum.

De ueritate, & beneficentia.

Dicebat Pythagoras duo hæc præclara data esse hominibus à Dijs immortalibus, uera dicere, & beneficia conferre, addebatq; utrumque Diuinis factis inesse.

De Dionysio, & Philippo.

Cum Dionysius secundus, & Philippus Amyntæ filius de multis inter se colloquerentur, præter cetera interrogasse fertur Dionysium Philippus, cur Imperium à patre relictum non conseruasset. Tunc non inepte Dionysius, alia mihi, inquit, multa reliquit pater, fortunam uero, qua hæc acquisiuit, & conseruauit, minime.

De honore exhibito Boreæ uento.

Nauigabat Dionysius trecentis nauibus armatorum plenis aduersus Thurios. Has cum forte aduersus, & uiolentus Boreæ flatus contriuiisset, omnesq; nauales copias funditus deleuisset, Thurijs sacris, ciuitate, domo, & redditu, quem singulo quoq; anno persoluebant, boream honestarunt. Non igitur Athenienses solum ipsum tutelarem

Deum arbitrabantur, sed etiam Thurij de se benemeritum scripsere. Pausanias refert idem à Megalopolitanis factum.

Lex Persica de consiliarijs regis.

Lex erat hæc apud Persas. Is, qui Regi de arcanis, ac dubijs rebus consilium daturus erat, stabat super aureo latere. Quòd si recte, & opportune uisus esset consulere, latere mercedis loco accepto, inde abibat. Cædebatur tamè, quòd Regi contradixisset. Indignum est autem mea sententia liberum uirum mercede, & iniuria afficere, & præmium malo compensari.

De Archedicæ Amore.

Archedices meretricem amabat Naucraticam superbam quidem, et arrogantem. Quæ accepta ea pecunia, quam poscebat (poscebat enim nimiam) paululum uersabatur cum eo, qui dederat; Deinde aufugiebat. Eius amore accensus adolescens cum sibi illius potiundæ facultatem ob inopiam rei familiaris interclusam intelligeret, in somnis cum ea rem habuit. Atq; ita cupiditatis illius flammæ extinctæ sunt.

De Alexandro mortuo.

Alexander Philippi, & Olympiadis filius, qui se Ioue natum prædicarat, Babylone mortuus iacebat, eoq; sepulchri honore, cuius etiam pauperes, & egeni participes esse solèt, defraudatus. Quis enim nescit illud nobis præter cætera naturâ elargitam esse, ut mortui terra contegamur? id autem accidebat, dum eius præsides de regno dissiderent. Alexander igitur triginta dies inhumatus relictus est, donec Aristander Telmissensis diuino quodam numine afflatus, uel ab alia quadam causa in-

pulsus progressus est in medios Macedonas, dixitq; Alexandrum & uiuum, & mortuum omnium seculorum regem fuisse felicissimum, Deosq; immortales sibi significasse, eum locum, qui illius corpus, quo primum anima inclusa fuit, excipiet, felicem fore, & nunquam expugnabilem. His auditis repente pro se quisque summa contentione annitebantur, ut in suum regnum transferreret, ut thesaurus esset, & ueluti obses imperij firmi, et tuti. Ptolemæus tamen, si credibile est, inuolutum corpus studiose in Alexandri urbem, quæ est in Aegypto, deferrebat, cæteris Macedonibus quiescentibus. Tunc Perdicas aggressus est illum insequi, motus non tam beneuolentia in Alexandrum, & pietate in mortuum, quam accensus ijs, quæ Aristander prædixerat. Postquam igitur Perdicas Ptolemæum affecutus est, orta est inter eos accerrima pugna pro cadauere non dissimilis illi, quæ Troiæ pro simulachro excitata fuit, cuius mentionem facit Homerus, cum ait Apollinem Aeneæ causa in Heroas impetum fecisse. Perdiccam tamen sustinuit Ptolemæus. Cum enim simulachrum Alexandro simile fecisset, illud ueste regia, & lugubri habitu honorifice decorauit. Cumq; postea in Persicum currum imposuisset, & Pheretrum magnifice argento, auro, et ebore ornasset, uerum Alexandri cadauer simpliciter, & negligenter compositum per occultas, insolitasq; uias præmisit. Perdicas nactus cadaueris simulachrum, & instructum currum, ratus se præmio potitum, cursum cohibuit. Serò autem animaduertit se deceptum, quando nulla amplius insequendi facultas apparebat.

# AELIANI DE VARIA

## HISTORIA.

### LIBER TERTIVS DECIMVS.

#### De Atalanta.



RCADES de Atalanta Iasij filia  
hæc memorant. Eam pater, ubi pri-  
mum in lucem edita fuit, exposuit,  
dicens se non fœminis, sed maribus  
indigere. Ille uero, cui mandatum id  
fuerat, profectus ad Parthenium  
montem, posuit eam prope fontem, ubi concaua erat  
petra, cui umbrosum quercetum adiacebat. Mors qui-  
dem eo tempore infanti impendebat, nisi fortunæ beni-  
gnitas aliter statuisset. Paulo enim post ursa catulis  
suis à uenatoribus priuata, mammasq; præ nimia lactis  
copia extensas gerens, tanquam diuinitus immissa ga-  
uisa est infante, cumq; illi lac præbuiisset, ipsa dolore le-  
uata est, & infantem nutriuit. Atq; id iterum, atq; ite-  
rum fecit. Et quoniam non licuerat catulorum suorum  
mater esse, alieni partus nutrix facta est. Hanc uenato-  
res, & ij, qui à principio catulis insidiati fuerant, di-  
ligentius obseruabant, & cum singula querceti loca  
explorassent, ab ursa more suo ad uenationem, & pa-  
bulum digressa Atalantam (quo tamen nomine nondum  
appellabatur, ipsi enim postea ita uocarunt) subtra-



xerunt, eamq; sylvestribus cibis alebant. Paulatim  
 autem unà cum ætate & corpus creuit, uirginitate læ=  
 tabatur, hominum consuetudines fugiebat, & in al=  
 tiſſimorum Arcadiæ montium ſolitudine uerſabatur,  
 ubi irrigua erat planities, ingentes quercus, uento=  
 rum flatus, & obſcura ſylua. Nam cur nobis moleſtum  
 eſſe debeat de Atalantæ ſpelunca audire, quemadmo=  
 dum apud Homerum de Calypſus, nescio. Erat igitur  
 in concaua ualle ſpelunca una, ualde profunda,  
 cuius frons rupe ingenti munita erat. Hæderæ cir=  
 cum repebant, & teneris arboribus implicabantur,  
 perq; eas aſcendebant. Croci circa locum erant in mol=  
 li, & profunda ſylua naſcentes, conſurgebat Hya=  
 cinthus, & alij complures flores, non ſolum aſpectui  
 gratiſſimi, ſed etiam odore ſuauiſſimo uicinum aerem  
 replentes. Licebatq; illic & ludos celebrare, & pro=  
 pter fragrantiam conuiuijs indulgere. Aderant & lau=  
 ri multæ frondibus ſemper uirentibus, & uiſui iucun=  
 diſſimis. Vites quoq; plures compoſitæ erant race=  
 mis ante ſpeluncam florentibus, ex quibus Atalantæ  
 ſtudio dignoſcebatur. Aquæ pcrennes, pellucidæ,  
 & frigidæ, quod uel tangendo, uel guſtando mani=  
 feſte deprehendi poterat, copioſe fluebant, quæ &  
 prædictas arbores aſidue irrigabant, & ad uitalem  
 ipſarum ſenſum plurimum faciebant. Locus igitur  
 gratijs refertus, maximeq; uenerabilis, commoratio=  
 nis alicuius uirginibus aptæ ſpeciem præſerebat.  
 Atalantæ lecti erant captarum in uenationibus fe=  
 rarum pelles, cibus earundem carnes, potus aqua,  
 uestis incompoſita, & quali Dianam uti legimus.

Quam dicebat se imitari hac in re, præcipue uero in uoluntario uirginitatis desiderio. Excellebat eadem pedum celeritate, atque ita, ut neque fera ab ea posset aufugere, neq; insidiantes homines, si se in fugam dedisset, assequi. Amabant ipsam non ij tantum, qui uidebant, sed etiam ij, ad quos nomen peruenerat. Age uero iam eius speciem, nisi molestum est, describamus. Arbitror autem non fore molestum, si quidem ex his ad orationes peritia, & ars adiungi solet. Hæc adhuc puella corporis magnitudine adultas fœminas superabat, pulchritudine uero uirgines omnes, quæ ea tempestate in Peloponneso florebat. Virili, & truci erat aspectu, tanquam à fera educata, si quidem ferox erat. Præterea ex syluestribus illis exercitationibus illud affecuta erat, ut nihil uirgineum, nihil mite præferret. Non enim in thalamo, non à matre, non à nutricibus educata fuerat. Quin etiam neq; in corpore nimia pinguedo redundabat, cum uenationibus, & huiuscemodi studijs assidue totum corpus moderaretur. Coma erat flaua, nulla muliebri opera, nullis tinctionibus, aut unguentis adhibitis, colorem natura, non ars largita erat, facies tanquam à solaribus radijs colorata ex aduerso ruborem quendam emittebat. Quis autem est flos adeo pulchritudine excellens, ut cum decora, & bene instituta uirgine, cuius uultus pudore, & uerecundia suffusus sit, conferri queat? Habebat in se duo, quæ stuporem præcipue excitabant, eximiam pulchritudinem, & huic admistum terrorem. Neque enim dissolutus, aut inutilis aliquis ipsam intuitus facile amasset, neque ausus esset ab initio aspicere. Tantus formæ splendor spectantium oculos perstrin-  
gebat.

gebat. Difficulter, & raro cernebatur, aliquando tamen inopinate, & de improviso, dū uel feram insequeretur, uel aliquem ulcisceretur, tanquam stella emicans, & fulgur elucebat. Deinde cursu confestim accelerato, uel querceto, uel Sylua, uel consuetis umbris occultabatur. Hanc aliquando adierunt finitimi centauri Hylæus, & Rhocus media nocte audaces, & lasciui amatores, quorum lusus erant nō tibicinæ, non ea, quæ ad urbanos iuuenes spectant, sed piceæ, quibus incensis primo aspectu populum perterruissent, ne dum uirginem unam. ijdem nuper decerptos pinuum ramos confringentes, postea se ipsos his implicantes coronas conficiebant. Assidue, & crebrò armis strepentes, et in montibus incendentes arbores, mali, & iniurij proci ad puellam properabant, ibiq; ante antrum nuptialia dona persoluebant. Puella ubi insidias animaduertit (uidebat enim ex ipso antro ignem, & procos nouerat) minime turbata, neq; aspectu deterrita, arcu curuato sagittam immisit, qua priorem Centaurum opportune strauit. Cum uero alter non lasciue amplius, sed hostiliter irruisset, uolens cædem illam ulcisciseq; ipsum ad audaciam, et alacritatē transferre, hunc quoq; puella altera sagitta transfixit. Atq; hæc de Atalanta Iasij filia satis.

Quomodo Macareum Diij ob crudelitatem ulti fuerint.

Macareus Mitylenæus sacerdos erat Bacchi, aspectu quidem benignus, & mitis, omnium uero maxime impius. Cum enim aliquando hospes ad eū diuertisset, dedissetq; ei magnam auri uim seruandam, Macareus effossa terra in penetrali templi illud occultauit. Aliquot post an-

nis reuersus hospes reposcebat. Hic introductum in templum tanquā redditurus iugulauit, & aurum refodit, cuius loco hospitem deposuit, ratus id clām Dijs fore, quemadmodum clām hominibus commissum fuerat. Ali ter tamen contigit. Sed quomodo? paucis post diebus cum Trieterica aduentassent & hic sacris operam daret, & Bacchi mysterijs intentus esset, duo ipsius filij, qui domi relictī fuerant, imitantes patris immolationem accesserant ad paternam aram, cū adhuc holocausta arderent. Cumq; iunior collum exhibuisset, & uidisset alter paratum gladium, frātre tanquam uictimam occidit. Intuiti, qui erant in domo, statim acclamarunt. Mater clamore excitata repente accurrit, uidensq; alterum mortuum, alterum autem tenentem gladium adhuc recenti sanguine aspersum, correpto ex ara torrem illum interemit. Cum autem facinoris huius nuntius ad Macareum allatus esset, quā celerrime relicto sacrificio, eo, quo erat habitu, furibunde, & eum impetu domum ingressus Thyrso, quem habebat, uxorem necauit. Scelera hæc iam ad omnium aures peruenerant. Comprehensus Macareus, tortusq; aperuit ea, quæcunque in templo commiserat. Tandem autem inter ipsa tormenta, & cruciatu perijt. Ei uero, qui præter omne ius iugulatus fuerat, publicus honor, à populo habitus est, iussuq; Dei sepulchrum erectum. Atq; ita Macareus meritis luit pœnas, ut inquit poeta, ipse unā cum liberis, & uxore.

De Beli monumento, in quo infelix signum

Xerxi ostensum fuit.

Cum xerxes Darij filius Beli prisce monumētum effodisset, urnam reperit uitream, in qua cadauer positum erat in

oleo, non tamen urna erat plena, sed udcua à summis la-  
 aris ad quatuor digitorum spatium, Adiacebat urnæ  
 columna brevis, in qua hæc scripta conspiciebantur. Illi,  
 qui monumentum aperuerit, neq; urnam repletit, nō est  
 utile. Quo lecto extimuit xerxes; iussitq; quam citissime  
 oleum superinfundi, nunquam tamen idcirco urna re-  
 plebatur. Idq; cum iterū, atq; iterum fecisset, uideretq;  
 se nihil proficere, destitit ab inani illa olei consumptione.  
 Rursus itaq; concluso sepulchro mœrore confectus  
 illinc discessit. Neq; uero columna postea in mendacio de-  
 prehensa est. Cum enim septuaginta hominum Myria-  
 das in Græcos duxisset, indigno, & turpi discessu sibi con-  
 suluit. Reuersusq; noctu in lecto omnium turpissime à  
 filio iugulatus est.

De Euripide, qui in conuiuio ebrius est factus.

Cum Archelaus Rex lauto, & magnifico conuiuio amicos  
 excepisset, ibiq; potui liberius, & diutius inseruiretur,  
 Euripides, qui meraciori uino usus fuerat, paulatim in  
 ebrietatem delapsus est. Cumq; prope accumbentē Aga-  
 thonem poetam Tragicum complexus oscularetur ho-  
 minem quadraginta annos natum, interrogauit eum Ar-  
 chelaus, num adhuc amabilis esset Agatho. Ille, per Io-  
 uem, inquit, Non enim solum uer bonorum optimum est,  
 sed etiam autumnus.

Quis primum ingenuos pueros adamarit.

Laium ferunt primum egregijs puerorum amoribus dedi-  
 tum fuisse, cum Chrysippum Pelopis filium rapuerit.  
 Quo facto postea Thebani honestum esse censuerunt  
 speciosos amare.

De natura Arcadici uini, Thasij, & Achaici.

Audire in Heræorum agro, qui est Arcadiæ nasci uites, quarum uinum desipientes efficit Arcadas, fecundas uero mulieres, & ad procreandum idoneas reddit. Duo uini genera ferunt esse apud Thasios, quorum alterum profundum inducat somnum, & propterea suauem, alterum uitæ infestum, uigilias, & mœrorem afferat. In Achaia circa Cerauniam uinum nascitur, quod abortus causam esse tradunt.

De Thebis captis ab Alexandro, & de Pindaro.

Potitus Alexander urbe Thebanorum liberos omnes sub hasta uendidit, præter sacerdotes, & paternos hospites, apud quos Philippus adhuc puer fuerat obses. Eos quoque, qui his cognatione aliqua coniuncti erant, dimisit. Idem honore affecit Pindari familiam, cuius etiam domui uni ex cæteris iussit parci. Occidit Thebanorum ad nonaginta millia, in captiuitatem redegit triginta millia.

De Lysandro.

Ferunt Lysandrum Lacedæmonium in Ionia commorantem Lycurgi leges laboriosas, & graues contempsisse, & molliorem postea uitam egisse.

De Lamia.

Lamia meretrix Attica dicebat. Leones Græci, Ephesi fiunt uulpes.

De Dionysio, qui eodem die uxores duas duxit.

Eodem die uxores duas duxit Dionysius, Dorida Locrensem, & Aristanetam Hipparini filiam, Dionis autem sororem, & cum utrisque uicissim cubabat. Altera exercitum sequebatur, altera reuersum excipiebat.

De subiugatione Persarum, & Isocrate.  
 Audiui Isocratem Rhetorem auctorem fuisse, quamobrem  
 Persæ in seruitutem redigerentur, à Macedonibus. Fa-  
 ma enim Panegyricæ orationis, quam Isocrates edidit,  
 in Macedoniam illapsa primum excitauit Philippum  
 aduersus Asiam. Deinde mortuo illo Alexandrū filium  
 paterni Imperij heredem ad eandem illam expeditionem  
 accendit.

Quomodo Meton se ipsum militia exolue-  
 rit, & de Vlyssē.  
 Meton Astronomus, cum Atheniēses in Siciliam tractūrū  
 essent, ipse quoq; inter alios conueneratū futuram cla-  
 dem præuidebat. Quare maxime timens, nauigationem  
 fugiebāt, dabatq; operam, ut à profectione illa immunis  
 fieret. Cum tamen nihil se proficere animaduertēret,  
 insaniam simulauit, multisq; modis, & factis ad confir-  
 mandam morbi opinionem utebatur. Atq; inter cætera  
 domum suam, quæ uicina erat Pœcile, succendit. Quo  
 facto magistratus ipsum dimiserē. Mea igitur senten-  
 tia aptius insaniam simulauit Meton, quàm Vlysses Itha-  
 censis. Hunc enim Palamedes, illum Atheniensium ne-  
 mo prodidit.

De Ptolemæi beneficentia.

Ptolemæum Lagi filium aiunt libentissime, & maximè  
 cum uoluptate solitum de amicis benemereri. Dicebat  
 enim melius esse locupletare, quàm locupletari.

De Homeri carminibus, & poesi.

Olim ueteres distincta Homeri carmina canebant. Alij  
 enim commemorabant naualem pugnam, insidias ali-  
 quas, egregiam Agamemnonis fortitudinem, Nauium



catalogum, ea, quæ ad Patroclum spectant, redemptionis præmia, ludos in Patrocli honorem institutos, & iuramentorum uiolationem. Atq; hæc ex Iliade. Ex odyssea Pyliæ res, Lacedæmonias; Calypsus antrum, ea, quæ ad ratem spectant, Alcini apologos, de Cyclopibus, de funere, de lauacris Circes, de procorum cædibus, partim in urbe, partim foris commissis.

**Lycurgus** primus licet serò uniuersam Homeri poesin in græciam tulit ex Ionia, quo tempore peregre profectus est. Postea Pisistratus Iliada, & odysseam coniunctas edidit.

De aliquibus ualde stultis.

**Comici** poetæ ferunt Polydorum quendam mente maxime stupida extitisse, cutemq; habuisse, quæ nullis flammis, aut incendijs corrumpi poterat. Item alium, qui præ nimia insania arenas numerabat. Fama est Sannyrionem in Lecytho scalam inquisiuisse. Coroebum quoq; & Melitiadem stultos fuisse memorant.

De Apolloniatis, ipsorum regione, & Epidamno.

**Apolloniata** finitimam Epidamno urbem in sinu Ionico positam incolunt, & ex propinquis locis bituminis fodinæ conspiciuntur, quod è terra erumpens eodem modo, quo pleriq; fontium, locum replet. Non longe immortalis ignis elucet. Est autem exiguus quidam collis ardens, nō admodum altus, circuitu nō magno, qui sulphur, & alumen redolet. Circa ipsum floridæ arbores, & pleraq; uirides, à quibus germinantibus, & iam adultis ignis noctu, & interdiu sine ulla intermissione ardens abstinet. Ita enim Apolloniata dicunt, antequam scilicet belam aduersus Illyrios suscepissent.

Apolloniata eadem lege, qua Lacedæmonij, peregrinos usu urbis prohibebant, Epidamnij, uero unicuiq; & accedendi, & habitandi potestatem faciebant.

7093 C. Prouerbiū, & de Phrynicho.

Vesparum examen metuit Phrynichus more galli. Prouerbiū de ijs dicitur, qui aliquo damno afficiuntur. Hunc timentem Athenienses lachrymantes urbe eiecerunt, cum Mileti excidium, & captiuitatem tragice conscriptam ageret.

De Dionysio.

Dionysius Siciliae Tyrannus adeo Tragediam amplectebatur, ut etiam Tragicas fabulas conscripserit. Oderat autem Comœdiam, eò quòd à risu alienus erat.

Quæ dixerit Cleomenes de Homero, & Hesiodo.

Cleomenes patrio more Laconice dicebat Homerum esse poetam Lacedæmoniorum, Hesiodum uero Ilotarum. Illum enim belli gerendi modum tradere, hunc agrorum colendorum rationem edocere.

De quodam libenter moriente, ut aliquos mortuos uideret.

Vir Megalopolita ex Arcadia Cercidas nomine moriens, familiaribus dicebat se libenter uita excedere. Sperare enim se conuenturum ex sapientibus Pythagoram, ex historicis Hecatæum, ex Musicis olympum, & ex poetis Homerum. Atq; hæc locutus, ut fertur, uita excessit.

De Phrygia harmonia.

Siquis Celœnis Phrygia modulatione apud Marsyæ pellem utatur, pellis ea, & cum sonitu etiam quodam moue-

tur. Si uero apud Apollinis simulachrum, immobilis est, & muta.

De Homeri templo, & simulachro.

Ptolemæus Philopator instructo templo, eoq; Homero consecrato, collocauit eum pulcherrime sedentem; & circum circa eas urbes, quæ sibi Homerum uendicant, prope simulachrum posuit.

Galato pictor pinxit Homerum euomentem; alios autem poetas, ea, quæ euomisset, haurientes.

De Lycurgo Lacedæmonio.

Cum semper studuisset Lycurgus Lacedæmonius Eunomi filius Lacedæmonios ad iustitiam excitare, mercedem non satis idoneam affecutus est. Nam, ut aliqui ferunt, insidijs Alcandri saxo percussus oculum amisit, alij baculi ictu existimant. Dicitur autem hoc de ijs, qui alia uoluerunt, alia autem affecuti sunt. Scribit Ephorus ipsum fame confectum in exilio interisse.

De aliquibus, quibus propriæ leges obfuerunt.

Lycurgus orator lege cauit, ne mulieres in festo Mysteriorum die curru ueherentur, quæcunque autem non paruisset, ea poena mularetur, quam ipse idoneam statuerat. Cum autem eius uxor prima decretum uiolasset, prima quoq; condemnata poenas dedit.

Pericles legem tulit solos Athenienses haberi, qui ex duobus Atheniensibus nati essent. Is postea legitimis filiis amissis solum spurium habuit. Perspicuum est autem Periclem alia uoluisse, alia uero consecutum.

Clisthenes Atheniensis primus Ostracismi author fuit, & primus genus illud damnationis expertus est.

**Zaleucus** Locrenſium legiſlator eos, qui in adulterio deprehenſi eſſent, oculis priuandos cenſuit. Illud uero, quod minime ſperarat, præter opinionem fato nescio quo ei contigit. Nam cum filius eius adulterij crimine damnatus ſecundum ius ab ipſo conſtitutum utroq; oculo carere deberet, ſuo prius, deinde filij oculo eruto, & debitum ſupplicij modum legi, quam tulcrat, reddidit, & ne adoleſcens omnino luminibus priuaretur, cauſit.

De Pindaro uicto in certamine à Corinna.

**Cum** Pindarus poeta Thebis contenderet, uictus eſt quinques à Corinna propter auditorum imperitiā, quam Pindarus redarguens Corinnam uocabat.

Quomodo Diogenes in inopia rerum omnium

conſtitutus ſe ipſum conſolatus ſit.

Diogenes Sinopēſis deſertus ab omnibus, & abiectus erat,

neminem ipſe propter inopiam admittebat, neque ab aliquo admittebatur, tum propter dicax, & maledicum hominis ingenium, tum quòd ad omnia, quæ dicebantur, & fiebant, ſeſe moroſum exhibebat. Diogenes igitur mœrore conſectus ſummis folijs ueſcebatur. Hæc enim non deerant Mus uero fruſtulis panis utebatur. Quòd cum Diogenes animaduertiſſet, factus hilarior. Mus hic, inquit, Athenienſium luxu non indiget. Tu uero Diogenes triſtaris, quòd non unā cum Athenienſibus cœnas? Atque ita ſe ad animi alacritatem opportune reuocauit.

De Socratis corpore.

**Socratem** ferunt corpore fuiſſe moderatum, & continentem, Nam cum Athenienſes publice morbo infeſtarentur,

tur, eorumq; alij morerentur, alijs mortis periculum impenderet, unus ex omnibus Socrates ab initio nunquam egrotauit; Qualem igitur animum fuisse credimus eiusmodi corpore inclusum?

De seruo Diogenis lacerato à canibus.

Diogenem patria excedentem seruorum unus Manes nomine sequebatur, qui cum domini consuetudinem abhorreret, aufugit. Cumq; nonnulli hortarentur Diogenem ad inquirendum eum. Non ne turpe est, inquit, Manem non indigere Diogene, Diogenem uero Manie? Seruus postea Delphis captus à canibus discriptus est, atq; ita fugæ poenas domino persoluit.

De spe.

Dicebat Plato spes esse somnia uigilantium hominum.

De Olympiade moleste ferente Alexandri

cadauer inhumatum iacere.

Cum Olympias Alexandri mater audisset filium diu insepultum mansisse, grauitè gemēs, & lugens. Tu, inquit, ò, fili, qui te dignum cælo existimabas, atque id unum potissimum in uita studebas, nunc terræ, & sepulchri honore turpissime cares, quæ duo natura uoluit omnibus æqualia, & communia esse. Atque ita suos casus deplorabat, & filij fastum arguebat.

Quòd Xenocrates misericors fuerit.

Xenocrates Chartaginiensis Platonis familiaris adeo misericors, & humanus erat ut sæpe brutorum miseratione moueretur. Cum in huius aliquando sub dîo confidentis sinus passer, quem accipiter insectabatur, aduolasset, auē libentissime admisit, seruauitq; tantisper, donec is, qui insequabatur, abiisset; Vbi uero ipsum timore omni li-

berauit, statim aperto sinu auem dimisit, dicens se supplicem non prodidisse.

Quomodo Socrates iactantiam cuiusdam meretricis redarguerit.

Xenophon inquit Socratem aliquando in colloquium uenisse cum Theodota meretrice foemina pulcherrima, & cum Callisto, Quæ cum diceret. Ego ò Sophronisci fili præstantior sum te. Tu enim neminem ex meis potes à me alienare, ego uero, si uelim, tuos à te omnes. Nō miram est, inquit ille. Tu enim per decliua omnes ducis. Ego cogo ad uirtutem uenire, ad quam ascensus est reatus, & plerisque insuetus.

De fortuna Rhodopidis meretricis.

Memorant scriptores Rhodopin meretricem fuisse Aegyptiarum omnium speciosissimam, eiq; cum aliquando lauaretur, fortunam, quæ inopinata, & insperata plerūq; largitur, non animo, sed pulchritudine digna obtulisse. Nam cum ancillæ uestimenta, & cætera custodirent, de lapsa ex alto aquila calceum alterum arripuit, eumq; Memphin in Psammetichi, qui tunc iudicium exercebat, sinum detulit. Admiratus Psammetichus calcei compositionem, & artificij uenustatem, & quæ ab aquila facta fuerant, iussit per totam Aegyptum eam inquirei foeminam, cuius erat calceus, quam cum inuenisset, uxorem sibi asciiuit.

De Dionysio.

- \* Cum Dionysius imperasset leonem interfici, ter satellitibus iussit, ut eum inde abducerent, terq; consilium mutauit. Et quotiescunque adducebatur, lachrymans eum osculabatur, seque ipsum execratus, quod

cum ense] sumpsisset, tandem timore uinceretur, iussit perimi dicens. Non licet tibi ò leo uiuere.

De naturali curatione cerui in morbo.

Purgant se cerui, ut aiunt Physici, Selino, ijtemq; caneros comedunt, ex phalangiorum morsibus pruritu laborantes.

De obitu Eurydicæ filiae Philippi.

Olympias Eurydicæ filiae Philippi, quam philippus ex Ilyrica foemina suscepit, misit uenenum, laqueum, & ense. Hac autem laqueum elegit.

De Gelone, & insidiantibus ipsi.

Etsi Gelo Syracusanorum Tyrannus mitissime in imperio se gerebat, erant tamen seditiosi quidam illius uitæ infesti. Quæ cum audisset Gelo, conuocatis in concionem Syracusanis, armatus in conspectu omnium prius commemorauit ea omnia commoda, & ornamenta, quibus eos affecerat. Deinde proditionem detexit. Tandem depositis armis omnibus audiētibus ita locutus fertur. Ecce adsum tunicula indutus absq; ullis armis, dedo me uobis. In uestramanū salus, & interitus meus positus est. Tunc Syracusani regiam mentem admirati concesserūt, ut in insidiatores liceret ei iure suo uti, imperiumq; reddidere. Ille uero hos puniendos populo permisit. Syracusani igitur ob hoc factum, statuam ei discinctam tunicam ostentantem erexerunt, ut esset monumentum popularis administrationis, & posteris exemplum, quæ ratione imperium gubernari debeat.

De Alcibiade.

Alcibiades Homerum plurimu faciebat, atq; ita, ut cum aliquando ad literarium ludum profectus Iliada postulaf-



set, dixissetq; magister se nihil Homeri habere, pugno illum percussisset, dicens & magistrum ineruditum esse, & similes quoque fore pueros.

Idem ad causam capitalem ab Atheniensibus è Sicilia uocatus non paruit, dicens stultum esse reum illum, qui, cum liceat fugere, non fugiat. Cum uero quidam dixisset: An non credis patriæ de te ipso iudicium? Ego, inquit, ne matri quidem. Vererer enim, ne imprudens, & à ueritate aliena pro calculo albo nigrum iniiceret. Cum igitur audisset se mortis à ciuibus condemnatum, ostendimus eis, inquit, nos uiuere. Et ad Lacedæmonios profectus Decelicum in Athenienses bellum excitauit.

Idem dicebat recte facere Lacedæmonios, cum in bello intrepide moriantur. Fugientes enim legum angustias prompte mortem cum laboribus commutant.

Consueuerat quoq; dicere, se, quantum ad actiones suas spectat, Castoris, & Pollucis uitam uiuere, cum quotidie moriatur, & reuiuiscat. Nam si feliciter apud populum egerit, se dijs parem haberi, si secus, nulla in re à mortuis differre.

De Ephialte.

Cum Ephialte dux quidam paupertatem exprobrasset, ille. Cur non, inquit, & alterum dicis, quod sum iustus?

De Themistocle.

Cum Themistocles in Persicum torquem forte humi iacentem incidisset, fertur puero dixisse. Cur non hunc tollis? ostenso torque. Non enim es tu Themistocles.

Cum eundem Athenienses aliquando infamia notassent, &

rursus ad administrationem urbis aduocarent. Ille non probo, inquit, eos uiros, qui eodem uase & pro matula, & pro poculo utuntur.

Auersabatur aliquando in dicendo Eurybiadæ Lacedæmonio, atque ob id baculum ille tanquam percussurus extēdebat. Tunc, percutē, inquit, sed audi. Nouerat enim ea, quæ dicturus erat, populo fore utilia.

De Phocione.

Lugentibus ijs, qui unā cum Phocione morituri erant, dixisse fertur Phocion. Non ne o Thudippe contentus es mori cum Phocione?

De Epaminonda.

Reuersus ex Laconica Epaminondas capitis causam cum collegis coactus est dicere, quod menses quatuor imperiū Boeotiæ contra legem retinuisset. Collegas igitur iussit, totum crimen in se ipsum transferre tanquā ui coactos. Ipse in concionem progressus, negauit se habere uerba rebus meliora, Sed, siquid dicendum esset, censere se, si ab ipsis necandus iudicetur, ut columnæ condemnationem inscribant, quo Græci omnes sciant Thebanos uel nolentes fuisse ab Epaminonda coactos igne Laconicam deuastare, quæ per quingentos annos intacta permanserat, Messenen autem componere post trecentos, & triginta annos, Arcadas in unum cogere, & Græcis libertatem reddere. Iudices igitur his auditis, pudore affecti Epaminondam absolvere. Cui cum reuerso ex iudicio Melitæus catellus cauda blandiretur, conuersus ad eos, qui unā erant, Refert, inquit, mihi catellus gratiam ob accepta beneficia. Thebani autem, de quibus sæpiissime benemeritus sum, mortē mihi iudicio statuerunt.

## De Timotheo.

**Timotheus** Atheniensium Dux existimabatur fortunatus esse, dicebatq; fortunam omnium esse in causa, Timotheus uero nullius. Quapropter pictores in comicis scenis dormientem pingebant, fortunamq; illius capiti impendentem urbes in rete attrahere. Idem Themistocli cuidam interroganti, quanam re potissimum gauisus est in uita, respondit. Videre in olympijs totum Theatrum conuersum in me in stadium progredientem.

## De contentiore Themistoclis, &amp; Aristidæ.

**Themistocles**, & **Aristides** Lysimachi filius eosdem tutores habuerunt, propterea unà educati sunt, & ab eodem magistro instituti. Hi, cum essent pueri, assidue inter se contendebant, quod dissidium ab ineunte ætate ad extremam usque senectutem permansit.

## De Dionysij impietate.

**Dionysius** matrem ueneno sustulit, idemq; cum in nauali prælio Leptinem fratrem posset seruare, pereuntem neglexit.

## De Dracone beneficij memore.

**Patris** Achaiaë urbe puer draconem paruum emit, domiq; summo studio, & cura nutriebat, Et cum iam creuisset, alloquebatur eum tanquàm audientem, simul ludebat, & dormiebat. Draco postea in immensam magnitudinem extensus à ciuibus in solitudinem missus est. Cum uero aliquando puer iam factus adolescens à quodam spectaculo reuerteretur, incidit in prædones unà cum æqualibus. Clamore adolescentis excitus Draco alios in fugam uertit, alios occidit, ipsum uero conseruauit.

# AELIANI DE VARIA

## HISTORIA

### LIBER QUARTVSDECIMVS.

Qualis fuerit Aristoteles erga honores.



Aristoteles Nicomachi filius & sapiens erat, & habebatur. Hic cum decretis sibi apud Delphos honoribus, à, quodam priuaretur, de his Antigonum certiore fecit, dicens, sibi ea, quæ Delphis decreta, erepta fuerant, neque nimix, neque parux esse curæ; Atque hæc fortasse non sunt ambitionis uitia, neq; crimen hoc Aristoteli objicerem. Sed cum is ratione excelleret, arbitrabatur dissimile esse dignitatem aliquam non accipere, & accepta priuari. Non enim molestum est aliquid non assequi, sed graue, ubi iam affecutus fueris, amittere.

De Agefilao, & Barbaris peierantibus.

Commendabat Agefilao barbaros iurisiurandi uiolatores, dicens propter periuria eos, à, dijs odio haberi, se uero amari, & adiuuari.

De immodica profusione.

Acerbissimis uerbis Timotheus Aristophontem prodigum increpabat, inter cætera dicens, ei nihil turpe esse, cui nihil satis est.

De Arist

De Aristide moriente morfu mustelæ.

Aristides Locrensis à Tartesia mustela morsus dicebat moriens se multo libentius moriturum, si à leone, uel pardo morsus esset, necesse est enim aliquam esse mortis occasionem, quàm ab eiusmodi fera. Multo enim grauius mea sententia ignominiam morsus ferebat, quàm mortem ipsam.

Quos Athenienses Reipub. administra-

tioni præficiebant.

Athenienses non solum urbanis negocijs, & bellicis administrationibus ciues præficiebant, sed etiam externos publicorum munerum participes fieri uolebant, præsertim si bonos eos, & ad has administrationes idoneos cognouissent.

Colodorum Ciyzicenum, quàmuis esset peregrinus, imperatorem delegerunt, & Heraclidem Clazomenium. Hi enim cum præclare, & honorifice plerisque in rebus se gessissent, uidebantur Atheniensium quoque imperio esse digni. Ob quæ laudandam censeo ciuitatem, quòd non solum ciuibus gratificaretur, ijsq; rerum suarum summam crederet, sed ob uirtutem dignos honore, etiam si nullo generis uinculo essent coniuncti, decoraret.

Aristippi sententia de constantia.

Insueuerat Aristippus firmissimis rationibus monere, neque præteritis dolendum, neque de futuris laborandum. Id enim dicebat & constantiæ esse signum, & tranquillæ mentis indicium, iubebatq; animum ad quotidiana nos euentus, & ad eam diei partem, qua quisque uel aliquid agit, uel cogitat accommodari. præsens enim

LIBER

non autem præteritum, neque futurum in nostra esse manu. Illud iam effluxisse, hoc incertum esse, an euenturum sit.

Lacedæmoniorum lex de corporum colore, bona habitudine, & corpulentis.

Lacedæmonia lex ita ait. Nemo Lacedæmoniorum colore molliorem præ se ferat, aut corpore sit pinguiore, quàm exercitationibus conueniat. Alterum enim ignauiam declarabat, alterum non esse uirum. Ascriptum erat etiam hoc in lege, ut Ephēbi omnes decimo quoque die publice Ephoris nudi assisterent. Quòd si essent corpore bene constituto, firmo, & ex nimijs exercitationibus, assiduisq; certaminibus fracti, tunc laudibus extollebantur; siquid autem molle, ac languidum in membris appareret, & siqua ex nimio ocio pinguedo subreperet, cædebantur, & in ius adducebantur. Ephori quoque quotidie curam habebant eorum, quæ ad uestimenta spectant; Siquod à decenti ornatu alienum uideretur. Carnis solum coquos oportebat esse Lacedæmone, qui uero præter hanc artem aliam nouisset, urbe eiciebatur, tanquàm ægrotantium sordes.

Idem Nauclidem Polybiadæ filium corpore maxime obesum, & pinguem ex nimio luxu factum è concione spectantibus omnibus eduxerunt, minantes exilium, nisi rationem illam uiuendi reprehendendam, & magis Ionicam, quàm Laconicam mutasset. Ipsius enim speciem, & corporis habitudinem Lacedæmoni, & legibus ignominia esse.

Quomodo Polycletus, & Hippomachus uulgi imperitiam redarguerint.

*Statuas duas eodem tempore Polycletus effinxit, alteram populo gratificans, alteram legi artis inferuiens. Gratificatus est autem populo hoc modo. Singulis ingredientibus aliqua immutauit in pictura obtemperans uniuscuiusque dictis. Cum igitur utrasque spectandas proposuisset, altera omnibus admirationi, altera contemptui, & risui erat. Quod cum uideret Polycletus, hanc, inquit, quam uituperatis, uos fecistis, hanc, quam admiramini, ego.*

*Cum Hippomachi tibicinis discipulus quidam tibiæ cantu errasset, & à populo laudatus fuisset, attigit eum magister uirga dicens. Male cecinisti; Neque enim hi te laudassent.*

De Xenocratis patientia.

*Xenocrates Chalcedonius, cum ei Plato ingratitude exprobraret, neque moleste tulit, neq; ira commotus est. Immo cum à quodam irritaretur, ut Platoni responderet, prudenter quidem hominis dicta repreffit, dicens, Hoc mihi utile est.*

Quomodo Phocion Demadis dicacitatem eluserit.

*Cum Athenienses prætulissent Demadem Phocioni in administratione exercitus, Demades paulo erectior ad Phocionem profectus. Mutua mihi, inquit, sordidam chlamydem, quam imperator solitus es gestare. Tunc Phocion. Nulla tu certe, inquit, sordida re indigebis, quando diu talis fueris.*



Qualem oporteat esse principem erga subiectos.

Philiscus aliquando apud Alexandrum dicebat, Gloriæ quidem præter cætera stude, ne tamen sis pestis, aut magnus aliquis morbus, sed pax, & salus, uolens significare, uiolentum, & acerbum imperium, ciuitatum expugnationes, populorum excidia, pestis propria esse, ualetudini uero, & suorum saluti prospicere, pacis esse commoda.

Quid faciebat Persarum Rex in itinere.

Persarum Rex in itinere, ne ociose degeret, cultello Philyræ poliebat; Atq; hac in re manus Regiæ uersabatur, non autem in libris, neq; animus in meditatione, ut uel aliquid serium, & graue legeret, uel aliquid illustre, & memoratu dignum reuolueret.

De Tragædijs Agathonis.

Viuitur Agatho multis, & crebris Antithetis, quæ cum quidam correcturus moneret ex ipsius tragædijs tollenda. Ille, non animaduertis, inquit, o, bone uir, te Agathonem ex Agathone delere? Adeo ob hæc gloriabatur, putabatq; tragædiam suam ex his constitui.

De Stratonico Citharædo.

Inuitauit quidam benigne Stratonicum Citharædum, quo gauisus Stratonicus, neque enim habebat diuersorium, tanquàm in externam urbem profectus, hominem amplexus est, gratiasq; ei egit, quòd alacriter, & prompte testæ excepisset. Vbi uero Stratonicus unum, & duos, & item plures introeuntes aspexit, sensitq; domum omnibus uolentibus hospitari patere, tunc is comiti, Abeamus, hinc, inquit, uidemur enim palumbem pro columba habere, cum pro domo in hospitium inciderimus.

De Socratis sermonibus.

Olim ueteres Socratis sermones Pausonis picturis comparabant, Pausonem enim pictorem, cum mercede conductus esset, ut conuolutum equum pingeret, currentem pinxisse; Cumq; is, qui tabellam dederat, indignaretur, quod præter pacta picturam fecisset, respondisse illum aiunt, uerte tabellam, & eum, qui nunc currit, conuolutum habebis. Eadem ratione Socratem non aperte dissimulare, cuius tamen sermones si quis conuerterit, rectissimos, & facillimos esse. Cum enim nollet Socrates eorum odium, apud quos differebat, in se concitare, obscure, & oblique loquebatur.

De Hipponici ambitione.

Cum Hipponicus Callie filius in animo haberet statuam, uelut donarium quoddam patriæ erigere, consuleretq; quidam, ut eam Polycleto fingendam traderet. Negauit sibi eiusmodi donarium placere, quod gloriam non ei, qui sacrarit, sed ei, qui fecerit, sit allaturum. Perspicuum est enim spectatores Polycleti artem, & non se admiraturos.

De Archelao, & picturis Zeuxidis.

Dicebat Socrates Archelaum quadraginta minis conductisse Zeuxim heracleotam, ut, quam habebat domum, picturis exornaret, in se ipsum uero nihil omnino solitum expendere, & propterea è longinquis regionibus confluere multos ad spectandam domum, ad ipsum autem Archelaum neminem proficisci, nisi si quem pecunijs alliceret, quibus tamen probum hominem non moueri aiebat.

Quia pœna iratus herus uoluerit seruum afficere.

Homo Chius seruo iratus, Ego te, inquit, non dedam in pistrinum, sed Olympiam ducam. Longe enim grauiorem pœnam censebat Olympiæ spectantem à radijs solis torreri, quàm in pistrino molere.

De modestia Archytæ in sermonibus.

Archytas adeo modestus, & continens erat, ut uerba parum decora abhorreret. Cum uero aliquando nescio quid minus honestum cogeretur dicere non potuit adduci, ut id faceret, sed reticuit, illud autem in pariete inscripsit, ostendens se, quamuis coactum non tamen dixisse id, quod maxime cogeretur dicere.

De historia quadam ridicula.

Sybarita pædagogus (nam & ipse cum esset unus ex Sybaritis, molliter uiuebat) puerum, quem secum habebat, grauissimè obiurgauit, quòd repetam forte in uia caricam sustulisset, atque ipse ridicule sanè illam postea deuorauit. Quòd cum apud Sybariticos scriptores legerem, facere non potui, quin riderem. Ego quoque ob insitam in me humanitatem hac commemoratione uolui alijs occasionem ridendi exhibere.

De Syagro poeta.

Syagrus poeta, qui extitit post Orpheum, & Musæum, primus fertur Troianum bellum cecinisse, ausus quidem præclarum scribendi argumentum sumere.

De Tyranno coercente mutua subiectorum colloquia.

Cum Tryzus Tyrannus quidam uellet cõiurationes omnes, & insidias contra se tollere, lata lege indigenas omnes, à publicis, & priuatis cum altero colloquijs prohibuit;

quod quidem omnium grauissimū, molestissimumq; erat. Ciues igitur Tyranni imperium hac ratione eludebant. Nutibus, gesticulationibus, aspectu acerbo, & graui, modo quieto, & hilari, & periculosis, turbulentisq; temporibus superciliorum contractione, animi affectus familiaribus, & amicis mirifice per uultum significabant; Hæc quoq; uidebantur Tyrannum offendere. Verebatur enim, ne silentium illud propter uultus, & gestus uarietatem aliquod sibi detrimentum afferret. Quare & hanc loquendi uiam interclusit. Cum igitur quidam rei illius indignitatem ferre non posset, cuperetq; funditus Monarchicum illud imperium delere, in forum profectus multas lachrymas, gemitusq; emittebat. Hunc plorantem cum uniuersa ferè multitudo circumstetisset, omnesq; in eundem luctum erupissent, nuntiātū est Tyranno neminem amplius uti nutibus, sed lachrymis multis. Quare is festinabundus, ut etiam naturalem, & innatam libertatem oculis adimeret, quemadmodum linguam, & nutus in seruitutem redegerat, eò quàm celerime potuit unā cum custodia contendit, ut lachrymas quoq; comprimeret. Illi uero, cum priores ipsum uidissent, correptis satellitum armis Tyrannum occiderunt.

De Clinia, & Achille iram musica reprimenubus:

Clinias moribus fuit integerrimis, & sapientia Pythagoricus. Hic, si forte in iram delapsus sentiebat se paulo post furiosum fore, priusquàm uehementi hac perturbatione accensus ab alijs dignosceretur, lyra optime cōposita modulabatur, sciteq; interrogantibus causam respondere se hac ratione placari. Achillem quoq; cum

in Iliade cythara canit, sibiq; modulatione illa priorum  
uirorum laudes, & res gestas in memoriam reducit, irā  
sopire credimus. Cum enim musica studiosus esset, lyrā  
primam ex omnibus stolijs accepit.

De aliquibus, qui pro ciuium salute pecu-  
nias neglexerunt, & alijs, qui eos,  
quibus pecunias debebant,  
occiderunt.

Nonnulli, cum in maxima rerum omnium copia uersarētur,  
uiderentq; ciues suos extrema egestate laborare, negle-  
ctis pecunijs singularem magnificentiam declararunt,  
quo in numero fuit Corinthi Theocles, & Thrasonides,  
Mitylenæ Praxis. Iidem alios hortati sunt ad leuandos  
paupertatis onere inopes, quibus tamen hortationibus  
cum nemo paruisset, ipsi eas, quæ debebantur pecunias  
condonarunt. Ex quo nullum quidem argentum lucrati  
sunt, sed suæ ipsorum uitæ consuluerunt. Illi enim qui-  
bus pecuniæ non remissæ fuerant, ira, & inexpugnabili  
paupertate, & præsentium rerū necessitate adacti eos,  
quibus debebant, occidere.

Qua ratione quidam persuaserit concordiam  
in republica conseruandam.

Cum aliquando Chij grauissimo seditionis morbo laborarēt,  
eorum quidam natura populi studiosissimus ad eos ami-  
cos conuersus, qui de eijciendis urbe aduersarijs omnibus  
cogitabant. Minime, inquit, faciamus, sed quoniam su-  
periores fuimus, relinquamus aliquos, ne in posterū, si  
aduersarios omnes sustulerimus, in nos ipsos turpiter  
arma conuertamus. Atq; hæc cum dixisset, statim eius

sententiæ omnes assensere. Videbatur enim optima,  
& utilissima dicere.

De Antagora conuictis infectante Arcesilaum.

Antagoras poeta Arcesilaum Academicum maledictis in=  
sectabatur, sucq; etiam cum malo in forum accedens.  
Ille uero magnifice eò se conferebat, ubi frequentissima  
erat turba, et cum amicis colloquebatur, ut conuictatoris  
iniquitas pluribus innotesceret, ij enim, qui audiebant,  
conuersi Antagoram insanie accusabant.

De Agefilao.

Eos ego maxime laudandos arbitror, qui subrepentia ma=  
la subinde intercidunt, priusquam firmioribus radicibus  
innitantur. Agefilaus itaq; consuluit, ut ij indicta causa  
occiderentur, qui noctu sub Thebanorum irruptionem  
simul conuenissent.

De Pythæa oratore.

Accusabat quidam Pytheum oratorem, quòd esset impro=  
bus. Confestim ille conscientia adactus non negauit, re=  
sponditq; seminimo tempore eorū, qui in Atheniensium  
administratione uersati essent, improbum fuisse. Super=  
bus sanè, nimisq; elatus, quòd non perpetuò licuerat  
eiusmodi esse. Censebat enim se non inique agere, si in=  
ter pessimos nō connumeraretur. Stultum profectò Py=  
thæa dictum. Neq; enim sententia mea improbitas ex  
actione sola, uerum & ex cogitatione dignoscitur.

Quòd Lyfander pecunias Spartam tulerit.

Lyfander primus pecunias Lacedæmonem tulit, docuitq;  
Lacedæmonios diuinum mandatum uiolare, quod erat  
eiusmodi, ne aurum, & argentum Spartam importare=  
tur. Aliqui igitur ex ijs, qui recte sentiebant, quosq; la=

conica illa uirtus Lycurgo, & Pythico oraculo digna non defecerat, rem prohibuerunt. Qui uero admiserunt, infamiam sibi peperere, & prior illa uirtus paulatim concidit.

Qua ratione Annon uoluerit se ipsum Deum facere. Annon Chartaginiensis præ nimio fastu humanis terminis non contentus cupiebat maiora, & quæ sunt supra hominem, de se prædicari. Nam cum aues multas ex ijs, quæ modulationibus in cantu utuntur, emisset, nutriuit eas in obscuro loco, docuitq; id unum dicere. Annon Deus est. Cum autem aues unam hanc uocem auditam percepissent, aliam aliò dimisit; ratus carmen illud, quod aues edocuerat, alijs etiam in locis diuulgatum iri. Quæ tamen opinio eum fefellit. Nam aues semel solutæ, & ad propria, & consueta loca profectæ, priores, & naturales cantus, quiq; ad aues spectant, edebant, contempto Annone, & ijs disciplinis, quas captivæ edidicerant.

De Ptolemæo cognomento Tryphone.

Ptolemæus Tryphon ( hoc enim ei cognomen ex molli uiuendi ratione impositum fuit ) cum formosa quædam mulier cuperet cum eo colloqui, Prohibuit, inquit, soror, ne formosam foeminam loquentem audirem. Tunc illa intrepide, & festiue. Formosum, respondit, libenter audires. Quod dictum Ptolemæus uisus est laudare.

De Timandrida non probante filium ditescere.

Cum Timandridas Lacedæmonius aliquando peregre profectus, filio domus custodiam reliquisset, & deinde reuersus rem familiarem ampliorem, quàm reliquerat, forte reperisset. Ab illo, inquit, Deos, & familiares, & hospites uiolatos. Immodicas enim pecunias à liberis ho-



minibus in deorum honorem expendi, siquidem omnium humanarum turpissima res est, uideri in uita pauperē, post obitum uero locupletem agnosci.

De Platone, & Diogene.

Cum Plato de quibusdam rebus differeret, neq; Diogenes, qui aderat, attente audiret, indignatus ille. Audi, inquit, sermones meos canis. Quo dicto minime perturbatus Diogenes. Ego, respōdit, nunquā eō redij, unde uenditus sum, quod solet fieri, à, canibus. Latenter arguens illius profectionem in Siciliam.

Idem Plato solitus erat, ut aiunt, de Diogene dicere, illum esse Socratem insanientem.

A quo Aegyptij iura didicerint, & de iudicibus, qui apud eos sunt.

Aegyptij ferunt se à Mercurio iura didicisse. Adeo pleriq; consueuerunt domestica extollere. Iudices olim apud Aegyptios erant sacerdotes, inter quos sententiæ, & iudicij princeps erat senior. Eum oportebat iustissimum esse, & seuerissimum. Gestabat collo annexam ex Saphiro lapide imaginem, quæ Veritas dicebatur. Ego uero cupiam nō in lapide, sed in ipso animo expressam ueritatem à iudice ferre.

De Laide.

Lais Axine, hoc est Securis appellabatur, quod cognomen morum feritatē redarguebat, quodq; nimiam auri uim exigeret, præsertim, à, peregrinis, eō quòd illi citius discessuri essent.

Quòd ridiculi sint ij, qui maiorum suorum uirtute nimis efferuntur.

Deridendos ego censeo illos, qui patrum, maiorumq; noqi-

litate nimis gloriantur, siquidem Marij patrem ignoramus, ipsum tamen ob egregia facinora admiramus. Item Catonem, Seruiliū, Hostiliū, & Romulū.

De simulachris, & imaginibus.

Consueui statuas, quas figulorum studium nobis exhibet, et picturas, diligentissime spectare. Nam hæc quoq; manū opera singularem quandam prudentiam requirunt. Cuius rei ueritas cum multis ex alijs dignosci potest, tum uero præcipue ex hoc, quod nemo unquam pictor, neq; figulus ausus est falsa, adulterina, & aliena specie Iouis filias effingere. Neq; artifex aliquis adeo iuuenili insania laborauit, ut easdem armatas ediderit. Hoc autē præclare indicat oportere in Musis quietam uitam, mitē, ipsisq; dignam inesse.

De Epaminonda & Pelopida.

Epaminonda Thebani multa quidem egregia celebrantur, illud uero præcipue, quod Pelopidæ suadebat, nō prius ē foro decedendum, quā aliquem amicum ad ueteres adiunxerit.

Qua ratione Antalcidas unguento delibutum donum, & ad se missum reprehenderit.

Persarum Rex (uolo enim festiū nescio quid commemorare) cum coronam unguento deliussset, (erat autem hæc rosis conserta) misit Antalcidæ legationem apud se de pace obeunti. At ille accipio, inquit, donum, & regiam agnosco liberalitatem, rosarum autem odorem, & naturalem fragrantiam fucato artificio corrupisti.

De crudelitate Alexandri Tyranni Pheræorum.

Alexander Pheræorum Tyrannus omnium seuisimus habitus est. Cum uero Theodorus Tragædiarum scriptor

cum maxima affectuum expressione Aeropen ageret, Tyrānus in lachrymas effusus è Theatro discessit. Qui postea se apud Theodorum purgans dicebat se non contemptus, aut contumeliæ causa recessisse, sed quòd erubesceret histrionis affectibus moueri, suorum autem ciuium incommodis minime.

De Apollodori infania ex nimio potu.

Cum Apollodorus omnium bibacissimus esset, id uitium non occultabat, neq; ebrietatem, aut, quæ ex ea proficisci solent incommoda, cælabat, sed à uino accensus, & inflammatus truculentior erat, cum corporis quoq; ipsius habitudine ad naturam adiungeretur.

Xenocratis sententia.

Dicebat Xenocrates Platonis discipulus nihil interessè, pedes ne an oculos in alienam domum injceres. Eadẽ enim ratione peccare eũ, qui ea loca intueatur, quæ non decet, & eum, qui eò proficiscatur, quo non est opus.

De Ptolemæo, & Berenice.

Cum Ptolemæus, ut ferunt, alea luderet, quidam ipsi assistens nomina condemnatorum, & iudicata recensebat, ut ille eos, qui digni essent morte, declararet. Berenice uero uxor accepto è manibus pueri libello uetuit eum ulterius legere, dicens de hominis uita diligentius considerandum, neq; Ludicris animum adhibendum. Dissimilem enim esse talorum, & corporũ casum. Ptolemæus uxoris uerbis gauisus, nunquam post id tempus inter ludendum de homine sententiam tulit.

Laconica lex de auaritia.

Cum emissset adolescentulus Laconicus uili precio fundum, ductus ad magistratus mulctatus est. Turpe enim esse

putabāt Lacedæmonij adolescentem iam à puero nimio luri studio ardere. Nam & hoc apud eos illustre habebatur, & singulari laude dignum non solum hostibus in acie resistere, sed etiam argento.

De aliquibus sœminis illustribus.

Ex Græcis mulieribus maxime commendamus Penelopem, Alcestin, & Laodomiam Protefilai uxorem. Ex Romanis Corneliam, Portiam, et Cestiliam. Possẽ et alias enumerare, ne tamen, cum paucas ex Græcis dixerim, uidear uelle mihi ipsi ob patriam gratificari, Romanarum nomina conticescam.

De instructione aciei Magnetum contra Ephesios.

Magnetes, qui propè Mæandrum habitant, bellum aduersus Ephesios gerentes, equites singuli secum commilitonem agebant, uenaticum canem, & seruum iaculatorem. Cum uero manus conferebant, prosilientes canes maxime formidabiles, et intractabiles hostilem impressionem coercebant, Serui ante dominos iaculabantur. Atq; ita canibus, quorum prior irruptio aciem turbabat, succedebant serui, ijq; in conspectu omnium egregie operam suam nauabant. Postremo ipsi irruebant.

De Imagine Helenæ picta à Zeuxide, & de Nicostrato pictore.

Cum Nicostratus Picta à Zeuxide Heracleota Helenæ imaginem cum stupore intueretur, quidam prope accedens rogabat, cur tantopere artem admiraretur. At ille, non rogares, inquit, si meos oculos haberes. Ego uero idem dicerem de sermonibus. Siquis bene institutas aures habet, quemadmodum Chirurgi peritos artis oculos.

Quos suspectos habuerit Alexander.  
 Alexandro suspecta erat Ptolemæi dexteritas, idem Arrij  
 confusam mentem timebat, & Pythonem, quòd noua=  
 rum rerum studiosus esset.

Cur Philippus filios maxime probatorum ho=  
 minum uoluerit ministros suos esse.

Delegit Philippus filios maxime illustrium hominum, ut  
 eorum opera, & ministerio uteretur, non contumeliæ,  
 neq; contemptus causa, uerum ut ipsos laborum toleran=  
 tes, & promptos ad omnia agenda efficeret. Iis enim  
 qui molliter uiuebant, & segniter mandata exequaban=  
 tur, insensissimus fuisse dicitur. Nam Aphthonetum fla=  
 gris percussit, quòd relictæ acie, cum sitiret, in quoddam  
 diuersorium ingressus esset. Archedamum quoq; occi=  
 dit, quòd cum iussisset eum in armis stare, non  
 paruisset. Existimabat enim se adulationi=  
 bus, & blanda aliqua insinuatio=  
 ne Regem ipsum placaturũ,  
 tanquã is, qui nimium  
 lucri cupidus  
 esset.



F I N I S.



# PINDARI PYTHIORVM

ODE TERTIA, QVAE INSCRIBI=

TVR IN HIERONEM CELETE AB

EODEM IACOBO LAVREO VE

NETO HEROICO CAR=

MINE DONATA.



## A R G V M E N T V M.



CRIBITVR hæc ode in laudem Hieronis Syracusanorum Regis, quem uictorem Celete poeta prædicat. Cum autem Hieron calculari morbo laboraret, captat beneuolentiam poeta à persona ipsius Regis, cum statim in ipso odes initio precetur Chironem Cen-

taurum medicorum omnium præstantissimum reuiuiscere. Sumptum est igitur exordium ab ipso Chirone filio Saturni, & Philyræ. Postea digreditur in laudes Aesculapij, quem ait medicinam optime didicisse à Centauro. Præterea more suo poeta nonnulla de Coronide Aesculapij matre commemorat, & qua ratione contempto Apollinis coniugio stulte cū mortali homine coierit. Postremo Regem consolatur, monetq; moderate ferendum esse morbum. Nihil enim ait ex omni parte beatum esse, idq; & exemplis, & sententiarum gravitate comprobatur.

**Q**uam uellem, (si fata sinant effundere tales  
Ore preces) iterū ad supos Chirona reuerſi

Saturno, & nympha genitum, summūq; tenere

Pelion, umbrosi ubi quondam uallibus errans

Horrendum uisu monstrum mortalibus eſſe

Auxilio herbarum succis, & caule ſolebat.

Quale olim patria amplexum pietate ſalutis

Authorem, quid terræ uſus, & uiſcera poſſent,

Edocuit, iuſſitq; ſuas florere per artes.

Quem Phlegya generata, pio dum clauderet aluo,

Conſilijſ phœbi, telisq; extincta Dianæ

Occubuit, nigrasq; umbras, & tartara adiuit,

„ Iræ etiam non uanæ animis coeleſtibus hærent.

Ex quo mortales uiſus, hominiſq; cubile

Aſpexit, prius inſoſo commiſta marito,

Et cum uiſceribus diuini ſemina foetus

Gēſtaret, ſtabili non paſſa eſt iungier amens

Connubio, lætos ſtrepitus, menſasq; iugales

Dedignata, quibus noua caſtæ pectora ſponſæ

Mulcentur, dum nocturnis conuiuiâ curant

Cantibus æquæuæ, celebrantes dona hymenæi.

Exarſit ſubito (ſic eſt) abſentis amore.

„ Ulteriora petit genus hoc mortale, propinqua

„ Negligit, & uana ſic ſpe deludimur omnes.

Ergo ubi complexus furijs euiſta Coronis

Hæmoniꝝ tetigit iuuenis, uetitūq; cubile

Aſcendit patre ignaro, tunc lumina torquet

Phœbus ad Hæmoniæ colles, & ſtagna paludis

Phillyrides  
Chirō. Vir.  
Geor. lib. iiii.

Prima Parec  
baſis.  
Chiron Ae  
ſculapium,  
Achillē, Ia  
ſonē & Her  
culem eru  
diit.  
Secunda Pa  
recbaſis.  
Corōis Phle  
gyæ filia:  
Iſchyn præ  
poſuit Apol  
lini, cuius  
etiâ rei cau  
ſam reſert A  
geſilaus.  
Tertia Parec  
baſis.

Quarta Pa  
recbaſis.



Boebias pa-  
lus adiacens  
Iaceriae ur-  
bi Theſſaliae:  
Quinta Pa-  
tecbasis.

Boebias

Apollo Dia-  
nam:

Pesilentie  
fuerunt au-  
thores Apol-  
lo et Diana.

Sexta Parec-  
basis.  
Ouidius. II.  
Metamor-  
phoseon.

Septima Pa-  
tecbasis.

Boebiadis (locus hic miseræ dilectus amanti)  
Extemplo Deus haud fallax, quem nemo fefellit  
Non hominum, non coelicolum, præcordia diris  
Accensus flammis, inimica uoce sororem  
Compellat, stimulisq; animos irritat acutis  
Fœmina, quæ nostros uiolauit perfida amores,  
Cœlestes exosa thoros, & misa profanis  
Coniugijs, tua tela soror, neruamq; sonantem  
Sentiât, & superum discat contemnere flammâs.  
His dictis commota leues de more sagittas  
Corripuit, lætiq; eadem fortuna propinquis  
Causa fuit populis, fuerat quæ criminis author.  
Ac ueluti infirmis exorta incendia flammis  
Indomitâ paulatim animis fastigia summi  
Peruolitant tecti, & uacua bacchantur in aula.  
Aut cum frondentem Syluam, si lentus adhæsit  
Forte uapor folijs, aut ignis semina truncus  
Seruet, & excelsi faueat clementia cœli,  
Vndantes crepitus flammæ absumpsere repente.  
Haud aliter miseranda lues, & nuncia læti  
Sæuijt immeritas ingentes, crimine & uno  
Repsit ad externos clades furtiua penates.  
Ast ubi pallentes æquæ uirginis artus  
Imposuere Pyra, nondum Vulcanus in illam  
Irruerat; quando ecce Deus non passus eisdem  
Ignibus extingui matrem, monumentaq; matris,  
Flamma aditū præbente, rogos conscendit, et aluo  
Eductos fœtus Chironi tradidit, à quo  
Letales hominum morbos medica arte leuare  
Disceret, & uarijs animos exoluere curis.

Phœbigena assuetus studijs melioribus, apte  
Octava FA  
rebas:

Vlcera, & inpersam saniem abstergebat, acutus

Non ensis, non tela hosti, non saxa nocebant.

Quin etiam cæcas flammæ, ignesq; latenteis

Credimus extinctos, & quæ mala semina febris

Horrenti inuadunt mortalia membra rigore.

Proderat his potu dulci, quandoq; fouebat

Carminibus læsas partes, medicamine molli

Interdum, ferro lenibat sæpe dolores;

Huic tamen omnipotens contorto fulmine clausit  
Spiramenta animæ, precio quia lumine cassum  
virgilius li  
bro. VI,

„ Reddidit ad superos (virtus quoq; uëditur auro)

„ Cœlicolæ uetuerè animo immortalia tangi

„ Mortali, iussere ijdem præsentia curæ

„ Esse, homini memori, quo fato, ac lege creatus.

„ O nunquam tales stimulos sub pectore uertam,

„ Inferior contentus ero, quascunque dederunt

„ Dij superi metas, humana ducere sorte.

Ergo latebrosi si Chiron tegmina saxi

Repetit ea,  
quæ dixit ini  
tio.

Incoleret, si carminibus fera corda mouentur

Centaury, blanda iam pridem uoce coactus

Vt quondam, calidis soluisset corpora morbis.

Forsitan & cantu allectus uenisset Apollo,

Filius aut aliquis, tunc tali munere diues

Optatas Arethuse undas, & murmura montis

Hausissem, prius Ionij uada cœrula uectus,

Hospes ubi Aetnæus populi custodia, ciues

Vrbe Syracusia moderatur, talis in omnes,

Qualis amor patris in charam diffunditur æque

Progeni, & teneris iam spes miratur ab annis.

Alii Regem  
febri dicunt  
laborasse,  
nonnulli pe  
dū dolore,  
aliqui cal  
culari mor  
bo:  
Nona Parec  
bais.

Decima Pa-  
recbas.

Illum ego languentem stratis, propiusq; tuentem  
Tartara, dona ferens, hymnos, pariterq; salutē,  
Iuissē. Quis non referat certamina primus  
Pythica? & insignis taceat memoranda coronæ

Nomen equi  
a ferēda ui-  
ctoria ita di-  
cti.

Vndecima  
Parecbasis.

Premia, queis Cirrhæ uelox Pherenicus habeni-  
tum, olim meruit cum laude potiri.

Quod nisi perpetuis tenebris Saturnia proles  
obruta iā stygias ( miserū ) penetrasset ad undas  
Fretus Apollinea Dircae carminis arte

Al autē quā-  
dam

Duo decima  
Parecbasis.

Lumine splendidius Phœbeo regia tecta  
Lustrassem, & populo fulsisset gratior omni  
Illa dies, membrisq; quies, & gaudia menti.

Parta meis opibus uobis quoq; læta fuissent,  
Qui lucos hecate sacros, atq; arua tenetis.

ortygis, Siculas per quam delapsus ad oras  
Alpheas ( si digna fides ) miscetur amanti.

Decima ter-  
tia Parecha-  
sis.

Domus poe-  
te Posita erat  
prope tēplū  
Rheæ.

Decima quar-  
ta Parecha-  
sis qua con-  
solatur, Re-  
gem.

Quod superest, pia uota libens admitte, precesq;  
Coelicolum genitrix, cui noctu sacra puellæ,  
Et Fauno pariter celebrant mea limina iuxta.

Si uero heroum licuit monimenta priorum

Tangere, si rerum suprema cacumina mente

Voluisti, mortali homini pars una bonorum

Sorte data, at duplici serie, longaq; sequuntur

Aduersa, hæc sapiens animis, & uiribus æqui

Sustinet, impatiens casu succumbit acerbo.

At tibi non Hieron felicia fata negarunt

Illa, quibus mortale genus plerunq; benignis

Auspicijs, cornuq; pio sors prodiga donat.

Exemplo Aeacides, & natus Agenore claro

Cadmus erunt, quorum Thebanis arcibus olim

Alter, in Hæmonia sinuosis collibus alter  
 Dulcia musarum miratus carmina fertur,  
 Tempore quo Cadmus gremio requieuit amata  
 Harmoniæ primum, Peleusq; amplexibus hæsit  
 Nymphæ, quæ, liquido placuit quia gurgite ferri  
 Forsitan, humanos aspectus luserat omni  
 Arte prius, mox consilijs eucta marini  
 Vatis ad inuisos properauit candida fines.  
 Quin etiam Diuum proles mortalia tecta  
 Vidit, & à superis Reges sua donatulerunt.  
 Atq; ita post uarios casus, aduersaq; fata  
 In melius fortuna loco mutata reflexit.  
 Post tamen exortus subito noua gaudia moeror  
 Turbauit, Cadmo genitæ, crudelis Agaue,  
 Atq; Ino, rabidis accensæ pectora flammis  
 Quod tristi dulces scedarunt cæde penates,  
 Exitium patriæ, & regnis peperere superbis.  
 At congressa Ioui Semele, dum nomine gaudet  
 Coniugis, horrenti uitam sub fulmine sudit.  
 Pelides, quem diua Thetis non fluctibus imis  
 Edidit insignem bello, sed thessala iuxta  
 Littora, stridenti confixus phæbe sagitta  
 Phæbe tua, ingentes luctus per castra ciere  
 Argiium potuit, miserisq; inuoluere læta,  
 Præcipue cum flamma uiri seuire per artus  
 Cœpit, & in cineres abierunt ossa tepenteis.

Ergo animi prudentis erit, qui robore tutus,  
 „ Hunc decet euentus rerum seruare secundos,  
 „ Et meminisse illos instar mutabilis auræ  
 „ Esse, ubi cōstiterint supremo uertice, tandem.

Decima quæ  
 ta Parecha  
 lis.

Quidius. XI.  
 Metamor  
 phoseon,

Peleo ducen  
 ti Rhetin Ne  
 ptunus e  
 quos dona  
 uit, vulcanus  
 machæram,  
 Cadmo du  
 cti Harmon  
 niam, Venus  
 aureum tor  
 quem.  
 Quidius. III.  
 & IIII. Me  
 tamorpho  
 seon.

Cōclusio in  
 qua latet præ  
 ceptum.

Nonnulli lo-  
aum hūc ali-  
ter inrelli-  
gunt.

*Ipse ego, si latus fortuna negauerit orbes,  
Talis ero, si uero eadem stridentibus alis  
Luserit, inuictis animis, et uoce superbus  
Dira fremā, tumidasq; minas sub pectore uertā.  
Et, quæ nos circum steterit fortuna, feremus.  
At si diuitias, et amata munera terræ  
Annuerint superi, si me clementia cœli  
Iuuerit, æternos referent mihi secula honores.  
Aspice, ut intrepidus bello, functosq; periculis  
Nestora, et Argiū quē olim timuere Phalāges  
Ductorem lyciæ classis Sarpedona, uatum  
Lingua beat, notosq; duces, et fortia facta  
Cernimus, insigni quia uirtus carmine nixa  
Post hominum aspectus cœlesti confidet arce.  
Sed tamen hoc paucos donarunt munere fata.*

**F I N I S.**

- A** Nimalia, quæ per se= 48.t.  
 metipsa curatiõe uti= Archelaus à Crateua inter=  
 tur, agrestes Sues, Cerui, sectus. 51.t.  
 Leo, Capræ Cretenses. 7. Anaxagoræ tumulus. 53.t.  
 Cerui. 86.t. Aristippi aduersa tempestate  
 Animalia diuinandi perita. oppressi dictum. 57.  
 Mures, Formicæ. 7. Animalium nõnullorum na=  
 Amatores puerorum, & ho. tura. 60.t.  
 minum. 10.t. 13. 18. 39. t. Astrologi, & de magno an=  
 48. 51. t. 68. t. 69. 82. no. 61.  
 Aristophanis Nebulæ in So= Archilochus qualis & quam  
 cratem. 16. maledicus. 62.  
 Animalia, quæ fiunt ebria. Apes labris Platonis mel in=  
 21. t. stillarunt. 63. 75. t.  
 Amœna loca. Tempe. 23. t. Agathoclis caluitium. 64.  
 Amores ridiculi. 17. 59. t. Adulter Thespijs captus. 64.  
 Amoris uis. 25. t. Acutissimi risus. 65. t.  
 Anima ex Peripateticorum Aspasia, & quæ ad eã. 65. t.  
 sententia. 26. Adulter qua pœna afficie=  
 Amores honesti. 25. t. 26. batur. 70.  
 Amicitia qua ratione diutius Alexander quos timebat &  
 possit conseruari. 39. t. oderat. 70. t. 96.  
 Ambitiosi. 40. t. 83. t. 91. Amores Pausaniæ, & Apel=  
 Atheniensium lex de cadaue= lis. 73. t.  
 ribus humandis, et boi ma= Alexander rei frumentariæ  
 ctatione. 42. t. 49. t. 50. t. inopia laborat. 74.  
 Auari. Delphi. 45. t. Simo= Audaces. 74. 71. t.  
 nides. 50. t. 81. Aristomache uxor Dionis.  
 Aristippi dictum, quo moeror 75. t.  
 ademptus est. 47. t.

Athenæ quibus similes ex 150. Silenis. 32.t.  
 cratis sententia. 76. Beneficia non accipienda, &  
 Archedicæ amor. 78.t. cur. 61.t.  
 Atalantæ laudes. 79.t. Bucolicum carmen unde ini-  
 Alexāder captis Thebis qui- tium habuerit. 63.  
 bus pepercerit. 82.t. Bacides tres. 73.t.  
 Apolloniæ finitimam Epi- Belloꝝ maximorū initia. 77  
 damno urbem colunt. 83.t. Boreas honoratus 78  
 idem peregrinos usu ur- Barbarorum periuria. 88.t.  
 bis prohibebant. 84. Bonus non mouetur pecunijs.  
 Alcibiades quāti Homerū se 91.  
 cerit, et nonnulla de eodē. 87. Bellum Troianum quis pri-  
 Aristides morsu mustelæ in- mus cecinerit. 91.  
 terijt. 89. C  
 Atheniēses quibus utebātur Columbarum natura, & ali-  
 ad Reipub. administratio- de his. 7.  
 nes. 89. Certamina diuersa. 9.  
 Aristippi sententia de con- 19.t. 35.  
 stantia. 89. Crudeles. 14.t. 17.t. 42. 4.  
 Agathonis Tragœdiæ. 90.t. 45.t. 69. 81. 88. 91.t. 94.  
 Agesilaus quos indict causa Calumniatores. 1  
 consuluerit occidendos. 93. Colloquium Midæ, & Silen  
 Annon uoluit Deus haberi. 27.t.  
93.t. Continentes, & casti. & i  
 B continentes. 31.t. 55. 55  
 Bibaces et ebrij. 22. 26. 26.t. 60.t. 91.t.  
30. 38. 58. 63. 72.t. 82. 95. Citharœdi. 33. 35. 90  
 Bont. 17.t. 38. Contenti paucis, & minime  
 Benigni. 18. 35. 46.t. 72.t. 90 37. 48. 58.t. 64.t.  
 Bacchi cognomina, et quæ ad Coqui.  
 eum, de Tityris, Satyris, & Columnæ Herculis prius



etæ Bridrei. 41. Diogenes Philosophiæ stu=  
 Constautes 55.75.t.89. diosissimus. 62.t.  
 Chartaginienses binos guber Diuites facti ex publicis mu=  
 natores singulis naubus neribus. 62.t.  
 præficiabant. 60.10. Demetrius proficisciebatur  
 Celeritas Alexandri in ge= ad meretricem. 70.t.  
 rendis rebus. 61. Dioxippus amore captus.  
 Cleomenis insidiæ aduersus 77.t.  
 Archonidem. 69.t. Dionysij, & Philippi collo=  
 Collis Pallantius, templum, quium. 78.  
 & ara febris. 70. Dionysius duas uxores ha=  
 Celte audaces. 71.t. bebat. 82.t.  
 Centauri duo occisi ab Atæ Dionysius Tragœdiæ studio=  
 lanta. 81. sus. 84.  
 Cercidas cur libenter more= Diogenes egētissimus qua ra=  
 retur. 84. tione se ipsum consolatus  
 Clinias & Achilles qua ra= sit. 85.  
 tione irā cōprimebant. 92. Diogenis seruus laceratus à  
 Concordia in urbibus qua ra canibus. 85.t.  
 tione conseructur. 92.t. Dionysius Leonem osculaba=  
 D tur 86.  
 Dona diuersa. 9.ij.ij.t. Demadis dicacitatem elusit  
29.t.40.65.94.t. Phocion. 90.  
 Dies Græcis propitius. 19. Diogenes à Platone canis di=  
 Duces iusti, & iniusti. 27. citur. 94.  
 Demades mulctatus est, quòd E  
 Alexandrum decreto facto Edaces. 10.55.72.  
 Deum statuerit. 42.t. Equitandi periti. 19.t.  
 Dæmonium Socratis. 50. Eleganti corporis cultu usi.  
 Diogenes Sinopensis se ipsum 28.t.30.59.  
 de ponte deiecit. 52.t. Epicuri sententia. 37.t.

- Eloquentes. 38.39. Dionysij exemplo. 46  
 Electra Agamemnonis filia Formosi, & formosæ. 47.  
 de ita dicta fuerit. 40. 66. 70. 71.  
 Epicurei eiecli à Romanis, et Frontem non frigere dixit  
 Messenij. 56. Scythia quidam. 47.t.  
 Eurydamas pugil proprios Feræ quos nutriuierint. 47.t.  
 dentes deuorauit. 63. Felix Rhodopis mere=  
 Epaminondas monet suos, ut trix. 86.  
 in gratiam redeant cum ho G  
 stibus. 69. Gulosi Polypi, Vulpes Ma=  
 Eurydicæ filia Philippi obi rina. 6. 6. t. 61. t.  
 tus. 86.t. Grati, & memores beneficio  
 Epaminondas capitis causam rum. 35. t. 43. t. 46. t.  
 dixit, & de eo. 87.t. 40. 83.  
 Epaminondas quid Pelopidâ Gelonis præclarũ factũ. 45.t.  
 docuerit. 94.t. Gnathenæ meretricis festi=  
 F uum, & callidũ dictũ. 70.  
 Fama mendax. 9.t. Gelo optimus princeps. 86.t.  
 Felices nõ esse eos, qui populi, H  
 & uulgi uocibus extollun= Homines uiles, & humiles tu=  
 tur. 15. tiores. 15.  
 Fama illustres uiri. 22.t. Homines, qui Dij haberi uo=  
 Frugales. 17.t. lucrunt. 18. 19.t.  
 Fortes corpore. 19. 43. 44. Homeri poemata qui primus  
 t. 53. 63. 71. t. Athenas tulerit. 50.  
 Fortunæ instabilitas. 20. Hieronẽ phibet Themistocles  
 à certamine equestri. 54.t.  
 Faciles ad inouãdas res. 42.t. Homerũ quanti fecerint Ar=  
 Fames Tarentinorũ, & Rhe giui. 56. Indi. 76.  
 ginorum. 43. t. Homines omnes fraudulen=  
 Felicitas non semper eadem tos esse uenustissimo doce=

- mur Apophthegmate. 62. De Themistocle. 57.  
 Hipparchum occidit Harmo= Iustissimi. 18.t.38.53.  
 dius, & Aristogiton, & Impij. 87.20.33.40.t.43.  
 cur. 64. Infani. 40.83.  
 Hercules alter. 71.t. Iudicia Athenis ubi exerce=  
 Homines humili loco nati, & rentur. 42.t.  
 clari. 74.t. Iudiciū Areopagitarū in mu=  
 Homeri carmina, & poe= lierem grauidam. 43.  
 sis. 83. Imperitia literarum quantū  
 Homerus poeta Lacedemo= malum. 49.  
 niorū, Hesiodus Ilotarū. 84. Indica mulieres unā cū mor=  
 Harmonia Phrygia. 84. tuis uiris cōcremantur. 49.  
 Homeri templum, & simu. Ioniæ duodecim urbes. 50.t.  
 lachrum. 84.t. Italia laus, & urbes. 56.t.  
 Homerus uomens. 84.t. Infelices. De Theramene. 57.  
 Habere uidemur palumbem De athleta uictore. 58.t.  
 pro columba. 90.t. Iechus luctator continentissi=  
 Historia ridicula de pædago, mus in uictu. 63.t.  
 go Sybaritico. 91.t. Inuidia quantū malum. 69.t.  
 I Inmemores iniuriarum. 76.  
 Insidiatores. Phalanges. 6. Isocratis Pænegyrica oratio  
 Iracundi. Cygni. 7.t.44. cuius mali causa. 83.  
 De placenta missa Socrati. Insaniam qui simularunt. 83.  
 65.77.92. Iratus quidā quomodo seruū  
 Inanis labor. 8.t. uoluerit castigare. 91.t.  
 Iudicia perperam facta 12.t. Iura Aegyptij à quibus di=  
 13.64. dicerint. 94.  
 Insolentes. Clazomenij. L  
 17.64. Liberales, capite. Dona data  
 Ingrati. 17.t.29. capite, legatis à Rege Persarum.  
 De Timotheo. car. 34.37. 9.9.t.ij.ij.t.53.t.83.92.t.

- Lacedæmoniorum instituta. Lysander primus Spartam  
14.25.t.26.44.t.45.89.t. pecunias importauit. 93.  
 Leges & mores diuersi. 21. Lacedæmonij auaros punie=  
21.t.21.t.32.34.t.35.41.t. bant. 25.  
 42.t.45.t. M  
 Legislatores. 38.t. Molles tam scemine, quàm  
 Lyra Paridis, & Achillis. uiri. 8.19.28.t. 39.t.40.t.  
 89.t. 41.57.t.82.t. 93.t.  
 Lais meretrix dicta Securis, Mira de Pythagora. 19.t.  
 69. Mers, & quæ ad eã, & qui  
 Luscinia nunquã dormit. 71. suorum obitum moderate  
 Laconicarum mulierum in= tulerunt & qui contra. 21.  
 stitutum in humandis libe= 24.t.25.36.48.55.68.t.  
 ris. 71. Magnifici, & magnanimi.  
 Leocorium. 72.t. 25.29.t. 38.41.t. 41.t.49.  
 Latuniæ Syracusanæ. 75. 53.63.71.t.  
 Lacedæmonij rudes. 76. Maledictiã, maledici et quæ,  
 Libum mos in sepeliendis ijs, ad eam. 25.65.93.  
 qui in ac̃e, uel in uenationi= Misericordes, & clementes.  
 bus ab elephantibus occi= 29.t.85.t.  
 duntur. 77. Mortui pro patria. 30.t.  
 Lex Persica de cõsiliarijs re= 72.t.  
 gis. 78.t. Mulieres furore correptæ.  
 Lacedæmonie leges graues. 32.t.  
 82.t. Militiæ periti. 38.39.  
 Leones Græci, Ephesi fiunt Mortui dysenteria. 41.  
 Vulpes. 81.t. Mortui morbo pediculari.  
 Locupletare melius, quàm 41.40.t.  
 locupletari. 83. Mortui uolūtaria morte. 41.  
 Lycurgus percussus oculum Medea non interfecit suos  
 amisit. 84.t. liberis. 43.t.

Molælaus. 47.t. Nuptiæ celebratæ ab Ale-  
Mulieres Romanæ marito= xandro ob uictoriâ aduer-  
rum calciamenta gestabant. sus Darium partam. 51.

48.t. Nobilitate parentum nō glo-

Mares quidam homo, & e= rriandum. 69.94.

quus. 56.t. Numisma Aeginetæ primi

Medicinæ studiosi. 57.t.6s. excuderunt. 69.t.

Medici inuenta morbi causa Niobes filij. 73.t.

curationem esse inuentam Natura Arcadici uini, Tha-

putant. 57.t.22. si& Achaici. 82.t.

Mortui morbo comitali. 58.t. O

Mori quos deceat, & quos Otium fugientes. 90.t.

uiuere. 61.t. Oratores celebres Gorgias,

Mortui præ nimio dolore, Protagoras. 9.t.

63.t. Orpheū nō fuisse sapiētē. 51.

Musas nemo unquā armatas Oīa imminui, & corrūpi. 52.

effinxit. 69.94.t. Oratores, qui defecerūt. 52.

Miltiadæ tres. 73.t. Oratores populo seruiūt. 57.

Mores Sacarū, & equi. 74. Ocium quantum malū. 57.t.

Midæ in os formicæ tritici Olympicos ludos spectare nō

granā importarunt. 75. licebat scēminis. 60.

Megarenses rudes, & lite= Oricadmus luctator. 63.t.

rarum imperiti. 77.t. Olympias quid moleste tulle=

Malus orator Pytheas. 93. rit. 85.t.

Mulieres illustres. 95.t. P

Magnetum instructio aduer Phocionis morituri, dictum.

sus Ephesios. 95.t. 87.t.

N Pindarus uictus à Corinna.

Numerus aliquarum nauū, 85.

& armatorū, quos Athe= Pugna orta ob cadauer Alc.

nienfes amisere. 42. xandri. 73.t.

Periandri duo. 73.t. 64.t. 87.  
 Præceptores multorū. 72. Philosophi. 20.3.1.32.39.42.  
 Persarū mos largius potan= Pij. 20. 29.t.  
 di post cenam. 66.t. Poetæ, & philosophi etiam  
 Pigritia libertatis soror. 62. administrationibus publi=  
 Philippe homo es 52.t.60. cis, & bellicis muneribus  
 Pisistratus Tyrannus. 52.t. præfuerunt. 25.27.48.t.  
 Pingues & graciles 56.61. 49.t.51.t.  
89.t. Patriæ & populi studiosi.  
 Pisistrati callidū factū. 57.t. 30.t.37.46.  
 Parentis iram ferendā. 59. Præceptores debere benigne  
 Poetæ qui Epici ante Home= se gerere in erudiendis di=  
 rum. 63.t. scipulis. 31.t.  
 Philippus quos circa se ha= Pecuniam conseruare diffi=  
 buerit. 96. cile. 37.t.  
 Prudentes. Aegyptiæ ranæ. Pythagoræ dogmata. 58.t.  
 Canis ægyptius, Testudines Plantæ in Delo uirentes, &  
 marine, 6.t. Ismenias. 9. Se= quæ de his. 41.  
 miramis. 47. Neleus. 50.t.

## Q

58.t. Berenice. 95. Quædā inuenta prius. 32.t.  
 Prodigia, oracula, & signa Qualis esse debent princeps  
 uaria. 10.t.20.t.33.t.36. erga subiectos. 90.t.  
75.t.77.t.81.t.

## R

Pictores, picturæ, & quæ ad Rhodiorum opinio de obso  
 eas. 13.t.13.23.31.t.35.37. nijs.  
51.t.55.t.61.t.74.t.84.t. Risum qui odio habuerint,  
91.95.t. qui amarint, & quæ ad eū.  
 Prodigia. 15.t.39.t.42.47. 32.39.t.52.84.  
50.t.51.54.72. 72.t.88.t. Reges, & principes doctri=  
 Pauperes quamuis celebres. næ studiosi. 37.t.38.t.  
23.31.31.41.t.56.t. 39.49.t.50.53.t.54.t.

Roma à quibus condita. 49. & equarum Cimonis. 59.  
 Romanū decet in dextra spē. Simile nescio quid dicto illi.  
 habere, non in sinistra. 64. t. Sutor ne ultra crepidā. 59.  
 Romanis mos est uirtute, non Sesostrin ægypticorum Re=  
 insidijs hostem uincere. 73. t. gē Mercurius erudijs. 69.  
 Ratio, qua Aristoteles iratū Sappho meretrix. 71.  
 Alexandrum tentarit pla= Sibyllæ. 73. t.  
 care. 77. Stulti. 83. t.

## S

Socratis corpus quale. 85  
 Somnia diuersa. Gelonis. 7. t. Spes somnia uigilantium ho=  
 Superbi. Socrates. 8. 31. 38. minum. 85. t.  
44. 44. t. 49. t. 54. t. 57. Socrates meretricis iactan=  
59. 60. 64. 76. t. 78. t. tiam refellit. 86.  
 Sacrilegi. 8. t. 43. 45. t. Socratis sermones Pausonis  
 Seueri. ij. t. 30. t. 43. 45. 60. picturis similes. 91.  
 Socrates quæ docuerit Alci= T  
 biadem. 12. t. 31. Timidi in dicendo, & qui de  
 Statuæ fluuiorum. 20. t. fecerunt. 12. t.  
 Senectus, et quæ ad eā. 21. 32. Thebanorum leges, & insti=  
 Sapientes. 38. 39. 41. t. 50. 71. tuta. 14.  
 Scōmata quantū ualeāt. 41. t. Tibicines. 32. 33.  
 Superstitiosi. 43. Terræmotus Sparte & ali=  
 Semiramis iubet Assyriorum bi. 45. 45. t.  
 Regem interfici. 47. Tyrannides non diutur=  
 Scōma in Demosthenem. 48. næ. 46. t.  
 Solonis stratagema contra Tolerantes. 48. t. 90.  
 Megarenses. 49. t. Thraces rudes, & imperiti  
 Senis cuiusdam Ceiridiculum literarum. 51.  
 factum. 49. t. Taurosthenis uictoria, &  
 Simplicitas morum. 53. prudens factum. 54.  
 Statua Phrynæ meretricis, Themistocles quercubus se



ipsum comparabat. 57. Vitam non curantes. 55.t.  
 Tyrāni ex uerbis Aesopi. 61 Vicinus malus malum est. 58.  
 Timesias sponte patria de- Viri illustres ludentes cum  
 cedit. 69. t. pueris. 70.t.  
 Themistoclis dicta. 87 Vinorū aliquorū genera. 73.  
 Timotheus felix. 88 Vestes, & calciamenta ali=  
 Themistoclis, & Aristidae quorum Philosophorū. 73.  
 emulatio. 88 Viatica, quæ sequebantur  
 Tyrannus subiectos à mutuis Xerxem. 74.t.  
 colloquiis prohibebat 91.t. Veritas, & beneficentia, ma=  
 Timandridas non probat si- xima bona. 78.  
 lium ditescere. 93. t. Vespasum examen metuit.

V

Phrynicus more galli. 84

Vulgus, & illius iudicium mi- X  
 nimi faciendum. 14. 90 Xanthippe detrectat So=  
 Victores in olympijs tā poe cratis pallio induta ad spe=  
 t.e, quā alij. 14. t. 60. t. Etandam pompam ingredi.  
 Veterum cibi. 32. t. 48.  
 Veterum nonnullorum pro- Xerxes à Dario filio occi=  
 prietates. 38. sus. 82.  
 Violatores pactorum, & soc Xenocratis sententia. 95.  
 derum. 44. t. 45. 51. t. Z

62. 63. 88. t. Zelotypi. 54. t.  
 Viri, qui proprijs manibus Zenonis prudens, & callidi  
 etiā uilia conficiebāt. 47. t. dictum. 58.

F I N I S.





